

**SIXTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

**FOR SECOND SITTING ON THURSDAY, THE 18TH MARCH, 2010
(Time 10:30 AM to 1:00 PM and 2:00 PM to 4:00 PM)**

PRESENT

Pu R. Romawia, Hon'ble Speaker at the Chair, Chief Minister, Deputy Speaker, 11 Ministers and 24 Members were present.

OBITUARY

1. *Pu LAL THANHAWLA* to make reference on the demise of Pu L. N. Tluanga, former Member of Legislative Assembly of Mizoram.

QUESTIONS

2. *Questions* entered in separate list to be asked and oral answers given.

ANNOUNCEMENT

3. *THE SPEAKER* to announce Panel of Chairmen.

LAYING OF PAPERS

4. *Pu R. LALZIRLIANA* to lay on the Table of the House a copy each of the followings :
 - a) The Mizoram State Employment Guarantee Fund Rules, 2009.
 - b) The Mizoram Rural Employment Guarantee Scheme, 2009.

PRESENTATION OF REPORT

5. *THE SPEAKER* to report to the House the Time Table, chalked out by the Business Advisory Committee for the current session.

DISCUSSION ON MOTION OF THANKS

6. Discussion on Motion of Thanks on the address of the Governor.
(to be concluded)

SPEAKER : “Kei hi thawhleha leh nunna chu ka ni; tupawh mi ring chu thi mahsela a nung reng ang; nung apiangin mi ring chu kumkhuain an thi lovang”.

Johana 11:25-26

Tunah sunna hun kan lo hmang ang a, former Member Pu L. N. Tluanga'n min boral san avangin House Leader, Pu Lal Thanhawla, Obituary Reference pe turin ka sawm e.

Pu LAL THANHAWLA, HON'BLE CHIEF MINISTER : Pu Speaker, vawiinah helaia kan lo thawhpui thin leh Mizoram-ah chuan milar ber te zing ami Pu L. N. Tluanga, Ex-MLA sunna hun kan lo hmang ta mai hi paw ka ti a. Lalnunluanga hi a hrelo a ram kan awmin ka ring lova, Mizo-ah chuan, tunlai chhanah. Chutiang khawpa milar leh mi hmingtha, hnathawk tha, ram leh hnam tana hmalakna ngah a ni. A chanchin tlangpui lo ngaithla hmasa ila – Pu Lalnunluanga hi ni 23 November, 2009 zing dar 2:45 khan a boral a, kum 81 mi ani. Pu Salthuama leh Pi Kapthiangi te fa 7 zinga upa ber dawttu a ni a, August ni 26, 1928 khan Samlukhai – ah alo piang a ni. March ni 16, 1960 ah Pi Zaithanchhungi nen an innei a, fapa pali leh fanu pahnih an nei a, an fate hi an Graduate vek a, pathum in Master Degree an nei nghe nghe a ni. Kum 1970-ah an nupa in Shillong-ah B.T an zir dun a, thataka zovin, Mizo nupa-ah chuan Teaching Graduate Degree nei hmasa ber an lo ni ta a ni. Tin, a nupui pawh hi mi duailo tak a ni a, lehkhabu pawimawh tak tak, tamtak a ziak a, khawvel pawh a fang nasain, ramthianglim bik phe chu a Master emaw tih mai tur khawpin Mizo zingah kan hriat lar theih tur khawpin lehkhabu tepawh a ziak nghe nghe a ni.

Tin, Pu Lalnunluanga hi zirna lamah chuan lehkhah thiamthei tak a ni a, pawl thum leh pawl rukah Mizoram pumpuiah pakhatna a ni a. Mizoram atangin Matric tha takin a pass a, GC College, Silchar-ah Intermediate of Arts a zir zova, Cotton College Guwahati-ah B.A a zir zo leh a ni. B.A a zawh hnu hian Assistant Co-operative Officer, Assistant Block Officer leh Middle School Headmaster hna a dil a, vanneithlak takin a vaiin appointment a hmu vek a, Middle School Headmaster hna hi thlangin 1957 khan Dawrpui Middle School Headmaster-a dah a ni. He hna hi kum 15 a thawh hnuin a bansan a, sumdawngin bul a tan a, Class-II Contractor –ah in registered nghal in kum 8 hnuah Class-I ah a inhlang chho hman a ni.

Pu Lalnunluanga hi vantlang rawngbawlina lamah a inhmang nasa hle a, Mizorama pawl hrang hrangah President leh Secretary nihna a ngah hle ani. Kum 1968 khan Pu Vanmawia hmun ruak luahin Assistant Secretary, Central YMA-ah thlan a ni. Kum 1972-1973 ah Vice President niin, 1973 leh 1977 leh kum 1979-1983 chungin President a ni. Central YMA hruaitu a nih lai hian thil chhinchhiah tlak tamtak, ram tana hmalakna a nei a, ram pum huapa mawhphurhna a chelh tawhte chu – (1) President, M.E School Teachers Association, Mizoram (1960-1971) (2) Founder President, Mizoram Boxing & Wrestling Association (1963). Hemi tum hian Secretary-ah min dah nghe nghe a

ni. (3) President, MZP Headquarter (1972-1978) ah a lo ni tawh a. (4) Founder Secretary, Managing Board, Republic High School (1961) ah khan a ni a. Founder Secretary, Managing Board, Mamawii Higher Secondary School, 1972 khan a ni leh a. Chairman, Aizawl Citizen Committee, 1983-ah khan a ni a. Hemi tum hian hun engemaw chen Secretary a ni nghe nghe a ni. President, Mizoram Contractors Association, 1985-1989 ah a ni a, President, Hrangbana College Governing Board, 1981-1985 ah a ni a. Member, V.C Election Tribunal 1983-ah khan a ni a. Tin, Chairman, Lushai Trading Company Ltd. 1967-2002 thlengin a awm a. Hei hi Mizote zingah Limited Company hmasa ber a ni a, tun thleng hian a la nung a ni.

Heng bakah pawh hian pawl dang thahnem tawk takah a inhmang nasa hle bawk a ni.

Pu L. N. Tluanga, Teachers Association hruaitu anih lai hi Assam Sorkar hnuai kan awm lai a ni a. Department pawh a la changtlung lo hle, thil thar rawt tur a tam a. Hindi chungchang te, Grant-in-Aid leh Deficit thuaah te, Craft Teacher chungchang te, Stipend leh Scholarship chungchang te, text book nen lam Assam Sorkar-a bawhzui ngai a nih avangin a zin zing hle a. A hmalakna avang hian thil tamtak zar zo tur a awm ani. School naupang Uniform neih thu te hi a rawt chhuaktu a ni a. Sorkar ni pawimawh, Republic Day leh Independence Day a School naupang March-Pass Mizoram a neih ve te hi Pu L.N. Tluanga rawt chhuah liau liau a ni.

Pu L.N. Tluanga hi kum 1984 khan politics-ah lutin PC Party a zawm a, kum 1998 MLA inthlanpui-ah PC ticket in Tlungvel bialah thlantlin a ni a. Thla sawmpakhat chung Govt. Deputy Chief Whip a ni. Member a nih chung hian Assembly Session a ngaipawimawh em em a, a hriselna lam a that loh avangin Wheelchair-a nawr ngai chungin Session hi a tel hram hram thin a ni. MLA hun a hmanzawh hnu hian a taksa chak tawk lohna avangin active politics-ah chuan a tel zui thei ta lo a ni.

Kum 1998 atangin thisen sang leh lung lam natna a nei tih hriat a ni a, hemi avang hian Imphal, Guwahati, Kolkata leh Delhi lamah te inentirin a kal fo tawh a. Kum 2008 khan, kum laihawlah khan Stroke a nei a, a tawng a fiah lo tan a, a ziaawm leh mai a an hriat laiin Stroke hi a lo lang leh a, a taksa pangkhing a lo chak lo zual ta a. Ke a kal harsa a ti ta hle a, kum 2009 laihawl velah Stroke bawk hi a nei leh a, chuta tang chuan a tawng thei ta lova. Aizawl Civil Hospital-ah lutin a chhuak leh thin a. Ni 16.11.2009 khan a chauh zual deuh avangin Civil Hospital-ah ICU-ah dahluh a ni a, heta tang hian that lam pan hleithe lovin ni 23.11.2009 zing dar 2:45 AM ah chatuan ram min lo pan san ta a ni.

Mizoramini hetiang mi chhuanawm kan chan hi a uiawm takzet a ni. Kan hriat tawh ang khan Pu Lalnuntluanga hi Mizo-ah chuan pa lar, hawikim tak a ni a. A hna apianga tuimi a ni a, tihtakzeta hlawhtling tura taima taka bei thin a ni. Chuti chung chuan chhungkua a enkawlina lamah a entawntlak hle a. Chuvangin, Pathian malsawmna pawh an dawng a, a fate pawh puitling tak vek an ni.

Chutih rual chuan a nupui nen pawh an thawhdunna a tha a, kawng tinrengah Zoram hmasawna tur atan tan an la thin a ni.

Tin, a mimal takin kan inhre tha hle a, nu leh pa lam atangin thisen lama inlaichinna nei lo mah ilangin, u leh nau, chhungkhat hnaivai tak anga awm thin kan ni a. Ni 28.2.1966 zana ram a lo buai khan, vanduai thlak takin a inah bomb a lo puak a, tichuan hlauhawna in a khah loh theih lova, vai sipai an lo lian a, chungang hun hlauhawmah pawh khan an chhungkua in kan inah lo awmin, hun engemaw chen kan khawsa tlang a, chutiang taka inhre chiang leh inchhungkhat laina chu kan ni a. Mahse, dar 11 -ah Mizoram Police ten min man in, Thana Aizawl Jail-ah, Masimpur-ah, Silchar Jail, Nowgong Special Jail lamah min lak luh tak avangin eng angin nge an khawsak zui zel ka hre lova. Mahse tang chhuaka kan lo hawn hnu, rambuai chhung pawhin inchhungkhat hnaivai taka, chutianga inpui tawn thin kan ni a. Chuvangin, ram leh hnam tana channa rapthlak tak a nih lai hian kei, mimal leh kan chhungkua tan pawh channa rapthlak tak a ni a. Tukinah he House zahawmtaka ani sunna hun I rawn ruat hi a lawmawm ka ti a, a nupui fanau te, a tu leh a fa, a kalsan tak zawng zawngte, thian tha leh laichin unau te Pathian in awmpui a, thlamuan zel turin kan tawngtaisak a ni e, ka lawm e.

SPEAKER : A sawi duh dang kan awm chuan han sawi ula, mahse Question Hour a la tel a ni tih erawh chu hretlang ila a tha awm e. Dr. R. Lalthangliana.

Dr. R. LALTHANGLIANA : Pu Speaker, tukin zingah he House-ah pawh kan Member zahawmtak, Deputy Govt. Chief Whip tepawh lo ni tawh thin kan han chan a, amah sunna hun in han ruahman hi kawng lehlamah chuan a lungchhiat thlak a, kawng lehlamah chuan hetiang hun pawimawh tak mai a chang hi a lawmawm tihna lai pawh ka nei a. Ani hi kan ram rawngbawltu anihna-ah hian kawng tamtakah nihna a chelh a ni tih tukin zingah hian sawitur a awm in ka ring a. Social Worker tling tak tak Pu Tluanga hi a niin ka hria a, a ropui ka ti thin a. Kan inhriatna pawh a rei tawh a, chungah chuan Central YMA-a hruaitu a nihna te, zirlai pawla a nihna te leh Association, pawl chitin deuh thaw-ah hian a langsar deuhah hian a hnarkaitu ber alo ni tawh thin a. Khatia min awmlah san lai khan kei hmundanga ka zin kual laite a lo ni a. Vuina hunah te ka tel thei lova, pawl ka ti hle a. Tin, khatia a thih ni thleng khan keini kan Party-a MNF General Headquarter-a kan Adviser ni lai a ni a, kan rorelna kawng hrang hrangah te hian a thu hi tha hi ka ti thei em em mai a. Amah hi mi frank tak mai, tlang tak taka thu sawi chi, a ngaihdan a nih tawhna lamah hi chuan tumah hi dim vak lova tha a tih sawitlang mai thin chi hi a ni a, ropuina lai riau mai hi nei hian ka hria a, chu chu kan tarlang ve duh hrim hrim a.

Tin, zirna hi a ngai pawimawh em em mai a, Pu Tluanga hi, hei hi tukin zingah hian ka'n sawichhuak duh em em mai a. Education Minister te ka lo nih ve lai tepawh khan kan MLA zingah chuan thurawn min pe tam ber tute zing

ami ani ve tlat mai a, a thurawn tamtak Sorkar anga kan kalpui danah pawh kan lakna chin a awm nghe nghe a. Tin, hemi lehkhazirna pangngai piah lamah hian Co Curricular Activities kan han tih ang chi-ah hian a tui niin ka hria a, tunhma atang khan helamah hian a ngaihtuahna hi a seng nasa em em mai a, a chanchin ziahna thenkhatahte pawh kan hmuh tawh thin ang khan heng kan National Day kan han tih angah te, a bikin School naupangte an participate theihna tur atana ruahmanna lo awmte pawh hi ama thluak atanga chhuakte kha a ni a. Heng a contribution hi vawiinah hian he House-ah pawh hian han sawichhuah tlak tak mai a niin ka hria a, ropui ka ti khawp mai a.

Tin, a dang leh ka sawi duh chu bial enkawl nei a nih lai pawh khan a bial hi a ngaihsak a ni. Tin, amah hi kan hre vek a, taksa lamah duh anga movement han kal zung zung thei lo a ni thin a. Amaherawhchu, khang zawng zawng karah pawh khan a ngaihtuahnate a chak a, a bial a vei a, ram a vei baw a, chutiang anga mi tangkai tak mai, helai rorelna khawlah rei tak awm lo mahsela, a sulhnu chhinchhiah tlak thil tamtak awmin ka hria a, chu chu ka'n tarlang leh duh a ni. Vawiinah a ni ang kan han chan hi channa ropui tak mai a ni, hnam ang pawhin kan chanin ka hre pha ve tlat mai a. He House-ah hian han sawi chhuah tulin ka hria a, khawvel hi kan awmna hmun nghet tur a ni lova, tianga min kalsan takah chuan a nupui fanaute, a laina te tan kan tawngtai sak ang a, a sulhnu tamtak min hnutchhiah te hi thangtharte tan, Zoram la awm zel tur atan hian zirtham leh chhunzawm tur a awm a ni tih hi ka'n tarlang duh a ni, ka lawm e.

SPEAKER : Pu Lalsawta, chumi hnuah Pu K. Liantlinga.

Pu LALSAWTA, MINISTER : Pu Speaker, he House zahawmtaka min zirtirtu hlui, Pu L.N. Tluanga sunna hun kan han neih lehah hian sawi ve tur neiin ka inhria a, Dawrpui School-a kan kal laia kan Headmaster a ni a, kan hlau em em thin a, kan zah baw a. Ama nunah hian thil pahnih lek sawi chhuah duh ka nei a, hmundangah pawh ka sawifo thin anih avangin he House zahawmtakah ama puala hun kan neih lai hian sawi chhuah ka duh a ni.

Pakhatna-ah chuan a School kal laia harsa tak, rethei tak chung a zirnaah hian a thiante chaw chhumin a inhlawhfa a, chutiang chuan a zir tih hi a chanchinah kan hria a ni. Hetiang khawpa zirna ngai pawimawh leh lo tuar chhuak mihring hi Mizo mipuite hian kan ngaihsan tulin ka hria a, amah awm tawhlo mahse a nunah leh thiltihah zirtur kan neiin ka hria.

Tin, pahnihna-ah chuan pawl 5 kan nih laia a sawi thin hi ka hre reng a, ka sawi nawn fo a, he House-ah pawh hian ama pual anih angin sawi nawn ka duh a ni. Chu chu, Indopui I na leh II na leh Mizo tena kan nunphung hrim hrim 1950 velah khan "Mizo te hi Hostel-ah emaw, ramdangah emaw, miin rukru a min lo puh palh chuan a sawifelna awlsam ber chu 'Mizo a nia sin' tih hianin 'A ti love' tihna tluka pawm nghal a ni thin a" tih hi a sawi thin a. Hei hi a ropuiin ka hre thin. "Mizo a nia sin" an tih khan "Sahbawn ru-a in puh hi a ni

lovang, pawisa ru –a in puh hi a ru lovang” tihna sawifel tu anih hunlai a ngaih pawimawh zia a sawi hian kan hnam tan thuk takin thil a sawiin ka hria a, helai hi han tarlan ka duh a ni.

Tin, saptawng chungchangah vawiin thlenga min kaihruaitu pakhat lek ka theihngihl theih miah loh a awm a, chu chu “India - The Land of Wonders tih kha engtihna nge han sawi teh u” min ti a. Tuman kan sawi dik lova “India – ram mak chu” tiin kan sawi vek a. “Engatinge in hriat theih loh” a ti a, a sawi ta a, “Land of wonders – makte ram tihna a nih zawk chu ! A ram a mak hlei nem, mak te ram tihna a nih chu” a ti a. Vawiin thleng hian hei hi a tangkai riau in ka hria a. Chu chu ama nunah thil tam sawitur awm karah sawiloh theih loh ni a ka hriat ve karawn sawi a ni, ka lawm e.

PU K. LIANTLINGA : Vawiinah helai House Member-a lo thu tawh mi ropui leh zahawmtak mai Pu Lalnuntluanga sunna hun hmanna hi a lawmawm in ka hria a. Hetianga kan ram hruaitu lo ni tawh leh Aizawl pa lar sunna hun kan nei a, ani hi mi ropui tak a ni a, House Leader leh midang tepawh in a chanchin an sawi tawh a, thui tak erawh chu sawi ka tum lova. Amaherawhchu, sawi loh theih loha hriatna ka’n neih chu a hnuaiyah hian zirin kan Headmaster a ni tawh a, a zirtirna hnuaiyah Dawrpui M.E School-ah kal in hun lo hmang ho thin kan ni a. A mizia pawh kan in hrechiang viauin ka hria a, khatianga hun tamtak lo hmang tawh kan ni a.

Tun hnuah ram leh hnam hmangaihna chungchang thuah te entawn tlak viauin ka hria a ni. Tin, thalai rual hruai te, naupang kilkawi te a peih a, Central YMA-ah tepawh President te lo niin, Mizoram puma thalai rualte hruaiin, President a lo ni ta tepawh hi a awm hle in ka hre thin a. Khangah te khan mi ropui a nihzia ka hre thin a ni.

Tin, mi taima tak leh mi thil chik tak leh mi fuih peih tak mai a ni a, chungah chuanin a ropui hle in ka hria a ni.

Tin, ka hriat reng chu pawl 6 kan nih kuma thu min hrilhah chuan “Lehkha inzir chho ang a, hnate in thawk ang a, engpawh in thawk ang a, amaherawhchu hnathawh hi zak reng reng suh u, in nupui fanau chawmna anih phawt chuan engpawh hi thawk hreh reng reng suh u” tiin min hrilh a. Kha kha thil hriat reng tlak niin ka hria a. Vawiin thlengin ka nun siamtu niin ka hria a ni. Chutiang anih avang chuanin kan Headmaster hlui leh helaia House Member lo ni tawh bawk sunna-ah hian thu ka’n sawi ve duh a ni. A nupui fanau leh a chhungte ka tuarpui em em a, Pathianin awmpui zel se tih hi ka duhsakna a ni e, ka lawm e.

SPEAKER : Mi ropui tak kan chan ta a ni a, sawitur nei pawh kan tam ang a, sawi duh pawh a chungchang thuah hian in nei hlawm ang tih ka ring a. Amaherawhchu, hun dang nei zel tur kan ni a, tichuan former Member Pu L.N. Tluanga sunnan minute khat ngawirengin kan zavaiin ilo ding ang u.

Hei, nangmahni zarah Speaker hrang hrangte khawvel ram hrang hranga kan telve hian zawhna leh chhannate an lo la chak viau mai a, an sawi atangin kan han hria a. Member pumpui tepawhin kan duthusam anih ka ring a. A zawttu in zawhbelhna a neih chuan a zawt ang a, a zawttu ni lo chu mipakhat dang bak chu zawhbelhna a awm kan phal lovang a, a zawttu in zawhbelhna a neih loh pheih chuan midang pakhat chauh kan kep thei dawn a ni, chutiang chuan kal tum ila a tha awm e.

Tunah Starred Question No. 1 na zawt turin Pu Lalduhawma ilo sawm ang.

PU LALDUHAWMA : Pu Speaker, Industries Minister zahawmtak chhan atan - Geology & Mining hi Directorate hranga siam tumna a awm ta em? tih ka zawt e.

SPEAKER : A chhang turin Pu S. Hiato, Minister for Industries Department ilo sawm ang.

PU S. HIATO, MINISTER : Pu Speaker, MLA zahawmtak Pu Lalduhawma zawhna chhanna chu - A process a kal mek a, Cabinet rel tura chhawp chhuah peih tep a ni tih a ni.

SPEAKER : Zawhbelhna, Pu Lalduhawma.

PU LALDUHAWMA : Pu Speaker, Session hmasa-ah khan Resolution kan thehltut a, "He Resolution hi pass kher a ngai love, Cabinet kan thu tep a, Cabinet Agenda-ah kan dah tawh a, Cabinet in kan rel tho dawn a, I pass lo mai ang u" tih kha min ngenna a ni a. Tunah Session dang a lo thleng leh tawh a, tunah Cabinet Memorandum a chhawp tum mek a nih thu kan la ngaithla chauh mai a, kan Sorkar hian thinlung tak hian hei hi tih a tum lo nge ni? Kan ram leilung hausakna hai chhuaktu tur an nilo tih hi an in hriat avangin an muangchang zawk em ni?

SPEAKER : Chhang turin Minister ilo ko ang.

PU S. HIATO, MINISTER : Pu Speaker, Geology & Mining Department hrana dah hi kan hotuten an ngai pawimawh tlang a, Session hmasa-a Private Resolution-ah pawh khan ngaihndan te kan siam hlawm a, keini pawhin kan ngaipawimawh a, mahse a Department a zuk dah tur hian thil tamtak a kaltlang ve a ngai a. Chuvang chuan, Congress Legislature Party-ah te kan han chhawp a, CLP pawh in rem tihpui thlap a ni a. Chubakah Financial

Involvement te tih a ngaih dawn avang leh hei hi Cabinet-a chhawp chhuah tur a nih theih nana theihtawpa kalpui mek a nih laiin Directorate puitlinga va dah tur kha chuan Allocation of Business Rules 1987 khawih thil anih avangin tunah hian GAD-ah buaipui tura thawn a ni a, a lo let veleh kalpui tura buatsaih a ni.

SPEAKER : Starred Question No.2 zawt turin Pu B. Lalthlengliana ilo sawm ang.

PUB. LALTHLENGLIANA : Public Works Department Minister zahawmtak chhan atan he zawhna hi ka zawt e - Saron Veng – College Veng kawng hi engtikahnge black top zawh tum a nih ?

SPEAKER : Pu Lal Thanhawla, Chief Minister, Public Works Department changtu ilo sawm ang.

PU LAL THANHAWLA, HON'BLE CHIEF MINISTER : Pu Speaker, Saron veng – College Veng kawng hi 1.80 Kms a ni a, hetah hian re-surfacing 950 metres zawh tawh a ni a. A bak hi pawisa a awm rih loh avangin April thla lamah chhonzawm theih kan inbeisei.

SPEAKER : Zawhbelhna Pu B. Lalthlengliana.

PUB. LALTHLENGLIANA : Hemi zawhna ka rawn zawh duh chhan tak chu MNF Sorkar lai khan Bawngkawn atanga Saron veng thleng hi rawn zawh tawh a ni a, Saron Veng, Tuithiang veng nena in ramrina a rawn thlen hma hretin an bansan a. Kum engemawzat siam lohin a awm a, nikum Budget Session-ah pawh he zawhna hi ka zawt tawh a, “Reilote-ah siam a ni ang” tiin PWD Minister zahawmtakin min chhang a.

Tichuan, Work Scheduled-ah nuai sawm dah a niin, chumi Saron veng, NBCC in an hmabak atangin hmanni lawk khan an rawn thawk a, Bethlehem veng Dawrkawn thleng an rawn thleng thei hram a. Kan kawt phei vel phei chu ti lovin an kal kan a. Tunah hian Bethlehem veng Dawrkawn atanga Pachhunga University College pawhna inkar te chauh kalsan leh a ni a. Helai kawng hi a chhe em em mai a, kan hriat theuh angin Aizawl khawpui chhungah traffic a buaithlak em em tawh avangin Aizawl chhuahlama Sorkar hnathawk leh mi tamtak hian he kawng hi traffic pumpelh nan an rawn hmang a. 3rd Battalion MAP a lo awm bawk nen, a buaithlak em em mai a. Tun thal chung ngei hian kan PWD Minister zahawmtak, House Leader nibawk hian Rs. 10,00000/- vel min dah leh khan min zawh sak mai thein ka ring a, chu chu khawngaihtakin tun thal chung ngei hian min zawh sak turin min tiam thei em ? tih hi ka zawt duh a ni. Ka lawm e.

SPEAKER : Pu K. Liantlinga (A ngai love) chuti chu Chief Minister ilo ko ang.

PULAL THANHAWLA, HON'BLE CHIEF MINISTER : Pu Speaker, original-a zawhna neitu rawn zawhna pawh kha Bawngkawn lam a thleng lova, Saron veng – College veng tih a ni a. Hei hi 1.80 Kms. a thui tih ka sawi tawh a. Hetah hian 950 metres re-surfacing zawh tawh a ni a, kal kan laite anih chuan enthat tur a ni a.

He kawng atan hian nuai sawm chauh zawhna neituin a sawi ang khan dah a ni a. Saron veng atanga Bethlehem vengchhak Biak In 950 metres resurfacing bak hi chu a thawhna turin a daih loh avangin a thara ngaihtuah tur a ni. Chuvangin, tuna a zawhna phut ang kha khawchhung kawng te hi a vai hian chei that tum a ni a, sumin a daih ang angin, chung zingah chuan a tel ang.

SPEAKER : Starred Question No. 3 – na zawt turin Pu Lalduhawma ilo sawm ang.

PULALDUHAWMA : Pu Speaker, Public Works Department changtu Minister zahawmtak chhan atan – a) Aizawl West I Constituency chhungah Department te hian eng hna nge a thawh mek a, engte nge hmachhawp a neih ? b) Heng hnathawh te hi a tlangpuiin bialtu MLA te hriattir ve tawh a ni thei ang em ? tih a ni.

SPEAKER : A chhang turin Pu Lal Thanhawla, a changtu Minister ilo sawm ang.

PULAL THANHAWLA, HON'BLE CHIEF MINISTER : Pu Speaker, Aizawl West I Constituency chhungah hian hetiang hi hmalakna neih mek a ni a 1) Resurfacing of Chhangurkawn-Ropaiabawk 2) Resurfacing of Vaivakawn-Zotlang (Mara House) 3) Patch repair of Maubawk Hmuia veng-New Luangmual 4) Patch repair of Vaivakawn-Ramrikawn 5) Improvement of Sakawrtuichhun-PTC Road 6) Construction of Retaining Wall near Baptist Church, Luangmual 7) Construction of Retaining Wall near V.C House, Govt. Complex. Hengte hi thawh mek te an ni a.

Tin, hmachhawp la awm chu improvement and widening of FCI Godown to Sakawrtuichhun, Improvement of road from Zohnuai to Ropaiabawk, Construction of Toe Wall on Vaivakawn to Ropaiabawk, rolling, metalling approach road to river Tlawng, Improvement of Sairang Internal Road, Construction of Retaining wall on Vaivakawn to Ramrikawn road, Construction of Retaining Wall on Vaivakwn to Ramrikawn at ch. 4,730 Kmp. (Pu Lianchungnunga), Construction of Retaining wall near Rev. Lalengzauva's House

on approach road to Geology and Mining Office, Construction of Retaining wall near Lianchhingpui's home Vaivakawn, Construction of Retaining wall slab culvert near Pu Lalbiaka's House, Luangmual, Construction of retaining wall near... ch. 0.390 kmp @ Luangmual. Khangte kha hmachhawp te an ni a. Tin, hnathawh hi a tlangpuiin bialtu MLA hriattir ve thin tawh an ni em tih hi hriattir turin Department tin hriattir an ni tawh a. Kan bial theuhah hian Sorkar hna awm project zawngte hi min hriattir ve sela chuan corruption ven thu-ah pawh a khap theihin ka ring a, hriattir tura tih an ni a. Tunah pawh hian hriattir turin ka beisei a. An hriattir lo anih chuan kan ennawn leh ang a, strong deuhin kan lo inhrilh leh ang.

PULALDUHAWMA : Pu Speaker, chipchiar takin chhanna min pe a, ka lawm khawp mai. Heng ang thilte hi a tesep zawng zawng hriat hi kan phut pawh a ni lova. Mahse, work schedule tlangpui hriatte hi kan duh ve thin a, kan hriat lohin hna an lo thawk a, Department work nge contractor in a thawh nge, sanction engzatnge pawh ka hriat lohin kan bial chhungah hnathawh hi kan hmu thin a. Lo puihbawm danah hian kan bang bo thin a, Department dang tepawh kan House Leader hian a ti hle thin tak na in, compliance hi a la tha tawk lo in ka hria a. Ka bialah ngei pawh, Department dang han sawi tel ila, LAD pawhin V.C thar anrawn pe a, copy pawh kan dawng lova, khawlai ti ti-ah V.C thar a piang tih te ka hre ve mai mai ani a, a bialtu hian. Khatiang chi kha khauh lehzuala Department in anrawn zawm theih chuan a lawmawm hle ang.

Tin, khang hnathawh zingah khan kan House Leader hnenah pawh ka lo thlen tawh, Vaivakawn atanga Zotlang panna kawng zim lutuk khu, motor tepawhin a chhuk a chho a awm em tih hre lova kan han kal ngat hi chu a tawp thlengin kan back leh a ngai a ni mai a, a pakhat zawk zawk hi. Khu khu Engineer-in-Chief in C.E hnenah nikumah khan Fensibility report pe turin a ti tawh a. Tuna hnathawh zingah hian a la lang ta chuang lova. Hei hi khawngaihin min lo ngaihpawimawh sak thei ang em? tih ka zawt duh a.

Tin, hmachhawp mekah khan Zohnuai-Ropaiabawk tih kha University kawng a ni a, keipawh chutah hlir chuan ka rawn tlan a, a hnaih avangin. Hnathawh a la awm miah lo a, pawisa bang engemawzat a awm tih kan hre si a, thal a liam mai dawn a, khu kawng khu a chhe em mai a, a ranglama University kawngpui ber a nih avangin minrawn hriatsak turin ka han zawtin ka ngen duh a.

A tawp berah chuan Pu Speaker, a relevant chiahlo-ah min ngaihsak lo la, Zonuam PWD Quarter hi Police in an luah dawn tak avangin Cabinet thu tlukna angin Staff chhungkaw 14 lo luahtu te kha nimin piah piah leh khan thlakhat chhunga chhuahsan tura order pek an ni a. Rante an vulh a, an chhuak tur a ni tih kha chu ka pawm a, IV Grade te te a tam ber an ni a. thla khat chhung leka an ranvulh te nena chhuak tura han in tih kha a chawpchilh deuh hlek a, an fate School an lo lut laklawh tawh baw si nen, an awm lehna tur ruahman leh kawhhmuh a awm baw si lova, hei hi kan House Leader hian khawngaihin

hun min lo pawh sei sak thei ang em ? Police lam pawh an hmanhmawh lo thei deuh lawm ni ? tih ka zawt nghal e.

SPEAKER : Chhang turin Minister ilo ko ang.

PU LAL THANHAWLA, HON'BLE CHIEF MINISTER : Pu Speaker, khumi Zotlang kawng, Vaivakawn atanga chhohna khu, a kawng khu a te a, hmundangah zawhna awmin ka hria a. Engpawhnisela, zauh tur chuan a neitute nena negotiate a ngai a, an han biak chhinah chuan, han zauh pawh ni ila, an tan fur te a lo nat deuh chuan a min palh a hlauhawm a. Mahse, bialtu MLA leh khawtlang hruaitute pawhin engemawtia an lo negotiate theih chuan thil tha tak a ni dawn a.

Tin, chumi hma chuan, nia, a tet em avang khuan inpelh kha a hlauhawm hle a, chuvangin one way te siam ilangin, problem kha a solve deuh ang em aw tih kha a ngaihtuah theih a ni. A tul chuan bialtu MLA ten rem an tih chuan public savety atan leh vehicle leh traffic te tana awlai tur zawngin tih theih dan kan lo ngaihtuah ang a.

Tin, khulaia PWD quarter khu a nih tur anga hman a ni tawh lova, khulai area-ah khuan Police Station tha tak, changtlung tak tih hi vantlang duhdan niin kan hria a. Chuvang chuan, khulai hmun khu Police Station atan chuan a remchang awm hle in kan hria a. Home Minister zahawmtak leh PWD hotute nen kan zu en tawh a, amaherawhchu, mite khatianga harass-na, harsatna siam nana tih a ni lo a, chuvangin bialtu MLA zahawmtakina a rawn ngenpui ang khan Sorkar tan pawh khatianga miharsate chhuak tura han tih kha, an duh ang leh an peih hun deuh chu ngaihtuahsak an tha in ka hria a. Department hotute ka lo hriattir ang e.

SPEAKER : Tunah Starred Question No. 4 na zawt turin Pu C. Ramhluna ilo ko ang.

PU C. RAMHLUNA : Public Works Department Minister zahawmtak chhan atan Pu Speaker, Starred Question No. 4 na zawhna chu hei hi a ni - Assembly Secretariat Annexe Building sak mek hi engtikah nge luah theih a nih ang ?

SPEAKER : A chhang turin Pu Lal Thanhawla, Public Works Department Minister ilo sawm ang.

PU LAL THANHAWLA, HON'BLE CHIEF MINISTER : Pu Speaker, Assembly Secretariat Annexe Building sak mek hi April 2010-ah civil work peih

fel tum a ni. Tin, lift hi passenger pariat phur thei tur vuah tur a ni a. Chumi peih hun tur erawh chu tuna a landan chuan June 2010-ah zawh theih chauh dawn niin a lang a, lift tel lo chuan April 2010-ah peihfel hman tum a ni.

SPEAKER : Pu C. Ramhluna.

PU C. RAMHLUNA : Pu Speaker, Assembly Secretariat Annexe Building hi kan hriat danin, January 2003-ah khan contractor hnenah work hi allot niin kan hria a, chu chu thla 32 chhunga zawh tura tih kha a ni si a. Chuti anih chuan October, 2005-ah khan he building hi luah theih tawh tura beisei kha a ni a, mahse waviin thlenga luah theih a la ni lo hi engatinge ti em ema a tlai chhan tih kha ka hre duh a. Chubakah, a estimate hi a tir atang khan revise a ni em ? a tir a mi leh a zawhna hi engzatnge a danglamna, engzat in nge a inthlauh ? Heti taka a tlaina chhan hi contractor thiam loh nge ni a department lamin mawh an phur tih te hi hriat theih a ni em aw ? Tin, a palina atan chuan civil work te zawh a nih chuan han luah nghal mai kha a chakawm a, keini tan phei chuan kan recess room hi a te lutuk a, kan lenglo em em a. Chuvang chuan, hmanhmawh deuh a luah theih dan te a awm em tih te kha ka zawt tel a ni e.

SPEAKER : A chhang turin Chief Minister, Public Works Department Minister nibawk ilo sawm ang.

PULAL THANHAWLA, HON'BLE CHIEF MINISTER : Pu Speaker, kan hmanhmawh tlan vek hmel a, kan Speaker ber hi a hmanhmawh hmel lehzual in ka hria a. Amaherawhchu, thil hi a nih tur ang diak diaka nih tir hi a harsa khawp a, Speaker zahawm tak, Pu Vaivenga hunlai atanga khu khu ruahman chhoh tawh kha niin ka hria a. A dawtah Pu R. Lalawia, Speaker khan chaktakin a rawn kalpui a, amaherawhchu contractor lamah te harsatna a awm bakah, sum leh paiah te harsatna a awm thin a. Chuvangin, duh ang diak diakin a kal thei lo a ni.

Hetiang hi Member zahawmtakte tan hriat a tha in ka ring a, ka'n sawi ve hrim hrim ang a. Tuna a zawhna tepawh kha chhang nualin ka ring a, estimate amount hi a tir chuan nuai 430 a ni a, revised sanction amount chu nuai 850 a lo ni leh a. Tin, a hna hi, member zahawmtakin a sawi ang khan, January 2003-ah thawhtan a ni a, harsatna hrang hrang, building hlui thiah lawk theih loh te, cement awm remchan loh te, engemaw vanga vai mistiri an tlanchhiat a ngaih thin vangte leh a hnuai basement chhawngnih siambelh, a tira regional estimate a awmlo siam a ngaih avangte-a a building hi zawh har a ni a. Tin, a sak nan hian cheng nuai 834 hman tawh a ni a, 2009-2010 inkar chhung hian cheng nuai 16 work schedule ah dah a ni a, (2009-2010 inkarah).

Tin, lift kha ka sawi tawh ang khan passenger pariat phur thei tur kha, ni 22.12.2009 ah work order Laser Friction Powers, Ramhlun 'N' hnenah pek a ni a, a man zah tur hi cheng nuai sawmhni a ni. A Elevator bik hi cheng nuai 18.88 leh electrical civil works hi nuai 1.12 a ni. A hna hi thlaruk chhunga zawh tura tih a ni. Lift siamtu company hi Otis Elevator Company a ni a. Assembly hlui leh thar inkalpawhna tur hi estimate nuai sawmhni man siam a ni a. Hei hi la sanction loh a la ni nghe nghe. A contractor chu Pu T. Dela, Chaltlang a ni a, thla 32 chhunga zawh tura tih a ni a. Amaherawhchu, mamawh zat sum ruahman theih a nih mai loh avangin leh contractor pawh a muan ve bawk avang te in zawh tlai a ni ta a ni, Pu Speaker.

A building san zawngte hi kan hre duh em aw, kan hriat duh chuan Mizopa chhiara chhawng riat (8) a ni. A pumpui zau zawng hi 50307 Square Metres a ni, a basement tih neuh neuh hi ti lo mai ang. Kha, kha a tlangpuiin a features a ni a. Engpawhnise, contractor te lo muangchan ve bawk avang te leh a tul hun leh hmun mamawh hunah sum a awm mai thin loh vangte, revised estimate te a lo ngaih thin avangte, a building hlui duh hun huna han thiah mai theih loh te, kha kha a bul atangin tun thlenga a chhan leh vang pawimawhte an ni, Pu Speaker.

SPEAKER : Tunah Starred Question No. 5 na-ah kan kal ang a, a zawt turin Pu Lalduhawma ilo sawm ang.

PU LALDUHAWMA : Pu Speaker, Rural Development changtu Minister zahawmtak chhan atan ka zawhna a) Sairang Dinthar V.C huamchhungah hian chhungkua engzatnge awm a, Model Piggery Village Kawlkulh II, Sairangah hian chhungkua engzatnge awm ? b) Dinthar V.C huamchhungah hian Job Card engzatnge awm ? tih a ni e.

SPEAKER : A chhang turin Pu R. Lalzirliana, Rural Development Department Minister ilo ko ang.

PU R. LALZIRLIANA, MINISTER : Pu Speaker, Sairang bialtu MLA zahawmtak Pu Duhawma zawhna chhanna chu - a) Model Piggery Village hi Rural Development Department implement anih loh avangin a concerned Department Vety Department-ah information collect mek ani a, hei hi a lo la thleng lo a ni. b) Dinthar V.C huamchhungah Job Card 394 a awm a ni tih kha ka hriat theih chin a ni mai.

SPEAKER : Sairang bialtu nilovin, Aizawl West –I bialtu a ni. Aw, zawhbelhna, Pu Lalduhawma.

PU LALDUHAWMA : Pu Speaker, Sairang pawh kha ka bial tho a ni e. Minister zahawmtak khan Dinthar V/C huamchhunga chhungkaw awmzat kha min hrilh lova, Job Card awm zat chauh min hrilh a. Kha kha ka'n zawt nawn leh nisela. Tin, Model Piggery Village hi inrinni khan ka tlawh a, chhungkua 30 an tling lova, hei hi NREGS hnuaiah Job Card neiin Dinthar V/C hnuaia awm vek an ni a. Pu Speaker, ka zawh chhan tak chu hei a list chu ka nei ve vek mai a, hetah hian an chhungkaw hming leh an Job Card a an number leh heta a list-a a number hi inmil hi a awm manglo reng reng mai a. Tin, 400 chuang Job Card nei hi an awm a, chutiang zat chhungkua chu he khua-ah hian an awmlo a ni tih chu tlang hriat a ni.

Tin, a Monitoring Committee te nen pawh V/C te khu an thawk tlang tawh lem lova, awmzia an nei tawh lem lova, khang Committee kha an rawn ngai tawh lova. Hnathawh lo awm leh pawh nise an sign ngai hi sign sak an tum tawh lo a ni tihte sawi a awm a. Chuvangin, Dinthar V/C te hian Job Card chuang an nei teuh a, an eiru a ni chu ka ti lo, mahse thil fello a awm a, khawtlang a buai a ni tih chu bialtu ka nihna ang in Chiangtakin ka hria a, helai hi kan Minister zahawmtak hian a ranglama min lo enfiah sak a, tih dik ngaite min tihdik sak turin hma a la thei ang em? tih ka zawt a ni.

SPEAKER : A chhang turin Minister ilo ko ang.

PU R. LALZIRLIANA, MINISTER : Pu Speaker, a lawmawm khawp mai, hetiang ang thil diklo hi Sorkar ang hian hriat vek loh theih a ni a, chuvangin Job Caard chuang nei hi chu surrender vek turin kan ti tawh a, chuta la surrender lo te an nih chuan hei hi kan lo en nghal ang a, chu chu ka chhan theihna ni teh se.

SPEAKER : Dinthar-a chhungkua awmzat hrim hrim kha Kawlkulh II ni lo kha a zawt tel a nia, kha kha chhan hmaih a ni tlat.

PU R. LALZIRLIANA, MINISTER : Pu Speaker, Kawlkulh II, Dinthar huamchhungah hian Job Card hi 394 a awm kan ti a, a Kawlkulh II –ah tak zawkah khan em ni ?

PU LALDUHAWMA : Pu Speaker, nilo, Sairang Dinthar V/C huamchhungah hian chhungkua engzatnge awm ? tih kha zawhna hmasa ber a ni.

PU R. LALZIRLIANA, MINISTER : Pu Speaker, helai pawh hi kan purview anih chiah loh avangin kan lo ti lova, LAD lampangte kan lo zawt ang a, remchangah rawn chhan che kan tum dawn nia.

PU LALDUHAWMA : A lungawithlak loh a ni, tiang hi chu. R.D chuan Job Card a sem a, chhungkaw zat, khawtin a mi a hre em em a ni. Hei hi Minister hian chhan a hreh riau a nih chuan a beidawnthlak ka ti.

SPEAKER : Le, engpawh nise, Minister han chhanna pawh kha a dik ve tho mai. Khami V.C record anga kha chu a mawhphurtu chu LAD lam anni deuh ber a, a changtu an ni a.R.D lam kha chuan anmahni hma an va tuam tur bikah khanin an va focus tawh phawt mai a, heta family zawng zawng kha a focus pui kha a nilo tlat chuan ka hria.

PUB. LALTHLENGLIANA : Pu Speaker, member tena kan zawh chuan khatiang khaw khata in awm zatte kha chu an Department chan pawh nilo sela an hre thei tur a ni. Khangte kha chu min chhang tura ngaih a ni. Engatinge khatiang mai mai an chhan theih loh fo le. (**SPEAKER** : Awle, a intiam tawh a) Pu Speaker, khawngaihtakin.

PU LAL THANHAWLA, HON'BLE CHIEF MINISTER : Englo a nia, Member ten ka tawng an huatthu suhah, a zawhna ang diak diaka kha a Department lam ten an lo en a, an rawn prepared kha chuan a hma a an lo en leh diakte a nih loh chuan khalaiah khan hriatsual palh leh Member te duhdan zawng kha rawn chhang lo hi a awm thei palh thin a. Tunah pawh a department concerned lamte khan an purview nilova an hriat ang khan kan Minister khan a guide a ni mai a, a pawh a ni.

Tin, Job Card te, Ration Card chungchangte hi Sorkar hi kan thiamlo pawh a ni mai thei a, tihdik a har a ni. LSC lem te hi a tam tih kan hria a, man a har khawp a, man turin kan bei nasa a, ka tawng tu huatthu ni suh selangin, Surveyor te leh Revenue Department-a thawktute hi a bul tumtu te an ni a, zuk hmuhchhuah an har khawp a, tum chu kan tum a, kan man zeuh zeuh tawh nghe nghe a, tunah hian. Chutiang chuan Job Card tepawh hi Sorkar hnathawk kuttlinglova sum lak hnial loten tiang khan an lo insiam kep thin te a lo ni a. Khalai bawr vel kha kan bei nasa a, YMA tepawh kan ruai a, a har khawp a. Amaherawhchu, a dik ber kan duh a, a dik tlan theihna turin Member ten khatiang a rawn point out fak fak tur an neih chuan action lak hi kan hnial lova. Amaherawhchu, Sorkar dan hi a muang ve hrim hrim a, Departmental proceedings pawh han ti ilangin, rei ngial a kal thin avangin duh angin justice hi a rang theilo a ni.

SPEAKER : Starred Question No. 6 na zawt turin Pu K. Liantlinga ilo sawm ang.

PU K. LIANTLINGA : Pu Speaker, ka lawm e. Sports Minister zahawmtak ka zawhna chu hei hi a ni - a) AR Ground (Lammual chei that nan hian eng angin nge hmalak a nih tawh ? b) Boxing Ring hman theih engzatnge kan neih tawh ? tih a ni e.

SPEAKER : Chhang turin Pu Zodintluanga, Minister Sports & Youth Services Department ilo ko ang.

PU ZODINTLUANGA, MINISTER : Pu Speaker, Aizawl South I bialtu zahawmtak zawhna chhanna chu a) Kan Chief Minister zahawmtakin Inter Village Red Ribbon Tournament Final ni-a a lo puan tawh ang khan AR Ground (Lammual) cheithat nan hian Mizoram Sorkarin Plan Fund-ah Rs. 4 crore a dah tawh a, Artificial Grass India ramah a pathumna tur dah a ni a, he kan Grass dah tur hi Goa State-ah leh tunah Salt Lake Stadium India ram Stadium lian berah khuan dah mek a ni a, a pathumna atan Mizoram thalaite infiamna atan dah tum a ni. b) Boxing Ring hi pahnih lei a ni tawh a, Saiha-ah leh Kolasib-ah dah tawh a ni.

SPEAKER : Zawhbelhna, Pu K. Liantlinga.

PU K. LIANTLINGA : Pu Speaker, AR Ground chei chungchang kha kan Chief Minister khan a sawi a, a lawmawm viau a, hei hi State Plan Fund a ni maw? Anih leh Central-ah hian DPR siam tumna a awm reng em? tih kha ka zawhbelhna ni ta sela.

Tin, Boxing Ring chungchangah hianin Boxing Ring ringawt hi a dah theih lova, amah hi Rs. 3.5 lakh man a nih lai hian a dahna tur hi Hall a tlem berah 60 ft. bial a ngai a ni. Boxing Ring hi 24 ft. Sq. a ni a, chuvang chuanin heng atan hian tunah hian ruahmanna siam a ni em? Tin, (**SPEAKER** : Kan zawhna hun a ral a, engtingge ni dawn? Member ten kan ngaihndan enge han zawt zo se kan ti em? A laklawh a, han zawt zo rawh) Pu Speaker, ka lawm e. Boxing Ring kha khatiang khan ruahmanna a awm em? Hall nena dah tur khan. Ring ringawt chu dah ila furah ruahin a nan chhe mai dawn a.

Tin, pahnihna-ah chuan hei hi lo siam dawn ta sela, tunah hian ruahmanna awm a nih chuan State Fund atangin nge ni a, Central Fund atangin? DPR (Detail Project Report) te hi siam tawh a ni em? Thlariat lai a liam tawh si a, tih kha ka zawhna a ni e.

PU ZODINTLUANGA, MINISTER : Pu Speaker, nichina kan sawi tawh ang khan AR Ground cheina tur kha kan State Fund atanga vaibelchhe li dah a ni a. Central Sorkar-ah a hranpa-a dil belh a ngailo tih kha ka sawi duh a. Amaherawhchu, kan hotute, kan Chief Minister ten thahnem an ngai a, Rajiv Gandhi Stadium khelmual pangngai artificial grass thatak kan dah mai bakah tunah Central atangin Ramhlum Sports Complex-ah sawn tuna kan sawi ang chi kha dah tura hmalak mek a ni a. Tun thla chung hi chuan Ramhlun Sports

Complex-a artificial grass dah tur pawh hi a hmin hman kan beisei a. Amaherawhchu, kha kha chu Central lam thil a ni a, a ni leh a hunte a sawilaw k theihloh tih kha karawn sawi duh a ni.

Tin, Boxing Ring chungchang hi kan Chief Minister in District tinah dah a ni ang tih a ni a, he Boxing Ring hi pahnih kan neih tawh hi a dahna tur nei inti te kan pe hmasa a. Tin, a nihna tur pawh hi tunah kan Department, Sports Council-ah chuan Sorkarin min pe vek tawh a, dahna tur hmunte an neih hunah MABA hruaituten remchanga neih mai turin Sorkar chuan ruahmanna a siam a ni tih kha ka chhanna a ni e.

PULAL THANHAWLA, HON'BLE CHIEF MINISTER : Pu Speaker, lammual atan pawisa a awm tawh a, artificial grass atan khan crore thum leh tlem a tul a. Tin, Pavillion saw tlema thlang deuha sak that turin Sports Minister in a ruahman a, chumi atan pawh chuan pawisa a awm a, sanction tawh a ni a. Tin, pavilion kha one and two siam turin a ruahman a, Sports Minister in, chumi atan pawh chuan pawisa a awm a.

Tin, Players te room extra atan pawh pawisa a awm baw k a, avaiin estimate kha vaibelchhe thum leh singkua sangriat anih laiin 4th floors law law niselangin, engemaw harsatna te a awm takin tih a ni.

Tin, artificial grass dah hi a awlai lova, a ground pumpui saw engemaw tia lai khuara, tuite a tlin loh a, fur chhe lai ber pawhin tiang zawnga tih kha a tul avangin a hna hian a duh rei khawp ang a. Amaherawhchu, Christmas hma-a peih hman chu kan chak khawp mai.

SPEAKER : Tunah chuan zawhna hun kan lo hmang zo ta a. Business dangah kan lo kal ang a. Thupuan - Panel of Chairmen atan Pu B. Lalthlengliana, Pu Nirupam Chakma, Pu Lalduhawma, Pu K. Lianzuala te ruat an ni a. Tin, vawiinah Member absent Pu P.P. Thawla, chhungkaw harsatna avangin vawiin leh naktuk absent a rawn dil a. Tin, Pu K. S. Thanga hi hritlang pik avangin absent a rawn dil baw k a, hengte hi pawmsak an ni.

Tunah chuan Paper lay na hun kan lo hmang ang a, Minister zahawmtak Pu R. Lalzirliana'n heng papers "The Mizoram State Employment Guarantee Fund Rules, 2009" leh "The Mizoram Rural Employment Guarantee Scheme, 2009" te hi House dawhkanah rawn lay sela.

PU R. LALZIRLIANA, MINISTER : Mr. Speaker Sir, I lay on the Table of the House the copy each of the following "The Mizoram State Employment Guarantee Fund Rules, 2009" and "The Mizoram Rural Employment Guarantee Scheme, 2009" thank you.

SPEAKER : Tunah a copy kha han sem ula. Awle, February 25th, 2010 ah khan hemi kan Session Programme te lo duang turin Business Advisory Committee te Meeting kan nei a, chutah chuan kan theih ang anga ulukin kan han duang a, chumi kan duante chu House-ah ka rawn present a, min pawmsak theih chuan a lawmawm khawp ang. A copy kha sem nise, Member ten BAC rel ang kha in pawm thei em ?

PU LALDUHAWMA : Tuna kan Budget Session tur hi kan plan size hi la final loh a ni tih a ni a, chutiang anih chuan kan Session tur hi Vote on Account nen a danglam chuango tihna a ni a. Vote on Account nena danglam silo, Vote on Account ni bawk silo, Budget Session puitling ni bawk si hi kei chuan ka hriat vawikhatna a ni.

Tichuan 'voted' tur ho kha tun tumah hian Vote on Account ang chin te maia kha kan lo vote ta ang a, a hnu-ah khan tam deuh a rawn luh belh dawn a, kha kha Member te hian sawihona hun emaw, vote na hun emaw kan nei lo vang vang ang a, revised estimate kha Supplementary Demand in a lokal ringawt dawn ta em ni ang? Chuti anih chuan kan budget tam tak kha heta sawiho loh kha a awm dawn ta tihna a ni a, engtia kalpui tur nge tih min hrilhfiah thei em ?

SPEAKER : Budget pangngai a nih lohna pakhatmah a awm lova, plan size chipchiara kan hriat rih loh avangin kan neih ngei ngei tur chiangsa pawisa huamchhungah demand te, kan budget pumpui kan kal mai dawn a ni. Chutah chuan kan plan size final a lo nih a, kan punna a kha chu Supplementary/Additional -ah a lo kal mai dawn a ni.

Kum dang zawngah pawh Budget Session pangngai kan neih hnuah a kum leha kan han thut dawn chuan dil belhna a lo lut zel tho a ni. Chu chu Supplementary Demand angin a kal tawh mai a ni. Chutiang chuan kan kal dawn a, tunah hian Budget Session puitling kan nei a ni tih member zahawmtak ten in hriat theuh ka duh a. Budget Session lem lem a nilova, Vote on Account pawh a nilo, Budget Session puitling kan nei a ni. Amaherawhchu, sum kan hmuh belh erawh chuan kha kha additional leh supplementary-ah a lo kal mai dawn a ni.

Dr. R. LALTHANGLIANA : Pu Speaker, kan han hriatfiah duh lai tak kha chu helai hi kan la tawn ngai loh a ni ve tlat mai a, inhrilhfiah deuh chu a ngai khawp mai a. A awmzia chu, nikum size ang chiah khan naktuk hian beiseina chuan Budget hi kan Finance Minister hian a present tur angah kan ngai dawn em ni ang ? tihlai kha a ni ta a. Chu chu nita ang sela, kumin kum kalta-ah khan khang zawng zawng kha Budget Session kan neih-ah te khan kan sawi tawh kha a ni si a. Chuvang chuan, thil thar awm chuango silo kha Budget Session kha ti hian kan ko ta a, kha kha chian a ngai a ni.

Kan rorelna hi a pui angreng si a, kan ngaihtuah turah hian pawisa thil ngaihtuah tur kan nihna lai tak kha a pawimawhna lai a ni a. Supplementary han tih ngawt pawh kha a ni chiah lo deuh a, tunhma kan Supplementary-ah kha chuanin hetah pawisa indaih lohna leh khatiang ang chi House-a kan han sawiho lehna ang chi te, thenkhat sawi lemlo-a kan tih liam mai ang chi te a ni a. Tun tumah erawh hi chuan a main budget thil kha a ni si a, a inan lohna riau kha a awm a, kha kha khawngaihtakin kan chian theih deuh nan kan House Leader pawhin min hrilhfhah deuh se chu ka duh khawp mai. Thil chianglova thut ngawt a, Demand te karlehah kan la sawi dawn lehngal a.

SPEAKER : Thil chiangah ngai mai rawh u. Assam tepawhin an plan an final lova, Budget Session puitling an nei a, Meghalaya tepawhin an plan size an final lova, Budget Session puitling an nei a. Mizoram hian engatinge Vote on Account tia kan kal, zah pawh hi a zahthlak. Chuvang chuan, Session puitling kan nei ti khan kan rilruah chiang ila. Assam pawhin an tih theih chuan kan ti thei, Meghalaya pawhin an tih theih chuan kan ti thei tih kha i chiang ang u. Nakinah harsatna buru a awm chuan kan la su tlang dawn nia.

PU LAL THANHAWLA, HON'BLE CHIEF MINISTER : Ni e, kan Speaker sawi kha a dik a, tunah hian Budget Session pangngai a nih lohna a awm lova, tin, tuna kan plan size han tih hi chu tuna kan current plan size-ah khan kan ding a. A chhan chu a chiangsa awm chu tuna kan current plan size kha a ni. Chumi-ah chuan kan ding ta a. Tichuan, ni 22-ah hian plan discussion a awm dawn a, working group an kal tawh a, chumi-ah chuan final a ni ang a, a increase a nih chuan kha kha chu Finance Department in a rawn belhchhah leh ang a. A tul angin kan Speaker pawhin he House hi khami ngaihtuah leh tur khan a ko thei a. A chhan chu thilthar amount tlema zawng te belhchhah theih a nih avangin.

Amaherawhchu, a neitute vek kan ni a, kan awmdan-ah hi chuan kan fiscal deficit avangte leh revenue avangin harsatna dang dang avangin kan plan size hi nasa taka jump turin kan beisei lo a ni. Tlang taka sawi hi a dik a, kan plan size hi nasa taka pung turin kan beisei thei lova, kan current fiscal avang hian. Chuvangin, inrawn tlangin, Full Budget Session hi nei ilangin, atul anih chuan addition emaw, subtraction emaw a lo awm anih pawhin kan Member te Session kovin khalaiah khan Adviser nge, enge a tih leh theih tho a lawm tiin kan buai rei loh nan leh kan buai tam loh nan leh document process kha a sukuk loh nan kan hotuten tiang hian an rawn ti a ni e.

PU LALRINLIANA SAILO, MINISTER : Pu Speaker, point khat chauh. Hei, Business duan hi kan pawm dawn nge, dawn lo tih a ni a. Tuna kan sawi kha chu Budget-ah a leng dawn a, hei hi final ila a tha lawm ni ?

SPEAKER : Nia, in pawm thei em ? ka ti a, khati lai bera kha pawm harsatna chhanah ka ngai a. A vang chu, Business te hian Demand sawiho te a rawn keng ta teuh a, Budget pharh te a rawn keng ta a, chu chu Budget lamah a sawi kai loh theih loh.

PU LALDUHAWMA : Hei hi chu a programme a hi chu kan pawm em em ang a, theih chu nise, tun hnuah chuan Session koh hma hian kan plan size an la final thei si lova, vote on accounts in kan kal leh mai ang nge, full budget session kan nei ang tih hi thingpui in pah te chuan han sawi hova, in rawn chu nise, mam zanin kan kal theih ka ring a. Tunah chuan Session koh tawh hnuah programme duang turin min ko va, keinin sawitur dang kan nei thei tawh lo, Session koh hnuah a programme kan duang mai a ni a. A programme chu kan pawm ang, mahse a dik chiah chuan nikum budget hlui ang kha an rawn chhawp chhuak dawn a, a pung ngei ngei dawn a, a punna tur hi chu kan sawiho dawn lo, chance kan lost a ni. Kha kha chu a chiang khawp mai a, i tih ngailoh anih pawhin Mizoram-ah chuan a vawikhatna a ni.

SPEAKER : Min lo ngaithla la, Budget size pumpui a inangah khan a allocation thleng a inan dawn chuan a ho viau ang. Mahse, a allocation te te kha a inan leh an loh kan la hre rih lo chu a nih hi.

PU LALDUHAWMA : Kan la hmulo na-a kan House Leader in tunah khan a sawi a “nikumah kan ding dawn” a ti a nih kha. Plan size a hriat loh chuan kum hluiah kan ding lo thei lova, chu chu thil chiangsa a ni. Ka zuk sawisel ngawr ngawr a ni lova, hetiang hi kan ti leh dawn anih chuan inrawn hmasak chu nise a fel zawk tur ka ti mai a ni. A dik chiah chuan Vote on Account nen full Session ti ti mah ila a danglam tak tak lo.

PU LAL THANHAWLA, HON'BLE CHIEF MINISTER : Pu Speaker, tuna Member rawtna kha tha tak a ni, tih nachang kan lo hre lova, a paw khawp mai. Tun hnuah tiang hi a awm leh dawn anih pawhin inrawn tlan awm tak a ni, a zawng aza kan inrawn theilo anih pawhin a Group Leader te nen chuan sawihona chang kan lo hre lova, hun lokal zelah chuan min ti bengvartu a ni ngei ang, a lawmawm khawp mai.

SPEAKER : House Leader in a rawn sawi a, nakinah tul leh te a awm chuan kan lo hre tawh ang a. House Leader in a lo hre tawh ang a, keinite chu lo ko teh an ti a, kan ko a ni mai a. Assembly lam hi chu Governor in a rawn ko a, kha kha engtinng e ni ang, kan lo ti mai a, keini ang Pu R. Romawia koh kha a ni tak tak lova, Speaker koh kha a ni tak tak lova. Awle, kan pawm thei a, a lawmawm e, hetiang a han tih deuh laih laih hi finna, thahnemngaihna lo lang atang hian finna kan chharchhuak zel a ni a, a lawmawm e.

Member ten ngaihdan diktak House-ah hian ri thaka kan sawina hmun tur a ni tlat a. Kawthlera va inrel leh nilo hian House-ah hian diklo nia kan hriat te kan sawina tur a ni.

Tunah chuan Governor thusawi chungchanga Motion of Thanks House-a rawn move kha kan sawiho dawn ang a, hun hi minute nga theuh inpe ta ila, Group Leader te erawh chu kan tidanglam deuh ang em? Motion neitu Pu John Siamkunga khan niminah khan a la move lovin ka hria a. House-ah khan phalna a rawn dil a ni a, Motion of Thanks phalna, kan phalsak a, chuvangin a mover tur a ni ang a. Mahse, a rawn move hma khan kan hun neih dan te ngaihtuahin thilsawi a ngai tlat mai. A move tu chu engpawhnise, midangte hi minute nga theuh kan inpe dawn nge, minute sawm theuh kan ti dawn nge? House in kan duhdan sawi a ngai leh tlat.

Dr. R. LALTHANGLIANA : Pu Speaker, kan Governor thusawi chungchang hi vawiin hian kan conclude nghal dawn a ni a, kawng leh lamah kan vaia sawi hi kan ching lo tanin ka hria a. Helam erawh chu kan tam lova, chuvangin minute sawm kha chu tunhma-a kan dihdan thin a ni a. General Discussion-ah hian a aia tlem kan la tilo hrim hrim a, minute sawm tal hi maintain ila a tha ka ti khawp mai.

SPEAKER : Hnial kalhna a awm lo em? Chuvangin minute sawm chu khum loh tum ila, Chair lam dil belh lovin. Tichuan, tunah hian Motion of Thanks rawn pulut tu Pu John Siamkunga sawi hmasa turin ilo ko ang aw.

PU JOHN SIAMKUNGA : Pu Speaker, ka lawm e. Hei, Governor in nimina a thusawiah khan Sorkar kal mek dan leh a hmachhawp tamtak kan ngaithla a, khangah khan lawmthu sawina tur tam hle in ka hria. Chu chu vawiinah he House zahawmtakah hian ka rawn move dawn a ni.

Awle, kan hriat angin, nimina kan Governor zahawmtak thusawiah khan kan Sorkar hi Election Manifesto tih hlawhtlin tuma kal a ni tih kha a sawi Chiang a, kan Governor thusawi atang khan Sorkar hi awmze nein a kal tih a Chiangin, Mizo mipuite a hruaithlen a tumna chin a hria a, a kawng pawh a hria a ni tih kha a sawi a ni.

He Sorkar hi ram development dah pawimawh Sorkar a ni a, Sorkar thianghlim leh tha tha din tum, mipui ngaihsak leh ram hmangaih vanga corruption do-a theihtawp chhuah Sorkar a ni. Mipuite retheihna a ta khaichhuah a, lei rem rahtir hi Sorkar tum lian ber a ni a. Kan Governor thusawi a lo lang, NLUP atana Rs. 2527 crore chhungkaw 1,20,000 tana earmark hi Zoram mipuite dinchhuahna tham a tling dawn a. Sorkar Department hrang hrang 8 in an khawih tur te a ni a. Hei hi chhenfakawm tak, ramdang globalized world-ah chuan

khawvel ramdang kan unaute nena zaikhata luang a, kan lo tawh ve theihna tur dinhmuna inhlankai ve theihna tur a nih avangin a lawmawm hle in ka hria.

Kan Election Manifesto ang khan inkalpawhna kawng kan Sorkarin a ngaih pawimawhzia kan Governor khan a sawi lang a, chung zingah chuan Inland Water Transport chungchang te sawilangin, Multi Modal Transport Project Rs. 680 crore lai senna tur Lawngtlai leh Sitwe inkar ami lawnglian Mizorama a luh ve theihna tur kawngte kha arawn sawilang a. Tin, chubakah Tlawnglui Rs. 526 lakh lai senna tur, helai hmalakna tur te arawn sawilang bawk a. Tin, khaw 80 lai tlawh tura kawng km 400 lai laihbelh tur chungchang tepawh arawn sawilang bawk a ni. NH 54 kha BRTF kuta awm thin a ni a, chu chu Mizoram PWD kuta hlan tur a nih thu tepawh kan Governor zahawmtak thusawi atang khan kan hmu bawk a ni.

Tin, Power lamah kan intodelh lo hle a, kan intodelhna turin Sorkarin hma a lak thu kan ngaithla a, kan Governor zahawmtak thusawi atanga lang ta chung tuna kan neihsa bakah hian hmalakna tur lian tham tak tak arawn sawilang a. Chungte chu Kolodyne Hydrel Project atan, Hydrel Project dinna tur mega watt 460 pe chhuak thei tur te, Tuirial Hydrel Project mega watt 60 pechhuak thei tur te, Tuivai Hydrel Project mega watt 210 pechhuak thei tur te kha kan ram tana chhenfakawm tak ni turin Sorkarin hma a lak tur thu arawn sawi lang bawk a. Hengte hi hun duh deuh mahse, peih a nih hunah chuan Zoram mipui hian eng lamah nasa takin hma kan sawiin, engang harsatna pawh lo thleng dawn mahse, heng hmang hian kan sukiang theidawn a ni tih a hriat a. Chuvangin, hmasawna ruhrel pawimawh tak a niin ka hria a ni.

Tin, Law and Order Administration chungchang kha kan Governor zahawmtak khan a sawi a, a sawichhuah te kha chhinchhiah tak tak tlak a ni a, mahse dan leh thupek chungchanga Sorkar hmalak danah hian misual pawikhawih te man chhuah lohin an awm ta mang lova. **(SPEAKER : Ziak chhiar kan awih lo a nia) A point chauh a nia ka ziah tlangpui. (SPEAKER : A nih aw, ziak I chhiar loh chuan kan ngai thiam ang. Mahse, ziak chhiar kan awih lo a ni) Hei hianin ram kan kalpui danah hian ram ralmuang a lo nih chuan Tourists ho tena minrawn tlawh pawh theihna tur te, tourists sector pawimawh tak a nih theihna turte a lo lang a. Tin, India ram mai nilovin, ram pawn atang pawhin tourist te an lo lut zel dawn a ni tih tepawh kha a lo lang a ni.**

Tin, Fire & Emergency chungchanga hmalakna te kan Governor zahawmtak khan a sawilang a, Director enkawlina hnuaiyah nasataka hmalak a nih dan te, kangmei lo chhuah thulh pawha an chet ran tawhzia atang hian Sorkar hmalakna hi kan Governor sawi ang khan chhuan tlak tak a tling a ni.

Tin, Independent Judiciary chungchang kha kan Governor khan arawn sawi uar a, Court building chi hrang hrang sak bakah Judicial Service atana mi engemawzat lak an ni te, chubakah Family Court Aizawl, Lunglei, Kolasib, Champhai-ah te din a nih thute kha helama Judiciary dah hranna lama hmasawna ropui tak a ni dawn a.

Tin, chubakah Villlage Court kan tih Gram Nyayalayas kan tih kha phase manner in khaw hrang hrangah din a ni dawn te kha a ropui a. Kha khanin thingtlang lama Law Court kal theilo tamtak harsatna kha a rawn solve dawn a ni tih kan Governor thusawi atang pawh khan a lang chiang hle a ni.

Tin, kan Governor thusawi atanga lo lang leh ‘Catch them young policy’ tuna he Sorkarin a kalpui zelah hian thalai tamtakte tan hmakhua a eng a, khawvela kan inphochhuah theihna hmanrua tur Football-ah te, Hockey-ah te kawngka zau tak a rawn hawng bawh a ni tih kha kan hmu a.

Tin, chubakah Rajiv Gandhi’s Sports Stadium kan sak mek te kha rawn sawi chhuakin a bakah PYKK hmanga talented sportsman an zawna-ah hian District tina Sorkarina hma a laknaah hian infiam thei, infiam mi tak tak te an rawn pho chhuak tan mek a ni.

Tin, SYS Football Academy, Kolasib-a dah tur te, State Hockey Academy, Kawnpui-a dah turte hian nasa takin helamah hian hma kan sawn ang tih kha kan Governor thusawi atang khan a lang bawh a ni.

Tin, Animal Plan hnuai Project MODAFER hmanga ranchaw siam hi a pawimawh khawp mai. Ranchaw man to tak taka lei thin mirethei te khan man tlawm zawkin an lei thei ta a. Tunhnai maiah pawh khan quintal 11175 lai mai kha an lo siamchhuak a, ranvulh tute tana hahdamna tling leh ram hmasawna ropui tak niin a lang a.

Tin, a dang leha chuan RMSA kan tih, Rashtrya Madhyamik Shiksha Abhyan hi a hmang hmasa tur State kan ni te hi a vanneih thlak a. Hemi hmang hian zirna quality tihchangtluna ni dawn a, a bikin Secondary kan tih, High School Section bikah hian. Chumi atana Sorkar hmalakna kal chho zel te kan Governor thusawiah khan a lo lang a, chu chuan he Sorkarin zirna lama hma a lak nasat zia a rawn tilang a. Chubakah Technical Education lam uar tum thu kha a lo lang bawh a. Chungah te chuan Polytechnics hi – Champhai, Kolasib, Lawngtlai leh Mamit-ah te din tum a ni. A General Line-a kal mai lova, a vocational/technical zawnga kan kal hian kan ram mi zirlai te hian hna hi awlsam te in, mahni intodelhna lamtluang an zawh thei dawna ngaihna lian tak a awm a. Hei hi kawng sialna ropui tak ani bawh a ni. Chutihlaiin, National Institute of Technology, Aizawl-ah din a lo ni tawh te hi helama hmalakna ropui leh sulsutu ropui a ni bawh a ni.

Tin, Government Press hi tihchangtlun a ni a, a hma-a lo hman thin khawlte kha changtlung zawka thuam leh khawl ropui tak takte leibelh anih mai bakah Institute of Printing hi din tur a ni a. North East-ah hian a awmchhun a ni dawn a, hei hi cheng vaibelchhe 8.75 lai senna tur a ni a, hei hian Zoram hi Printing lamah sang tak min thlenpui dawn tihna a ni a. Hei hi hmasawna ropui sawitlak kan Governor zahawmtak pawhin a rawn sawilan kha a ni.

11th Five Year Plan chhunga Agriculture Sector hmasawna tur ruangam an rawn duan chhuah hi a ropui takzet a. Helai a kan Governor thusawi atanga a

landan chuan Agriculture Sector bik atanga GDP thanna kha 4% a tling dawn niin target a ni. Hetiang anih chuan Agriculture Sector a thanna hi duhawm tak, Mizoram mipui tana chhenfakawm tak leh kan ram Economy pawh hawlh danglam dawrh thei tur a nih avangin helai Agriculture Sector lama Sorkar hmalakna hi a chhuanawm takzet zet a.

Tin, Oil Palm lam, High Yielding Variety chinna tur atana hectares sanghnih leh zanga lai mai ruahmanna lo awmte hi he Sorkar ina ram mipuite eizawna tur a ngaihtuah zia tilangtu a ni a. Chu chu kan Governor thusawi zahawmtak atanga lawmthu sawi tlak, ropui tak zing ami niin ka hre bawka ni.

Tin, NREGS hmanga chhungkaw 1,87,773 (nuaikhat leh singriat leh sangsarih zasarih sawmsarih pathum) lai mai te chhuanchham lova kan siam leh dinhmun hrehawm ngawih ngawiha an awm thin, chhuanchham mai tura an awm thin te, he programme hmanga chawikan an ni a, eizawna siamsak an ni te hi a ropui takzeta. Tin, mirethei in neilo te IAY hnuaiia in 1895 (sangkhath zariat sawmkua panga) lai mai tunhnaia sak sak te. Tin, 1120 (sangkhath leh za leh sawmpahnih) lai mai repair sakte hi a ropui takzet a ni.

Basic Services chu Urban Poor tih hnuaiia leh Integrated Housing and Slum Development Programme hnuaiia hian mirethti in neilote tan in lian tak sak mup mup mai a ni hlawm a, chungah te chuan mitam tak chen luhtir theih a ni dawn a, hei hian he Sorkarin miretheite a ngaihpawimawh zia leh michanhai te chhawmdawl a tumzia tilangtu niin a hriat bawka ni.

Tin, National Rural Drinking Water Programme hnuaiia hian khaw 151 lai mai tui intur tha pe tura Sorkarin hma a la chho hi ram tana thil pawimawh leh mipui tana thlamuan thlak tak a ni bawka ni.

Tin, Soil and Water Conservation hnuaiia hectare 330 lai mai Terrace –a siam tur hmachhawp han awmte hian Soil Erosion tamtak a ven bakah eizawna ngeinghet mi tamtak tan a thlen dawn a ni. Hei hi thil lawmawm tak a ni bawka ni.

Tin, he Sorkar hian pangngang khawina lamahte nasa takin hma a la a, hmeichhia te, naupang leh piangsual chanhai zawkte tana chhawmdawlna leh enkawlna thatak tak a siamte hi thil ropui tak a ni bawka ni.

Land Revenue & Settlement lama hmalakna tur lo lang te, Disaster Management lama hmalakna tur lo lang te, Sainik School sak tum lo lang te, Co-operative Convenient chakzawka kalpui tum chungchang kan Governor pawhin a sawite hian mi a ti thlamuangin ram tana Sorkar kalna-ah hian Sorkar hian mipui hma a ngai hle tih a langin ka hria a ni.

Tin, chubakah chuan Taxation Department hmalak tum dan te, ADB atanga Structural Adjustment Loan vaibelchhe 470 lai mai he Sorkar ina a lak tur kan Governor zahawmtakin a rawn sawi chhuah te kha thil ropui tak a ni a.

Tin, chutih laiin 13th Finance Commission in cheng vaibelchhe 8805 lai mai min han pe te hi chhinchhiah tlak tak a ni bawk a ni.

Tin, Health Care lama hmalakna lian tak tak lo lang te, Aizawl Civil Hospital saw changkang zawka thum tum te. Tin, District Hospital engemawzat sak tum te leh khawl changlung zawka thum te, kan Governor thusawia lo langte a awm a. Hengte hi Sorkar ina hriselna lam a ngaihsak zia tilangtu a ni a, a ropui takzetin ka hria a.

Tin, chubakah kan sumdawna lampangah ram intun nunna tur atan NLUP kan kalpui mek lai hian ramdang nena kan insumdawn tawna hi Sorkar hian a ngaihsak hle a. Rilru pui berah a nei a ni tih chianna chu kan Governor zahawmtak thusawiah khan a lang a ni. Border Trade kalpuina-ah hian Composite Land Customs Station Zokhawthar-ah sak a ni a. Tin, Rih atanga Tiddim kawng laih tur te, Rih atanga Falam kawng sialte hi a pawimawh khawp mai. Tin, Tlabung Land Customs Station-a dah te, khawthlang Tuipui Export and Import pawimawh lutuk atana siam tumna te hian Mizoram Economy hi nakinah chuan a la ti thang nasa dawn tih a ti chiang a. Tin, Kawrpuchhuaha Border Trade Centre dinte hi ram hmasawna chhinchhiah tlak tak a tling bawk a ni.

Tin, Cheraw kan hmanga World Record kan han siamte kha, Zoram mipui tan hian a chhuanawm a, khawvelah a tha zawnga min pholanna duhawmtak a ni a, kan Governor zahawmtakin chhuangtaka a rawn sawite kha a ropui takzetin ka hria.

Kan Governor zahawmtakin Sorkar hmalakna leh a lak mek te, a hma chhawp chhoh mekte a sawite hi ram tan hmasawna tling tak tak te an ni hlawmin ka hria a. He Motion of Thanks ka rawn putluh hi tuna ka sawi ang khan he House hian min pawmpui turin ka rawn move a ni e, ka lawm e.

SPEAKER : Awle, a laklawh-ah te kan han inhau leh rih thin a. Lehkha chhiar kha awihloh a ni a, 'ka sawi kha' te kan han inti leh laklawh leh thin a. Engpawhnise, kan han sawiho zel ang a, tunge han sawi leh dawn le ? Vote kan la tawh mai dawn em ni ? Sawiduh kan awmluh chuan Pu R. Lalrinawma ilo ko ang.

PUR. LALRINAWMA : Pu Speaker, ka lawm e. Pu Speaker, a rawn move tu in a moved chiang a, chuvang chuan sawitur kan hre vak lo tepawh a ni mai thei a, a rawn hrut kim hle a. Governor thusawi a lawmawm zia, lawmthu sawina Motion moved rualin kimchang takin a rawn sawi tawh a, ka'n thlawp duh a, Pu Speaker. Sorkar kum khat awrh chhunga hmalakna hrang hrang leh hmachhawp khati zat mai an awm kha a lawmawm hle in ka hria, department hrang hrangah, kum khat awrh chhungah khan.

Pu Speaker, kan hriat theuh angin V/C thlan ten Sorkar hnathawk tamtak tih khaihlak chin a nei a, Code of Conduct te, V.C thlanah kan hmang tawh a.

Tin, MP thlan te a ni a, kan hriat angin nichina kan sawiho angkhan Vote on Account a kal loh theih loh hunte kan nang chho a. Kha Sorkar kum khat chhungah khan hnathawhna hun kha a tlem em em mai a. Chuti chungah Sorkar hmalakna ti zat mai puanchhuah tur a awm kha a lawmawm ka ti a. Tin, hmachhawpah NLUP hmanga eizawna ngelnghet chhungkaw 1,20,000 lai mai han tuam hlawm tur te, Agriculture leh Horticulture hnathawh thatak tak mai Pu Speaker, Durtlang te leh Sihphir te leh heng Zemabawk te, Aizawl khawpui thlaia chawmtu te tan phei chuan heng Agriculture leh Horticulture hmalakna hi a belhfakawm em em a ni. Henga hmalakna thatak tak mai an awm chhote hi a lawmawm ka ti a.

Tin, Sports lama nasa taka hmalak a ni te, kan thalai tepawh an phur em em a. Hei, Stadium puitling tih tepawh nasa taka thawh chhoh a ni a. A zawng aza sawi sen a ni lova, Welfare Activities lama 2009-2010 chhung maia Old Age Pension (Tar chawmna) mi 8231 lai mai han pekbelh a ni te hi thil lawmawm tak a ni.

Han sawi zau deuh ka duh chu dan leh thupek kenkawhna kawng kan Governor in hmalakna chhuanawm em em a rawn sawi hi a lawmawm ka ti a. Sualna, tualthahna liantham tunhma-a chhuichhuah ni manglo thin te kha tunah chuan chhuichhuah a lo ni ta deuh zel mai a. Taxi Driver bo, a ruang an han hmuh hnuah chhuichhuah a lo ni ta a. Tin, Bungthuam tlangval Zarzokima thattua rinhlelh tepawh hel te, ramdanga awmte nimahse, man an han ni thei te. Tin, Tuikual nula ruang chhar a nih hnuah a thattua rinhlelh an han man thei te, Saron vengah hmaituam ina mi sum an chhuhsak, an han man chhuakte kha kan Police te an fel ta hle mai, an lo that takna hi mipuite tawiawmna a nih rual in, tawiawm tlak Police leh a enkawltu Home Minister fel kan nei ta a ni tih hi Governor thusawi atang hian a lang a.

Sorkar hi diktak a, huaisen taka a kal chuan mipui tepawh hi kan lo la felin Sorkar hi kan tawiawm duh a ni tih hi khang halpuah hal loh chungchang - ah tepawh a lo lang a. Mipuiten thu kan awih em em mai a, Sorkarin tunhma pawh khan halpuah hal tepawh a lo khap tawh thin a. Amaherawhchu, an han man khawm a, Court-a kan awmlai a ni a, Pu Speaker, Court-a an han man khawm te kha thuneitu lal tak tak ten an la darh leh a, an insem leh thin a, kha kha mipuiin kan hre si a, chu chu annin an hal dawn tho a ni tih hriat si kha chuan khap hleihtheih a ni lova. Mahse, tunah chuan thupek pe tu ten dan an zawm thin avangin mipui pawhin an tawiawm a ni. Chuvang chuan tunhma Sorkar hmasa-ah te awm thin innawr luih luih leh nawrh zawng innawr te kha tunah chuan mipui leh pawl hote, Sorkar hnathawk thleng pawhin Sorkarin diktaka thil a tih a, huaisen taka policy mumal neia a kal chuan Sorkar harsatna tepawh hi an hrethiam a. Chuvang chuan, nawrh zawng emawa innawr luih luih emaw kha vawiinah hian a awmlo te hi dan leh thupek kenkawhna kawngahte a lawmawm em em a.

Tin, he Sorkar hian Manifesto –ah dan hmanga rorelna Administration of Justice tihchangtlun chungchangte kha Manifesto-a alo dah angin he Sorkar kumkhat chhung leka hmalakna ropui tak tak mai Governor thusawia lo lang hi a

lawmawm ka ti a. Executive Control na atanga Court roelna a hranga han dah Seperation of Judiciary kan tihte a tak taka kalpui a lo ni ta a.

Tin, Raj Bhawan Complex tura ruahman remchanglo em em si, remchang zawk tura High Court atana pek fel thu a rawn sawi chhuak a. Tin, Family Court Aizawl, Lunglei, Kolasib leh Champhai-a din tur te. Tin, Court building hmun hrang hranga sak tepawh sawilan a ni a. Hengte hian he Sorkar hian dikna-a roelna dan, dikna chu luipui angin luang sela, roelna dik chu lui angin luang sela tih a ngaih pawimawhzia hi a rawn lang a. Tin, hun reilote chhungin Civil Judge Junior Grade kan Mizo thalai lehkhathiam, dan thiamte 12 lai mai a la fel a. Tin, Senior Civil Judge 6 lakfel a ni leh a, a move tu in a sawilan ang khan he House ngeia kan pass Gram Nyayalayas (Village Court) tepawh tunah tih hlawhtlin tuma hmalakna kal a ni a. Hengte hi a lawmawm em em a.

Tin, he Seperation of Judiciary Sorkar thar atanga atak taka kalpui a nih hnu hian Court lama roelna tepawh a tha chho hle a. Pu Speaker, he House zahawmtaka ka sawilan duh chu, kan ram roeltu lu ber, kan House Leader diklo taka Politics-a elrelna avanga thubuai an siamsak a, engmah ti thei lova a awm lai, kum sawm lai a thiltih chhuia an veh hnuah India ram hmun tinreng an chhui hnuah a thil tihsual engmah an hmuh loh hnuah Inthlan (Election) dawn apiangah case a nei an ti thin a, kum 2003-ah inthlan alo ni a, case a nei tih ringawt kha a dik tawh si lova, mumal lo takin hei hi tiin charge sheet an thehltut ta a. Mahse, Court-ah ngaihtuah tak tak nei silovin, 2006-ah pawh a copy an pe chauh a, ngaihtuah kha tih khawtlai zel a ni a. Chutihlai chuan Court roelna kha han chhuak sela, ani khan thiam a chang dawn a ni tih a lang reng a, puhna engmah mumal a awm siloh avangin.

Amaherawhchu, Seperation a awm lova, churang chuan Sorkarin Court-a an Ukil te hmangin tih khawtlai hna ringawt an thawk a. Tunah chuan nikum atangin Seperation a awm ta a. Court kha Sorkar control theih lohin a awm ta a, chu chu dikna in a rawn hneh ta a. He House-ah hian a ropui em em a, Seperation of Judiciary a lo awm ta a, Sorkarin Court a control thei lova. Churang chuan, diklo taka inpuhna, Politics-a in elrelna-ah tepawh kan House Leader hian thiam a chang ta tih hi he House-ah hian ka sawi ve duh a ni, ka lawm e.

SPEAKER : Kan adopt thei mai dawn em ni? In sawi dawn em? In reh vung vung mai a, Aw, Pu Lalduhawma.

PU LALDUHAWMA : Pu Speaker, waviin ni ang te, Budget General Discussion angt hi Member ten general taka thu kan sawi ve theihna chance awmchhun a ni a. Churang chuan keipawhin general taka han sawi ka duh a.

Kan Politics kalphung hrim hrim hi democracy-ah chuan kan in Sorkar chhawk a, Party in Manifesto kan siam a, Sorkar dinglai policy kan duhlo anih

chuan kan ti tawp dawn, kan chhunzawm dawn lo tih kha Chiangtakin, duhthlang tur ten an thlan theih nan kan ziak tur a ni a. Thil thar kan tih tur tepawh kan ziak tur a ni a. Chutih lai chuan tutemah ka tihna bik ni miah lovin, Sorkar engemawzat kan lo neih ve tawhah hian, Sorkar hmasa hmalak chhunzawm that duhlohna engemaw chen awm thin leh ro hran kan rek zing lutuk te hian mipui a ti luhai thawkhat in ka hria a. Hemi kawngah hian tan kan lak tlan a, hma kan sawn hi tul in ka hria a ni. Entirnan - hmanah Sorkar pakhat chuan Garden Colony an tuipui em em a, Sorkar dang a lo piang a, a chhunzawm lem lova. NLUP a lo piang ve leh ta thung a, a dang an lo kal leh a, Jhum Control an rawn ti leh thung a, a dang an lokal leh a, MIP an rawn ti ve leh a, MIP tha mi in a rawn zui leh a. Tunah NLUP tha mi, a thar kan ti leh ta a. A tum chu kuthnathawktute chawikan vek ni si khan, mahni hun theuhah hming hran vuahin, a bul atanga tan thar leha engkim mai kan tih kan tih karah hian mipui hian Sorkar hmalakna hi an dawng thiam lova, an dawng fuh hleitheih tawhlo ni te hian ka hria a.

Tu ka tihna bik mah nilovin, chhunzawm tlak chu chhunzawm sak hram a, kan chhunzawm loh tur chu Chiangtaka mipui hma-a puan mai ni se. A hmasa-a mite hmachhawp kan chhunzawm zelna atanga kan ram hi thang tur kan ni.

A changing Tung kan uar a, vawiinah hian Tung huan tawl mai mai hmuh tur tamtak a awm a. Hmanni lawkah Jathropha te kan in chin tir vak a, enkawl pawh a phurawm tawh lo, sawi zui pawh a hlawh tawh lo reng reng a, a ti laklawh chhungkaw tan khan a na lutuk a, BPL nih pawina a ni ringawt mai a. Hmanni lawkah Aieng an chin tir chiam a, vawiinni thlengin a hralhna a la awm lo. Hmanni lawkah Grape kan in chin tir a, Sorkar thar hian ngaihtuahna thar a hmang leh ta mai emaw tihturin Hnahlan leh Champhai vela Grape chingtute chu mumal lo takin, ngaihtha lo takin kan siam leh der tawh mai a ni.

Hetieng hrim hrima rorelna hi kan siksawi chuan a tuartu chu kan ram leh mipuite tho tho hi kan ni a. Airport chungchangah te, Tlawng khuah chungchangah te, Refferal Hospital chungchangah te 'kan hunlai kha chuan tikhan kan ti a, a hnua mitten an chhunzawm ta lova' tia inpuhtawna hi Pu Speaker, he House chhungah pawh hian kan hre zing lulai tawh deuh hlek a ni. Sorkar hmasa huna State Refferal Hospital kan han sawi tepawh khan hrehawm ka'n tih deuh thinna chu a changtu Minister in min han chhan khan thinlung taka tihpuitlin chaka hma la a min chhang kha a anglo deuhin ka hre thin a. Sarcastic deuh tak leh tiel lam hawi chungah 'chumi te tih a lawm' tih ang chi kha example - ah ka'n tarlang mai a ni, concrete takin.

Vawiin thleng hian chutiang chi chu a la awm reng a ni, kan rorelna-ah hian. Piggery Village kan ti a ni emaw, hei tunah ka bial chhungah khuan a awm a, Chawilung ram hluiah khuanin. Hmanni-ah ka zuk kal a, Sorkar thar hian engtingge a kalpui dawn an hre lova, chhungkaw sawmthum lai mai kal ngaihna hre lovin an awm a, Health Care kan ti a ni emaw, Sorkar hmasa in a lo kalpui dan kha a fuhlo e, a fel chiah lo ve kan ti a nih chuan, a fuhlo lai tepawh a awm tih pawh kan pawm tho a ni. Amaherawhchu, a thlakna tur tun thleng

thlenga la nei thei lova awmte hi chu a ni lutuk tawh lo, mipui kan beidawng hman tawh a ni.

Education lamah tepawh Lumpsum Grant dawngtur engemaw zat leh Adhoc –a hlankai engemaw zat Sorkar hmasa in a nei a. A fel tawklo lai a awm tih chu keipawh hian ka hria in ka pawm khawp mai. Amaherawhchu, vawiinni tun darkar thleng thlenga hengho chungchanga Sorkar tharin decision engmah a siam theilo leh a kal leh dan tur pawh a la sawi theilo hi a rei lutuk tawh a, chuvangin tute hmachhawp pawh ni rawh se, a fello lai a awm a nih pawhin tihfel i tum ang. A thalo lai a awm anih pawhin tih that i tum ang. (**SPEAKER** : Le, kan han inthlak lawk ang aw).

Pu Deputy Speaker, ka bial hlui Sakawrdai example-ah ka sawi lawk ang a, nikum November thla khan, kum 2 zet tui connection an neih tawh hnuah an hlih sak leh vek mai a. Chhungkaw 20 atanga 30 vel an ni a, ‘connection lem a ni e’ an tihsak a, an pipe zawng zawng te an thlawn sak leh vek a ni. Vawiin thlengin an la tihsak leh lo. Khatiang te kha han ngaihtuah hian a project kha a thalo a ni tihna emaw, a policy kha kan pawmlo tih ai mahin tute emaw tih anih vangte, a beneficiary te hi chumi te party deuh chu an ni tih vangtea phuba lakna rilru pu chung a tih a ang lek lek a ni. A lo nilo anih pawhin chutianga ngaih theih tak chu a ni. Khatiang chi kha example atan ka sawi mai a ni.

Thil reng reng, hmalakna kal mek hi a theih chuan tihpuitlin tum zel ila, Sorkar lo kal zelte pawhin, a thalo kan tih chi ang hi chu chiangtakin vote thlak hmain puang mai ila, chutianga kan kal chu a tha ka ti a ni.

Tin, Sorkar a lo thar hian, Sorkar hmasa-a thil chianglo leh fiah theih loh tamtak pawh tihfiah leh tihchian anih beisei kan nei thei a ni. Example - Rev. Chanchinmawia tih thu ang te mipui tamtak ngaih a tha lova, tute emaw rinzawn theih tur tepawhin boruak a awm a. A hrechiang em em nia tlang ngaih ten thuneihna an chan tawh hnu hi chuan engemaw tal hi chu mipui hian hriat an chak a ni. Engmah a nih leh si loh chuan politics hi bawlhhlawh tak, inpuh tawna, serh leh sang awm miah lova insawichhiat tawna mai angah min ngaiin, politician reng reng hi puipun nikhua-ah pawh dawt sawi ching anga mi min hmuh hi kan kai tan tawhin ka hria, hei hi a hrehawm ka ti.

Hospital chhawngbo, a bo thu helaia tlangau pui tute kha vawiinah a enkawltu an ni ta a ni lawm ni ? A bo leh bo loh hi kei ngei pawh hian hriat ka va nghakhlel tawh ve! Suangpuilawn kidnap lem kan tih te kha he House-ah hian kan sawi a, a motor neitu, a motor no, a rutute hming nen lama hrechiang em em leh sawi nghal thei te kha vawiinah Sorkarna changtu an ni ta a, khatih laia a thubuai enkawltute ngei pawh nihna sang tak chelhin Sorkarah hian an awm tawh a, a lem nge a tak hriat kan va duh tawh ve.

Mobile Van kan lei thar kha a hlui a ni tiin a hlui a nihzia thu vantlang hma-ah chiang tawk takin a finfiahnate nen lam puan dup dup a ni a. A hlui anih ngei leh ngei loh tepawh chu tunah hian chian tawh a va tha ve mawle. Opposition kan nih laia ruling te kan chirhthehna ang chi a result mipui hriattir

ngai, ti thei dinhmuna kan din leh hunah kan chhang fiah leh thei chuang silo anih chuan miten politician te hi kan zavai hian hetiang tih ching anga min hmuh chuan ram hi khawiah mah kan hruai tha lovang. Nichin lawkah pawh Dinthar khua-a in awm zat ka zawt a, Minister in min chhang thei lo, in awm zat min hrilh chuan Job Card awm zat a sawi tawh si a, Card chuang awm zat a lang dawn a. Chuvangin, intentionally in min chhang duh lo anih kha. Kha khan rorelna dik a kengkawh thei ang em? Kei chuan ka ring lo. Khatiang chi khan kan kal leh dawn anih chuan kei chu a lungngaihthlak ka ti a. Chuvangin, engtik hunah pawh ro hi kan rel tha thei a, thil kan ti tha thei a ni. Miten politician te chungah confidence an neih theihna turin chinfel ngai leh finfiah ngai hi chingfel ila tih hi ka duh a ni. Hmachhawp tepawh hi a theih chin chin intihpuitlin sak ila tih hi ka duh a ni.

A tawp berah chuan, zir tur leh sim tur kan nei theuh a, keipawhin ka nei a. Pathian zarah ka sim ve mek ni pawhin ka hria a. Kan ram hruaitu, tuna mite, a hma amite, hma leh ami te kha Bible in 'roreltute chu Pathian ruat anni' a tih ang hian Pathian hriak thihah ka pawm a ni. Pathian hriak thih theuh kan ni a, hriak thih leh hriak thih kan inbeih dan te hi a lutuk mah mah lo maw? Tun term-ah erawh hi chuan kan House Leader in helam atanga kan thusawi te min ngaih pawimawh sak thin a, culture thar kan siam mek niin ka hria a, lawmawm ka ti a. Tupawh Sorkar sela, Sorkar sawisel ringawt lova tawiawm hi tha in ka hria a. Tunah pawh hian thangtharte hnena tradition tha rochun thei turin kan thiam ang angin hma kan la niin ka hria a, a lawmawm ka ti.

Chutih rual chuan a landan lehlamah chuan sulhnu in chhui tawn, thubuai insiam sak tawn, direct taka titu nih loh pawhin indirect in, tute emaw hmanga thubuai in siamsakna leh phuba in lak tawna politics anga ngaih theih in a kal tual tual mek a ni. Hetiang hi a nih zel chuan a leh pekah tute emaw lo Sorkar ve leh ta se, tuna roreltute hi dinhmun hlauhthawnawm takah an ding ve leh mai thei a ni. Politics hi chutianga phuba in lak tawna anga mipuiin an ngaih chuan mi pangngai leh mi tha chu politics field-ah hian an rawn lut duh dawn lo a ni. In chhui tawn leh inpuh tawna ruama kan lut mek hian kan ram politics hmai a ti bal ta hle mai.

Pu Speaker, hriak thih Lal Saula khan sipai 3000 lai hruaiin hriak thih ve bawk Davida kha thah tumin a um vak mai a, Sathar chenna lungpui hmun pukah Davida leh a hote tlemte an tawm ru a, chu pukah ngei chuan Saula chu inthian turin a lut a, Davida hote chuan Saula chu thahna hun remchang tak Pathianin a pe niin an ngai a. Mahse, Davida c huan hriakthih chungah kutthlak chu a remti hauh lo, a kawrfual hmawr chauh a hlehsak ta zawk anih kha. Chumi hnu chuan Saula chuan a um leh a, zanah a sipaiten an mut hual a, Davida leh a General chuan Saula muhil lai chu an that thei reng mai, a General chuan 'Leiah kan chhun bur tlat ang a, nawn leh a ngai lovang' a ti a. Davida erawh chuan a remti lo leh a, Saula fei leh tuithawl erawh chu a laksak ta a ni.

Chutianga chu hriak thih leh hriak thihte inkara Davida rilru put dan a ni a. Phuba chu Pathian lak atan a dah mai ani. Davida rilru ang hi i pu ve teh ang u. Ram rorelna hi Pathian kutah i dah ngam ang u. Sorkar loh kan hlauh

lutuk chuan hmanrua engpawh hman hreh lohna te a awm phah thin a ni. Chuvangin, keini chuan kan Sorkar hi tihnat kan tum ve lo che u a, in fei leh tuithawl erawh chu kan laksak ang che u, in Lal kawrfual hmawr pawh kan hlehsak ang che u, a bak chu in chungah engmah tih kan tum lovang, lo hlau suh u.

Kan ram hi Pathian kutah dah ngam ila, Sorkar lohte hi kan hlau lutuk chuan hmanraw tha lo kan hmang thin. Keini chuan dimtakin kan Sorkar pawhin kan ti ang a, kan tina dawn lo, engemaw lutuka kan ram Politic chhe zel tur leh inbeih tawna thubuai thleng insiamsak zel tumna boruak hi tihtawp tha in ka hria a. Hei hi kan Governor Speech-ah hian ka sawi ve duh dan zawng chu a ni, ka lawm e.

DEPUTY SPEAKER : Lt. Col. Z.S. Zuala.

Lt. Col. Z.S ZUALA : Pu Deputy Speaker, ka lawm e. Hei, Governor Speech hi a rei tulh tulh a, a chhah tulh tulh a, kan Sorkar zawhah pheih chuan volume chhiar ngai khawpin a la rawn tichhuak dawn emaw ka ti deuh a. A rei tulh tulh a, lawmthu sawina tur a tam tulh tulh a, hei hi ka notice ve dan a ni a.

Han sawi ve ka duh chu Fire & Emergency Service hi a rawn sawilang a, hetah hianin eight new free tender hi Fire Department hian an hmu dawn niin a lang a. Session hmasa tepawh khan Aizawl South Area lampangah khanin Fire Station awm se ti te in Home Minister zahawmtak tepawh kan lo request ve thin a. Sawnglam pangte pawh saw a rawn thleng pha tawh dawn tepawh a niin kan lo beisei a. Hetah hian lawmthu sawina tur neiin ka in hria a, keini Aizawl South tan bikin.

Tin, Home Department hnuaiyah Central Jail hianin tangte hi Education te an lo pe a, a lawmawm hle a. Kan Jail te hi Correction Institution angin kan Sorkar hian a kalpui a, hei hi a tha ka ti a.

Hei, Education-ah hianin Vocational Training, Jail atanga an lo chhuah a, an resettle na tur zawngte pawh khan an kalpui ngei nipawhin a rinawm a. hengte hi tihzual chhoh deuh deuh nise. Chupawh chu kan Sorkar tumdan pawh a niin ka hria a, a tha ka ti a. Jail tang chhuakin engemaw thiam thil an rawn hawn kha a lawmawm em em mai a. Kan lo hriat tawh angin mithenkhat te chu Jail atanga Doctorate Degree rawn zir chhuakte an awm tihte kan lo hria a. Kan Sorkar corrective measure la zawnga a kalte hi a lawmawm hle in ka hria a.

Tin, Backward Reason Grant Fund, Central Sorkarin an rawn pek tepawh hi, chhim lampang District pahnihah sawn an hmang tha hle niin ka hria a. Keiniho hian sawng lai vela hna thawhte pawh kan han dil ve thin a. Mahse, sawti lampanga backward region-a awmho tan te an reserve a, hengte hi kan

itsik miah lova. Hengte hi Mizorama kan development scheme a infrastructure kan siamna zel tur a ni dawn a, a lawmawm hle in ka hria.

Widening of Aizawl via Thenzawl to Lunglei kalkawng hi kan hmu hlawm a. World Bank Finance kawng hi tunhma Congress Ministry hmasa-a anlo ruahman kha niin ka hria a, ka sawi soal lo mai thei a. Hetiang vision nei hotu kan nei hi a lawmawm hle a. Hei, tunah hian a rah chu kan seng tan ta chu a ni mai a. Lunglei to Saiha leh chhim lam kaltlang zawng zawng sawlaih sawn an tlan phei vut vut tawh mai a. Tin, Mizoram pawh hi heng avangte pawh hian a te zo ta emaw tih tur khawp hian kan tlan chakin kan thleng rang tawh mai a. Hei hi a ropui a, a lawmawm ngawtin ka hria a.

Ka han sawitel duh chu hemi Highway Area Encroachment hi kan veng zo lo ang tih hi a hlauhawm khawp mai a. Tun atang hian authority hianin hemi Highway Encroachment Safeguard hi chu an ti turah kan ngai a. Hei hi nakinah kan lo develop chho zel ang a, nasa takin encroachment a lo awm dawn a, hetah hian hmalak a tha hle in ka hria.

Tin, Hospital lampanga Tele consultation with this District Headquarter Hospital tih hi. Hei hi a tha hle in ka hria a, damlo serious interior ami zawk kha hetilaia a thiam zawk kha an han rawn theihna mai tur scheme te hi a lo awm reng a. Hmanni lawkah an lo hawng thar tih kan han hriat hian a lawmawm a, Hospital tha zawka kalna neilo tan hei hi thil ropui a ni a, a lawmawm hle in ka hria.

Tin, NCC Air Wing atan hian hma an lo la nasa hle mai a, kan hriat angin Mizote chu Military-a lower level –ah hian kan lut teuh mai a, mahse a Officer level-ah hian kan lut tlem em em mai a. Chutah pawh chuan Army hrang hrang, Army, Air Force, Navy Army-ah hi chuan officer pawh kan nei nual a. Mahse, Navy-ah hian Executive Branch-ah phei chuan Mizo pakhatmah hi Officer kan la neilo. Air Force-ah hian kan nei a, a Pilot takte phei chu pahnih bak kan la neilova, Civil lampangah hi chuan kan nei nual a. Hemi, Air Wing kan neih tur ka hmuh hian Air Force lamah leh Civil Aviation lamah tepawh hian kan thalai ten nasatakin hma an sawn a, thlawhtheihna khalhtu tam zawk kan lo nei thei dawn niin a lang a. Hei hi a ropui hle in ka hria.

Tin, Forests hi kan hriat angin tun kumah khanin Forests kan avanga mitthite kan lo nei a, 7 emaw. Hei hi a pawh hle mai a. Hemi atan hian a Department pawhin hma an la tha a. NGO tepawhin hma an la a, V.C ten hma an la a. Hetiang kan ni chung pawha India rama Forests Area-a a sang ber kan ni hi India ram hmundanga Forests Area tlem tur dan han ngaihtuah khan Mizoram hi k an tan a ngai hle in ka hria. Ecology-ah Mizoram hian kan neighbouring State te hi kan chawm a ngai a ni, boruak tha in kan chawm a ngai. Chuvangin, hetah hian hmalak nasat leh zual a ngai a. Hei, Territorial Army, Ecological Force an tih ang chi chin chhoh zel te pawh hi kan la tum turah ngai ila.

Tin, pakhat lehah chuan ‘Mizoram Survey Training Institute at Hualngohmun’ tihte hi Hualngohmun hi kan khaw hlui a ni a, Hualngohmun tih ka’n hmu chu ka phu zawk mai a. Hetiangte hi kan nei tur hi a lawmawm in ka hria.

Tin, Sainik School kan nei tur hi a lawmawm ka ti a. Sainik School kan neih turah hian kan Opposition MLA te, first timer ho Orientation Course kan zuk tihte khan kan Speaker, Deputy Speaker leh kan Minister of State leh MLA hote khan DoNER Minister kha kan va hmu a, kan sawi a, a tu pawh hian min support a ni hian ka hria a. Chuvangin, kan Opposition MLA first timer ho chungah pawh hian lawmthu han sawi ka duh a. Hei, kan zuk biak pawh khanin DoNER Minister pawh kha kan zuk gherao/hual hi a ni ringawt mai a, kan sawi mial mial mai a, ani pawh khan hei chu in Chief Minister in a ngai pawimawh em a, kan ti ang tia min lo confirmed sak te kha kan lawm em em a. Hei hi kan Sorkar hian min tihputlin sak dawn niin kan hria a, hengah te hian lawmthu sawi kan ba a.

Tin, Motion of Thanks kha ka han support a ni e, ka lawm e.

DEPUTY SPEAKER : Pu B. Lalthlengliana.

PUB. LALTHLENGLIANA : Pu Deputy Speaker, ka lawm e. Vawiina kan Governor thusawi kan sawihona turah hian lawmthu kan chhiarchhuak zawi zawi a, a lehlam zawnga thu han sawi turin a para tin mai hi MNF Ministry in a bul a lo tan tawhte leh a sulhnu Congress in a rawn chhonzawm te a ni deuh vek mai a, lawmthu han sawi ve na chi niin ka hria a. Aizawl West I bialtu MLA zahawmtak khan Sorkar hmasa te thiltih chhonzawm chungchang a rawn sawi kha kawng thenkhatah chuan chhonzawm loh tamtak awm mahse, Governor thusawiah hi chuan para tin mai hi kan sulhnu, thil lo tih tawh te chhonzawmna a nih avangin a lawmawm ka ti a. Amaherawhchu, Governor pawhin an sawi tak tak dawn hi chuan he Congress Sorkar kumkhat leh a chanve dawn alo nih chhohna, a hmalakna han sawi viau dawn hian ani pawh hi a kha a chih deuh niin ka hria a.

A thuhmahruai para lina-ah khan ‘even though it is difficult to access the progress made by a government elected for five years’ tiin Governor pawh hian a han sawi a. He Sorkar hmalakna, a progress han sawi tui viau dawn chuan harsa a ti ve deuh niin a lang a. Hei hian he Sorkar hnathawh hi a tilang chiang thawkhat viauin ka hria a. He Sorkar a din hnu-a hmalakna liau liau-ah chuan chuti taka lawmthu han sawi tur hi awm hranpa in ka hre lova. Chumi vangte chu a niang chu, Governor pawhin he thu tawite a rawn telhna chhan hi.

Tin, pheh khatna, para khatna-ah khan NLUP pawisa chungchang hi a buai rei angreng hle in ka hria a, keima hriat dan anih vang nge ka hre lova. Tuna Governor thusawiah hian cheng vaibelchhe 2527.20 hi Planning Commission-ah

final stage –ah a awm mek a ni tih rawn sawilan a ni a. Hei hi a bengvar thlak hle in ka hria. Ka'n sawi chhan chu, ni 23 January, 2010 a kan House Leader zahawmtakin Sports Academy Kolasib-a thu a sawina-ah khan cheng vaibelchhe 2416 Union Cabinet in kum nga chhung atana pawm tawh anga a sawi kha niin ka hria a. Chanchinbu-a kan lo hmuh dan in. Chumi hnu lawkah chuan Delhi-a Chief Minister Conference-a a zu kal khan Union Cabinet pawm turin ka thehltut a, ka nawr tih kha Chanchinbu-ah a lo lang leh a. Khangte kha a nih chhoh deuh nuaih avangin a figure a inmil bawk silova. Tuna Governor in a sawi figure hi kan pawm turah kan ngai a. 2416 nilovin 2527.20 hi a dik turah kan ngai a.

Amaherawhchu,he NLUP supervise tura GAD leh Planning Department tel ve ho hian NLUP kalchhoh puina turah hian ngaihtuahna a ti thui deuh in ka hria a. Engatinge GAD leh Planning hi a supervision –ah khan an tel ve loh tih lai kha hriat a chakawm hle in ka hria a. Ka'n sawitel leh duh chu, current year-ah khan cheng vaibelchhe 100, NLUP atan hman tura dah kha a ni a. Hei, kum a lo tawp dawn a, tun hi kan thleng chho tawh a ni a, kha cheng vaibelchhe 100 kha eng atana hman tur nge a nih? Revalidate in a tih theih nge ni? Ti khan a lapse mai dawn nge? engatana hman nge a nih? tih te ka'n hre mai mai duh a.

Tin, chulolehah chuan, kan Chief Minister zahawmtak case fel, Bhavan-a lawm ni 1 March, 2010-ah khan kan Chief Minister zahawmtak khan a thusawina-ah NLUP hi Party dang kan pe ve lo ang tih chanchinbu miten a thusawi an rawn ziak kha kan lo hmu a. He NLUP hi a tir atanga duan anih danah khan Mizoram puma mi zawng zawng huapa zawrh kha a ni a. Chumi avang chuan party dang atangin mi tamtakin mahni candidate pawh vote lovin Congress candidate te an vote tling che u a ni tih kha chu phat rual a ni lova. Tunah hian hetiang a lo nih leh takah hian in tlin puina NLUP hi in tlakpui leh ngei dawn niin a lang a. Hotupa berin a sawi a nih chuan in kalna tur pawh a ni ngeiin a rinawm a.

Hei hian Mizoram mipuite a barakhaih hle a ni. A hnathawh dan erawh chu a negative nge positive kan la en turah ngai ila. NLUP hi khatianga cheng hnih pe a, cheng nuai khat Sorkar naktuka pe tura insawia zawrh a nih avang khan, Mizoram mipui hian nasa takin an nghakhlel a, dingdihlipin an thlir mek ani a. Amaherawhchu, chutihlai chuan hei kum khat a liam tawh a, cheng vaibelchhe za dah pawh hman lohvin a liam a, tunah Planning Commission-ah final stage-ah a awm leh mek chauh anih chuan kumin kumthar lo awm turah pawh hian a tak ram min thlenpui thei lo ang tih hi a hlauhawm hle in ka hria a, hei hi chu policy pui ber a nih avangin chakzawka kaltheih nisela a lawmawm hle in ka ring a.

Tin, ka'n sawi leh duh chu, pheh hnihna-ah khan, hei tunah hian kang a tam em em mai a, chumi avang chuan mihring pawh tunah hian 7 nge 8 kanghlum an awm tawh a. Hengho hi Sorkar hian zangnadawmna a pe thei dawn em? Pe ngei se tih hi vawiinah hian ka'n sawi duh a ni. Tin, tamtak chu an eizawmna tepawh mumal ta lo te pawh an awm a ni a. Hei hi Sorkarin a ranglama enzui pui ni thei sela a tha in ka hria.

Tin, 'Housing for the poor' tih para sawmpalina ami hi tunah sawn Lawipui a mi, stay order nge verbal stay order nge pek niin hnathawh chhonzawm loh a ni a, Aizawl khawpui chhunga mirethei beneficiaries tepawh an trade thlan, ar leh vawk thlang an tam avangin mi inluah te an nih avangin an tan thil tih a harsa dawn a. Chuvangin, heng in te hi sak a, an luah hnua an trade duhzawng an thlante ti thei tura sawi thin kha niin a lang a. Tuna an awmna tur sak sa pawh chhonzawm loh a ni hian khang zawng zawng kha a ti khawtlai ve dawn niin a lang a.

Tin, para 21-na Serlui 'B' tuikhuah Congress Sorkarin a lo hluihlawn tawh, MNF Sorkarin a'n bawhzui a, a puitling dawn ta hi a lawmawm hle in ka hria a. Hei hi MNF Sorkarin a tih hmabak, Forests Clearance pakhat lak tawh a ni a, pakhat la lak loh zawka kha lak fel a, hawn mai theih tura sawi a ni a. Hengte hi Congress Sorkar hian positive zawngin hma a la ang tih ka ring a, chu chu ka duh thu ka'n sawi baw k a.

Tin, commission hrang hrang a awm dawn a, Youth Commission te, Law Commission te heng te hi din a nih tawh chuan a tak taka thawk thei tur hian thuam nise a tha in ka hria a. Law Commission tepawh an hnathawh tur an terms of reference te han en in a tha hle a ni tih kan hmu a. Amaherawhchu, tunah hian hnathawh hleitheh lovin an awm a ni tih te kan hria a. Tin, Youth Commission tepawh a ni tho a. Hengte hi tun aia nasa zawk hian hmalak ni thei sela a tha in ka ring a.

Tin, Pu Deputy Speaker, tlem te, Aizawl Civil Hospital-a Gas pipeline vuah fel vek tawh, ward tina tihfel vek tawh saw, a rang thei ang bera tihpuitlin ni thei sela a tha dawn mang e aw ka ti a. A chhan chu, tunah hian ICU –ah chauh hman theiha tih a ni a. A gas hmanna tur leh a power hmanna tur Power & Electricity lamin an tihfel sak tawh niin kan lo hria a. Chumite anih pheh chuan hemi hi a taka function thei turin kan Minister zahawmtak hian hma han la leh nghal sela, kan Governor thusawi pawh hi lawmthu sawi tur a tam lehzual turah ka ngai a. Sawitur tamtak a awm a, ka sawi senglo nisela, kha kha ka sawi theih ni rawh se, ka lawm e.

DEPUTY SPEAKER : Khi minute sarh a la awm a, chawlh lawkna turin, pakhat chuan sawi hman turah ngai ila, a tul leh tlem kan in pek belh mai ang a. Amaherawhchu, hun kha kan inpek belh zel chuan keimahni leh keimahni kan in dip zel a ni tih kha hriat a tha ang, Pu T. T. Zothansanga.

PU T. T. ZOTHANSANGA : Pu Deputy Speaker, ka lawme. Hei, vawiinah han thil tamtak ka rilruah a lo lut a, tunhma kum 2/3 kalta-a Zoram mipui beidawng taka kan awm lai nite kha ka rilru in a thlir let a, kal ngaihna kan hre lova, kan beiseina a bo a, mihring hi kan beiseina a bo tawh chuan kan mumal lo tawh mai thin.

Tunah beiseina thar kan Sorkarin min siamsak hi lawmawm ka ti khawp mai. A dik tak chuan khatih hunlai khan keipawh ka bei a dawng rum rum a, mahse kan beidawng thiang silo ani. Kohhran ho angin kan tawngtai thin a, Zoram hi kawng dikah kan kal thei tawh dawn lovah in ngaiin a chhe zawngin rilru a kal chang phei kha chuan bei hi a dawng em em thin a nih kha.

Engpawh lo Sorkar ila, Mizoramah hian miretheite hi kan tam ber. Tunah hian kan Sorkar, a biktakin Congress Party – ah mirethei ngaihsak tak tak party a ka lo awm hi vannei ka inti hle m ai. Kan Sorkarin manifesto-ah mirethei tak tak chawikanna rilru kan nei hi ka lawm a ni. India ram level-ah pawh han ti ila, Pu Manmohan Singh an mirethei an tam lutuk a, churang chuan India ram thingtlang mite kan lo chawikan theihna turin tiin programme hrang hrang 15 a ruahman a. Khatiang bawhzui khan kan Sorkar pawhin hma a la a. Mirethei leh hausa inkar hi zau tawh mahsela, ti chip leh tur ang zawngin kan Sorkarin ke a pen nia ka hriat avang hian lawmawm ka ti khawp mai.

Tunah hian Zoram mipui tamtak hi kan rahbi hi a tleu tawh a, kalngaihna kan hre tawh lova. Chumite tan chuan tunah hian kan Sorkarin flagship programme atan mirethei te chawikanna ruahmanna a rawn nei mek a ni. Tunah kan opposition leh mitam tak te hian kan NLUP hi in chhiat phah dawn e te an han ti thin a. Ka rilru—a thil pakhat lo awm Arno Newman a'n a sawi ka hre reng thin a, Christmas chungchangah, a ni tak (Dec. 25) hi an inhnial an inhnial thin a. Arno Newman chuanin “It is not the day that matters, but the idea association with it” a ti a ni.

Tuna NLUP kan tih chungchangah pawh hianin kan sem hun ni leh thla aimahin miretheite chawikan kan duhna rilru tak tak kha a pawimawhin ka hria a. A idea tak tak, lei rualrem rap thei tawhlo ten an lo rah theihna tura kan Sorkarin hmahlirna zautak a nei hi kei chuan pawimawh ka ti a ni.

Churang chuan, an sem har em mai tia inspector mit niawmtaka lo thlir a, a chhe lai hmuh tum niawm taka lo hmanhmawh lutuk kha chu a chi dawn em ni ? Ram hmangaih theuh kan ni si a tih kha ka rilruah hian a awm a ni.

Tin, hei vanneithlak ka ti a, Rural Poor leh Urban Poor tuna kan Sorkar hian rahbi an tuk sak deuh mawlh mawlh a. 2009-2010 chhung khan IAY kan tih hman hian in 1895 sak leh 1112 an thawm tha te, chumai bakah Basic Services to urban poor kan han ti a. Tuna Aizawl khawpui chhunga in 408 kan han sak mai bakah 688 kan han tan leh mai tur te hi a ropui ka ti khawp mai. Tunah hian damchhunga mi inhnuai luah tura inngai mitam tak hi kan awm a ni. Khang miten ‘Hei hi ka ta a ni’ tia kan ram chung ngeia zalen taka an awm ve theihna tura kan Sorkarin rahbi an tuk te hi lawmawm ka ti khawp mai a.

Tin, chumai bakah Aizawl nilo, thingtlang hmundangah Lunglei leh Champhai District Headquarter dangah pawh hian khawpui ang ve si, rethei tamtak hi kan awm ve a. Chumite tana kan Sorkarin in 1950 zet mai tuna an han sa chho tur pawh hi ropui ka ti a. Chumai bakah in leh lo nei ve lo “Mizoram hi kan ram ani” tia kan hnam hla sa ve tu ten in leh lo an neih miah lohna

ramah House Site Plan thatak tak kan Revenue in min buaipui te hi lawmawm ka ti khawp mai. “Hei hi ka ta, ka chenna, ka lu nghahna a ni” tih ang zawnga an han put ve theihna tura Sorkar hmalakna hi ropui ka ti.

Tin, chumai bakah Power Sector lamah pawh hian kan hria a. Vawiinah hian kan MPC unaute pawh hi nguntak chuan han inngaihtuah sela, Congress lamah hian an rawn pem duh awm mang e aw, ka ti a. Kan hmalakna hi a tha a, helaiah pawh hian a lawmawm ka ti a, ka’n sawitel hram duh a ni.

Tin, lawmawm ka tih deuh mai pakhat chu Hospital thuamthat a ni ta hi a ni. Tunhma deuh te kha chuan Hospital-ah kan han kal a, han in checkup te a ngai thin a, vai ramah tepawh ka awm thin a, khungah tepawh a ni. Khawl tha deuh hlek hmanga inentir te a lo ngai a, khawl tha bikte kan mamawh a, tul bikah Doctor ten Private Clinic-ah min han refer a, to tak takin kan han inentir thin a. Khatiang ngai lo tur ang zawng khan kan Sorkar pawh hian hma a la chho dawn niin kan hria a. Beiseina sang tak nen Civil Hospital-ah kan han kal a, Private-a khawl kan pan leh thin si han ngaihtuah te hian rilru a hnual rawih zel mai a. Kan sum kein a daih thin si lova, khatiang hrereng chungin kan Sorkarin kan Hospital te thuamthatna tur ang zawnga ke a’n pen hi lawmawm ka ti baw k a.

Tin, Education lamah Infrastructure Development a Colleges an rawn tih a, Saiha, Lunglei, Serchhip, Zirtiri Residential Science College, hetiang atan hian sum engemawzat kha kan pawt chhuak mek baw k a. Helaia rawn sawitel chiah loh, Champhai tan pawh hmanni-ah retention-ah NLCPR ah khan min rawn tih tel sak baw k a, lawmawm ka ti a ni.

College ngaihsak hi a ropui/tha ka ti a, Mizoram hian hmundang kan pan nasatna, Zoram sum tamtak luan chhuahna a ni a. Indopui hmasa khan kan hria ang a, Wellingtona leh Nepoleana kha an han indo an han indo a, hmun hrang hrangah thiam hrang hrang in an han inbei thin a, a tawpah Wellingtona kha a chak ta a. Tah chuan, Nepoleana kha an han zawt a, “Wellingtona chu i hneh ngang lo a ni maw ? I chak ta lo a ni maw ?” an ti a. Nepoleana chuan “Wellingtona hi ka hneh lo ngai reng reng lo..... **(DEPUTY SPEAKER :** Ngawi lawk rawh aw, nichina ka sawi ang khan dar khat a ni a, ani hi i sawi zawh tir lawk ang aw) England-a Eton College khu ka hneh loh vang ani” a ti a. Kan ram hian hma a sawn a, kan chak tak tak dawn anih chuan College development lam hi kan ngaih pawimawh a tul a, chumi kawng hawi zawnga tuna kan Governorin Speech a rawn nei pawh hi lawmawm ka ti baw k a ni.

Tin, chumai bakah Champhai, Kolasib, Lawngtlai leh Mamit atan chuan lawmawm tak mai, Polytechnic kan nei leh nghal dawn a ni. Zoram hi a main stream/art stream-ah hian kan kal deuh ruih ruih a, hna hmulo sang tamtak kan awm tawh a, chutih laiin Polytechnic-ah hian kan ke a la bai tlat mai a. Chumi atan thingtlang miten Aizawl pan ngai lova ruahmanna awm hi lawmawm ka ti em em a ni.

Keini vawiina helaia mite hi han in en ila, kum 20/30 dam tawh lo tur tamtak kan awm a. He ramah hian kan piang a, he ramah hian kan seilian a, he ram lo hi ramdang kan nei tawh dawn lo a ni. He ram hi kan tu leh kan fate rochun tur a ni a, kan tu leh kan fate naktuk atan kan vawiinni hi keini hian kan hlan a ngai dawn a ni. Chumi hrerenga kan Governor in kan ram leh hnam hmakhua thlira ruahmanna tha tak tak a rawn chhawp chhuak hi lawmawm ka ti a, ka thlawp a ni, ka lawm e.

DEPUTY SPEAKER : Awle, tunah chuan kan chawl tawh ang a, kan chawhma session chu. Chawhnu lam dar 2:00 ah kan tan leh dawn nia.

2:00 PM

SPEAKER : Governor thusawia lawmthu sawina Motion kan sawiho zel ang a, mi parukin kan sawi tawh a, minute 10 kha a rei thei ang bera kan inpek a nih kha hrereng tlang ila, tunah tunge sawi dawn le, Pu C. Ramhluna.

PU C. RAMHLUNA : Pu Speaker, ka lawm e. Hei, Governor Speech-a Motion of Thanks chungchanga thil han sawi ve ka duh chu hei hi a ni a. A hmasa bera ka sawi duh chu Speech tha deuh mai a rawn inbuatsaih a, a sei viau a, chhiar pawh a nuam a, a lawmawm hle in ka hria. Mahse, han chhiar hian Sorkar hmasa lampang thil lo tan tamtak chhunzawmna a awmin ka hria a, a lawmawm ka ti a. Nichina ka hma-a sawituten an sawi ang khan thil tha inchhunzawm sak chin hi a lawmawm hrim hrimin ka hria a. Chuvang chuan, kan Sorkar chungah pawh lawmthu ka sawi a ni. A bik takin Agriculture Department-ah Red Oil Palm an lo introduced a, chungte pawh chu tunah an ti chho zel a, Sericulture lampangah tepawh nasa takin hma an la a. Chungte pawh chu tunah hian chhunzawm chhoh zel an ni te hi a lawmawm hle in ka hria a.

Centrally Sponsored Scheme hi chu tunhma atanga kalchho zel an ni a, IAY, IWDP kan tih te, BADP te, BRGF tepawh Sorkar hmasa lampang atanga lo tih chhoh kha a ni a, chutih lai chuan Aizawl to Thenzawl to Lunglei road pawh tunah hian nasa taka hmalak a ni a. Tunah chuan Lunglei pawh a hnai hle tawh a, hmanna ka lo haw chu Darkar 4 maiah Lunglei atangin Aizawl ka rawn thleng thei a, a lawmawm hle in ka hria a. Hengte pawh Sorkar hmasa lampang atanga tan kha a ni a, tunah chhunzawm chhoh zel a ni a, a lawmawm hle in ka hria a.

Tin, chubakah chuan Multi Modal Project tepawh tunah hian thawh theihin a lo awm chho ta dawn niin ka hria a. Chhim lampang tan pheii chuan a lawmawm zualin ka hria a. Sawlam pang saw nakinah chuan Mizoram kawtchhuahah kan la siam thei mai awm mang e tih pawh ka rilruah a awm a ni. Chutih lai chuan thil pahnih sawi chhuah duh ka nei a, Cheraw kan lampangah Guinness Book of World Record-ah kan han lang a, a lawmawm hle in ka hria a.

A changtu Minister pawh hi vawiinah hian ka lawmpui duh nghe nghe a. Khawvel record kan han siam hi a hlu a, a ropui ka ti khawp mai. Chutihlai erawh chuan kan senso a sang viau in, Mau tepawh Department khan an lei a, an hralh leh tihte kan hria a. An hralh leh tak sale proceed te kha khawiah nge a awm tak ang tih chu lo enzui – ah a tha awm mang e tih ka ngaihtuah a.

Page 10-na para 31-ah khan India rama ‘Ber’ kan kaina a lo lang a, chu chu Forests cover-ah khan 91.27% kha Mizoram Forests cover kan lo nei ta a. Hei hi India rama ber kan kaina a ni ta a ni. Hengte hi tunhma atanga Green Aizawl, kan House Leader in a rawn tan, Green Mizoram lo ni ta, vawiin thlenga kan tih chhoh zel leh Mizoram Fire Protection Committee hmalakna te leh VFDC hrang hrang ten theihtawp chhuaha Forests siamna rama hma an lo lak chhohna avanga hetiang hi thleng thei kan ni a. India rama a ber kan kaina anih avang hian a lawmawm ve hrim hrim in ka hria a. House-a sawichhuah a ni hi ka lawm khawp mai. Department of Environment & Forests hmalakna atanga hetiang te hi lo awm chho a ni a. A Department pawh vawiinah hian ka congratulate duh a ni.

Tin, Department pahnih sawichhuah loh awmin ka hria a, Governor Speech-ah khan. Pakhat chu Minor Irrigation a ni a, a dang leh chu Labour & Employment a ni a. He Department pahnih hi a lang lo in ka hria a. Engtia sawichhuah loh nge ni ang aw tih ka ngaihtuah a. Tih an nei ve lo nge, enge a chhan ka hre lova. Minor Irrigation te pheih chu a pawimawh hle a, hengte hian leilet engzatah nge tupek an pek tir theih tihte hriat a chakawm a. Tin, an hmalak zelna tur tepawh hriat a chakawm a. Sawichhuah loh a ni hi pawika ti a. Ka lo hmulo te a nih chuan min lo ngaihtiam sela.

Tin, Labour and Employment chungchangah pawh hian kan Labour Employment Status tepawh hi hriat a chakawm hle a. churang chuan hengte hriatloh a ni hi pawika ti a. Hei hi min hrilhfiyah thei anih chuan a lawmawm hle ang.

Tin, Pu Speaker, para 2 of page 1-ah khan Sorkar dinhmun a sawi a “Development oriented clean efficient and responsive administration” tih a ni a. Chumi hnuaiah chuan para 3 of page 1-ah bawk khan ‘Highest priority’ chu ‘to ensure social and economic justice to the poor’ tih kha a tel a. A thuah chuan a lawmawm hle a, mahse a tak tak ram hi kan thleng zo meuh em aw tun dinhmunah hian tih erawh hi chu ngaihtuah ngai hle in ka hria.

Kan Governor hian a sawi tak tak em tih hi ka rilruah ngaihtuahna a lut tam hle a. Thla 15 kan kal tawh a, kum 5 chhunga kan thiltih a tak takin lang rih lo mahse, kan goals leh objectives atangte hian min lo teh se tih kha a han sawichhuah a ni a. Mahse, 25% time kha an hmang tawh a, achievement-ah hian 25% hi chu a lang ve tawh turah ka ngai a. Tunah hian sawi ta ang ila, miretheite tan hian he Sorkarah hianin inngahfakna tur leh lawman tur a tlem hle niin ka hria a. Buhfai hi chu thingtlangah pawh engemawzat zawng an nei a, nimahse a quality thalo tak tak buhfai, hmannah ka bialah te pawh a awm tam mai a, khangte kha min hriatpui atan tha in ka hria a.

BPL family in 35 kgs. an hmuh theih lai si khan retailer ho khan 35 kgs. man la in 26/27 kgs. te an pe thin e an ti a. Hengte hi an han complain pawh khan awmzia a nei tehchiam lo. Chungte pawh chu min lo hriatpui atan tha in ka hria a.

Tin, Session hmalamah pawh kan lo hre fo tawh thin a, chhipa buhfai phurte hi an phurh man pek theih a ni lawm ni ? tia kan zawh thin ka waviin thleng hian pek a la ni lo char char te hi 'Mirethei VIP an ni e' tia Sorkar din tan chuan enchian a tul hle in ka hria a.

Tui harsatna a la pangngai reng mai a, thingtlang khaw thenkhatah chuan an buai takzet zet a. Chutih lai chuan tunhma Ministry hmasa in hma an lo lakna, khaw 3/4 velah chuan, ka bial chhungah pawh connection thar an lo siam mek a, lawmthu ka sawitel nghal a nih chu.

Tin, chubakah chuan leilet siamtute hian ka bial chhungah chuan waviin thlengin tanpuina awm leh awmlah hi an la hre lo reng reng a. Mahni hian an bei ve char char mai a ni. Hengte pawh hi Department concerned chuan minrawn enpui atan a tha hle in ka hria a.

Tin, Pu Speaker, BRGF chungchang thu sawi lawk ka duh a, hemi hi helaiah hian a scheme bik a awm avang hianin kan sawilo theilo thin a. In lo ngaihthiam atan pawh a tha in ka hria a. BRGF hi 2009-2010 ami tur hi October ni 6, 2009 khan Govt. of India ten an release tawh kha a ni a. Nimahsela, waviin thleng hian hman theih kha a la nita lo reng reng mai a. Chutihlai chuan LADC hruaitu ten '70% hi kan kutah min hlan ulangin, inthlan kum te a ni si a, kan lo hmang ang e' an ti a, khangte kha pek tumna a awm niawma sawina a awm a. Hmanni Lawngtlai-a ka han kal chuan an lo sawi nasa mai a. 'Chief Minister in a sawi a lawm' an ti a. "A va mak awm ve" ka ti a. Chu chu hotute ka'nrawn mai mai a, an lu a hai hle a (**SPEAKER** :Tihtawp tum tawh rawh aw, hun a kal tam ta deuh e) Chuvangin, hei hi min hriatpui atan a tha in ka hria a. Anih Pu Speaker, minute sawm a kal tawh emaw ni le ? Engpawhnise, khang hote kha ka sawitheih tawk chu a ni dawn tihna a ni a, sawitur ka ngah viau na a, minute sawm chu a lo tawi hle dawn a ni.

SPEAKER : Tunge sawi leh dawn le ? In awm tawh lo em ni ? Pu Lalthansanga.

PU LALTHANSANGA : Pu Speaker, ka lehlama mite hi an sawi duhlo hle in a lang a. Thil tha kan insawi siak leh dawn ni tepawh hian a lang a. Hei, kan Governor Speech hi ka'n en deuh thuk thuk pawh hianin sawisel tur hi a tam lo hle in a lang a, a lawmawm lampang a ni tlangpui mai a. Mahsela duhthawhna lai khawilai laiah emaw hi chuanin a awm deuh nual a. A point pakhatna-ah tepawh hian hei New Land Use Policy – ah te hian peihfel tep tawh, crore sanghnih zanga sawmhnih pasarih han tih te hi a ropui hle mai a. Hemi chungchangah te hian House-a kan sawi leh pawnlama kan sawi te a inan loh

hianin duhthawhna min pe nasa a. House-ah zawhna-ah tepawh kan han zawhin NLUP te hi chu a dawng tur leh a hmu tur awmin an hmu vek ang tih te a ni a. Mahse, lehlamah chuanin Congress Party hi mirethei an ni ta emaw tih mai tura han sawina a awm leh ta hi hei hianin duhthawhna min pe lian a.

Tin, Action Plan te hi hmuh a chakawm hle mai a, engtinngge niang tih lai tepawh hi. Heta tang hian kan ram dinhmun tur, awmdan tur a lang dawnin a hriat a. Mizoram hi kuthnathawka eizawng kan ni tlangpui a. A bikin, Agriculture lamah pawh hian han en ila, a lang tam lova. NLUP in a cover dawn avang emawni aw ka ti a. A bikin, kan bial lamah khan tun khawkheng khan leilet siam thei lote an tam hle mai a. Chumi chungchangah zawhnate pawh kan zawt a, kan Agriculture Minister hianin chhungkaw 1900 leh a chuang vel tepawh Central atangin Central Assistance awm thei turte min dilpui niin ka hria a. Mahse, tun thlengin engmah chanchin kan la hre lova. Kum khatna chu a'n ral leh dawn ta a ni a. Chutiang angte han dawmkanna tur ang chi M.I angah pawh hian hmalakna hi hectare 20 vel chinah lo chuan kan ti lovang tihte hi a awm a. Mahse, kan ram dinhmun han en hian khawilai emaw zawl te te anga eizawngte hi an tam a. Tuna policy an neih ang tepawh hi engtin emaw han modify deuh a M.I tepawh hi khangahte khan han dah tam zual deuh tepawh kha ni sela tih, hemi Agriculture Sector lai bikah tepawh hian, a bikin WRC - ah te hian ka'n ti duh a.

Tin, Fisheries lamah tepawh hian han ti ila NFDB atang hian hei kan han hmu tak na a, Sangha chi kan hmuh zat te pawh helai House-ah tepawh kan han sawi thin a, hei kan hmu nual a. A region wise deuh ten dah a ni em? Keimahni area lampangah khi chuan a beneficiary te han kawm a, han zawh chian chuan Sangha tepawh hi Common Carb ang te hi a thang duh e tih a ni deuh a. Major Carb ang te hi chu a thang hleithei lo an ti a. Chuvang chuan, Sangha chi han semah tepawh hian khatiang ang chi lampang tepawh kha rilru-ah hetia Governor thusawi atanga NFDB atanga an sum hmuh te han hmuh atang hian ka duhthawhna-ah ka'n belh duh deuh hlek a.

Tin, Electric-ah hian kan harsa em em mai a, kan bialah tepawh thawkkhat lai phei kha chuan eng kan hmu thalo lutuk kha kan buai lek lek a ni a. Chutiangah te pawh chuan Sub-Station te kha kan han dil ani a. Chutihlai karah chuan Maicham Phase-II te kan han hawng a ni a. A hawn lai khan tui kha an lo khawl teuh a, mahse reilo deuhah khan a englo leh ta nghal mai a. Thawk reng thei, tui tepawh awm reng thei anihna tur atan Hlawnkawng hmuna khuah a, a mamawh tawh ang tui supply tur tepawh survey a ni a. Heta tanga a landan maiah chuan a tha em em mai a. Mahsela, mega watt 3 hi a pe chhuak lo reng reng, tun angah phei chuan a khawl khawh vir tur pawh khi tui kan neilo a ni a, nikhat current a awm loh hian. Survey hi kan nei em? Engzah nge pawisa hi kan lost tawh tih hi wawiinah chuan chhut tham fe a awm tawhin ka ring a. Hetiang te hi change kan uar bawh a, kan flagship programme NLUP tepawh kan thlak a, hetiang deuh hlek hian wawiinah chuan thang leh tharte tana kan mamawh tur leh kan thangthar tena khawvel ram changkangte hmasawna an umphak na tur atan hian kawlphehth lampangah hian nasa zawka kan rilru kan dah hi a tha hle in ka ring deuh a.

Hei, Kolodyne te chu kan han ti dawn a, Tuivai tepawh, chumi rual chuan Inland Water Way-ah hian Rs. 5 crore vel a awm a. Tunah hian 5.5 crore emaw vel pek kan han ni ta a, hetilalah hian Deneshwari Project (Bairabi Project) kan tih hi a theihna lai kan ngaihtuah hi a tha hle in ka hria a. Heti lai House lovah tepawh hian he Resolution hi hnialtu awmlo khanin Dr. J.V Hluna khanin a lo pu lut tawh a. Chutianga pass chiangtak kha a lo ni ve tawh a. A theih lohna lai kan sawi nasat hle rual hian tunah tepawh hian Inland Water Transport atan hian a pawimawh zia a lang a. Hei hi multipurpose a ni em em mai a. Chuvang chuan, chutiang anga a nihna anga hemi kan hman theihna tur atan te, vawinah rel kawng chungchangah tepawh kan han sawi thin a. "Rel tepawh hi a lo luh chuan assimilation-ah hian kan buai ang e" kan ti a. Chutiang chuan he assimilation kawng turah tepawh khuta tanga Inland Water Transport atana multipurpose anga tui kan lo nei tawh bawk, current a lo nih bawk a, khatiang a lo nih kha chuan tui te hi keini kan Party P.C anga kan lo din thin tepawh kha a ni a. Kan ngaihtuahna tepawh khati zawng deuh tepawh khan han lang leh sela tih tepawh hi rilruah a awm a.

Tin, Rural Development-a BDO te hnuaiyah hian current hi a hming anga Farm tepawh kan han nei lek lek, thingtlangah tepawh, engemaw an tangkai theihna tur, tui han lak theihna tur ang tepawh hi current chu nei se chu tianga thlai chi hrang hrang han chin theihna tur ang hi a tam mai a. Khatiang zawng deuh khan hman tam theih nise tih hi duhthawhna in ka belh duh a. Kan han ti na-a, khawchhungah pawh hianin L.T Line extention tepawh hi harsa kan ti deuh lek lek nite pawh hian ka hria a. Hetiang extention atan hian hetiang pawh hi hman tam deuh nise tih te hi ka sawi duh a.

Tin, Tui chungchang hi entirnan ka bialah te khuan han kal ta ula, ka bial a tih loh theih loh a. Changel-a chaw ei thla a ni tawh a, tui kan harsa em em mai a. Tunah hian water tank lampang chi kan han uar hian, kha kha khawp khamlo dawn hle in a hriat a. Chuvangin, NRWDP atang hian target hi 51% ang te hi a ni a. Chuvangin, fully cover ang tepawh hi han tih hian a sang angreng hle tawh a. Chuti chung chuan keini bial ang-ah te hi chuan tui hi kan problem lian em em mai a ni a, chu kan problem lian em em mai chu pumping system tea min han tih sak te ka duh a.

Tin, kawng chungchangah infrastructure of roads and bridges tih ahte hian kan lo seng hnem angreng viau mai a, Rs. 5887 lai mai kan hmang a, chuti chung chuan kan bialah khian kan pachhe em em mai a, heta tanga han en hian senna tepawh hi a lang vaklo emaw ni aw tih te a awl a. Chuvangin, duhthawhna-ah khatiangte kha ka'n sawi tel deuh hlek a.. Chuvangin, kan rorelna-ah hian phu leh hmu tlakte hi chu pek nisela, ka lawm e.

PU NIRUPAM CHAKMA : Pu Speaker, ka lawm e. Governor thusawiah hian point 47 lai a sawi a, Sorkar hmalakna chu a tlangpuiin a tarlang a, hmalam pan zelin Sorkar hi a kal chiang a ni tih kha ka sawi duh a.

Ka sawi duh hmasa ber chu Pu Speaker, Introductory paragraph-ah khan 'In my address on the 17th March, last year. I had promised that action will be taken soon to concretize the resolve of the new government to provide development oriented, clean, efficient and responsive administration to build a strong and prosperous Mizoram' tih a sawi a. "I am very happy to state today that my government is moving in that direction" hemi a ngaih danah khan Sorkar kaldan hi a chiang a ni. "Provide development oriented, clean, efficient and responsive administration" tia a sawi hi a lawmawm ka ti a. Tin, hemi thilah hian hei tun thlengin development oriented nilo, clean nilo, efficient nilo, responsive administration nilo zawngin sawi a awm lo hi lawmawm ka ti. Chuvangin, Pu Speaker, a sawi zelna-ah khan "Even though it is difficult to assess the progress made by a government elected for five years in a mere fifteen months, its direction can be fathomed in the light of its policies, goals, projects and objectives". Sorkar thawh danah hian kan Governor in chiangtaka a sawi chu Sorkar policy te, Sorkar goal siam tur te, project te, objective te chu chiangtaka tarlang chungin Sorkar hi a fak a ni tih kha ka sawi duh a ni.

"My Government" tih chuan amah Sorkar chu a ni a, mahse hetah credit tam zawk chu Chief Minister leh Council of Ministers te credit la tu ber a ni a. Chuvang chuan, I would like to congratulate our Hon'ble Chief Minister and all the Minister for their hard work during this 15 months to fulfill the manifesto. Manifesto pawh a sawilang a. My Government has already taken several initiatives to fulfill the promises made in the election manifesto. Hei hi Congress Election Manifesto a ni a, tuna Sorkar policy leh programme-ah hian manifesto piahlahmah kal lovin manifesto zulzuiin a kal a ni. Mizoram mipuiin hria se ka duh chu Cogress Sorkarin policy leh programe a kalpui dan hi manifesto zulzuiin a kal a ni tih kha chiangtakin a tarlang a ni.

Tin, Sorkar policy hrang hrangah hei chu a chiang ani. Land Use Policy pek an tiam a, manifesto-ah a awm ve a, tunah 1.20 lakh families tanpui turin kan Sorkarin ruahmanna a siam hi fakawm ka ti a. Tin, kan Minister zahawmtak tak te chungah lawmthu ka sawi duh a ni.

Pu Speaker, NLUP thlan chungchangah lehlam atangin sawi neuh neuh a awm a. Keini Tuichawng bialah chuan 600 thlan turah khawte pahnih between 50-60 families kan thlang a ni. "Khua awm zawng zawng pe rawh u" ka ti a, an pe dawn. Khaw pakhatatah chuan Congress aiin MNF an tam zawk, chu chu ka sawi a ngai lo, Saizaw a ni, a chiang a ni. 'Min vote lo an tam, mahse pe rawh u' ka ti a. He policy hi keimahni tan ringawt a nilo, Mizoram mipui tan a ni. Kan implement danah a chiang dawn, sawti lam atangin.

Pu Speaker, hei Power chungchang-ah Governor zahawmtakin thil lawmawm tam tak a sawi a, ka sawi duh pakhat chu vawikhat chu Millenium Centre kawngah ka kal a, MNF worker in an ti a, hei mombati te public-ah an sem a ti a, a va mak ve aw, kum sawm chhungin mega watt engzahnge an sem chhuah ? Keini Congress Sorkar hian after 5 years ah watt engzatnge kan semchhuah dawn nakinah public in an la hria ang. MNF te, Party dangte pawh in an hria a. Kum sawm chhungin hna rinawm takin kan thawk an ti a. Mega

watt engzahnge an siam chhuah, after 10 years they are distributing mombati, zahthlak lutuk, Pu Speaker. Chu aiin kum sawm chhungin mega watt chuti zat chu kan sem a ni engatinge tih tur a lawm.

Khatieng kha chu ti suh se, a zahthlak a ni, an mualpho a ni. Engmah an thawh loh zia kha a lang a ni. Chuvang chuan, Kolodyne Phase – II te, Tuirial Hydel Project te, Tuivai te kan khuap ang a, Mizoram chu within 7 years Chief Minister zahawmtakin a ti a, Budget Session-ah khan. Next 7 years ah chuan Mizoram chu Power-ah kan intodelh dawn, Power surplus kan nei dawn. Chuvang chuan, tunah sawibuai a ngai lo, kan policy leh programme - ah a chiang dawn, kha kha chu. Tunah chuan harsa takin kan awm a ngai, State pawn atangin Power kan la a nia, 120 mega watt vel kan mamawh belh a, a dang chu State pawnlama kan lak belh avangin tuna tan chuan hrehawm kan tuar deuh chu a ngai a ni. Amaherawhchu, kan Sorkarin theihpatawpin hma a la dawn a, Governor thusawi-ah pawh a chiang khawp mai.

Tin, 13th Finance chungchangah hian Award hi 12th Finance Commission aiin 88.92 % in a pung a ni. 8805.26 crore in a pung a ni, pawisa chu a tam dawn a ni. Pawisa a tam chuan thawh tur pawh a harsa lo ang. District pathumte tan pawh 25 crore kan hmu dawn a. Chuvang chuan Pu Speaker, Mizoram hian revenue kan thawkchhuak thei lo, State competition-ah chuan pakhatna kan ni a, engzatnge revenue kan pek ? Chuvang chuan Development-ah te, thildang kan infrastructure ah te, policy leh programme ah te Central tanpuina-ah kan innghat a, chuvang chuan ka sawi duh chu Pu Speaker, keini tan pawh tih tur kan nei. Every person in Mizoram, mitinin Mizoram hmasawna chu ngaihtuah a ngai a ni. Mahni profession theuhah rinawm takin thawh a ngai a ni. Zirlai pawh lehkha taima taka a zir chuan 1st ah te, Distinction-ah te a pass a ni. Taima tak leh rinawm taka kan thawh chuan hei ai hian hma kan sawn thei a ni tih hi ka ring a ni. Sawitur tamtak a awm a, ka sawi hman si lova, Pu Speaker, he Motion of Thanks Pu John Siamkunga moved hi ka thlawp a ni, ka lawm e.

SPEAKER : Tunge sawi leh tur kan awm em aw? A motion neitu kan ko tawh mai dawn em ni ? Awle, Pu K. Liantlinga i sawm ang aw, han sawi rawh le.

PU K. LIANTLINGA : Pu Speaker, hun min pek avangin ka lawm e. Vawiinah kan Governor thusawi Motion of Thanks ah hian nguntaka kan ngaihtuah a ngaiin ka hria a, kei lawm tur nge, lawm loh tur tih pawh hi ka hrechiang lova. Chuvang chuan, ka sawi ve phawt mai ang a, inngaihndan dan nisela.

Kan Governor Speech hi point 47 a awm a, pakhatna-ah hian NLUP a rawn dah a, a thusawi Rs. 2527.20 crore thua hian family members 120000 te tan a ni tih a rawn sawi a, helaiah hian kan Chief Ministerin nikuma a thusawi nen khan a inkalh deuh hlekin ka hria a. Ani hian Rs. 2,5000 crore NLUP an dah anih thu a sawi a. Infrastructure-ah Rs. 1,250 crore a ni ang a ti a. 120000

family tan Rs. 1200 crore a ni ang a ti a. Avaia hman tur anga mipui ngaiha a sawi anih kha chuan a dik tawklo deuhin ka hria a. Chief Minister thusawi nge dik dawn a, kan Governor thusawi tih pawh hi en a ngaiin ka hria a. Tin, vawiinah chuan sawi awm tak taka ka ngaih sawi loh a nei nual mai a. Sorkar thatak mai Sorkar thar kan nei a, policy-ah pawh Ethic Committee kan din ang, chu chuan kan Minister te kalphung leh MLA tepawh a endik ang tih ani a. Kum khat chuang din a ni tawh a, vawiin thleng hian terms of reference a la awm lova. Vawiinah hian corruption hi kan do tak tak dawn a, ram hmasawanna tura hma kan la tak tak dawn a nih chuan vawiinah te hian a point No. 1 ah a dah ang a, a No. 2 ah hian NLUP te hi han dah sela a tha awm mang e tihte ka ngaihtuah a.

Tin, Aizawl khawpuiah tui kan nghei nasa a kan AWGSS Phase –II lah chu a function thei bawk si lova, Contractor an ban tawh bawk si a. Heng karah tepawh hian eng angin nge Aizawl khawpui tan hian Sorkarin hma a lak tih tepawh hi Aizawl mipuite min hrilh a phu hle in ka hria a. Chung avang chuan hengte hi han sawi ngei se tha ka ti a.

Tin, a sawi tho si, NLUP chungchangah tepawh hian a thusawi hmasa-ah 17th March, 2009 khan point 6 naah khan hetiang hian a sawi a, ‘Farmers Commission din turin ruahmanna chaktakin kan siam ang’ tih nikum khan a sawi a. Vawiinah hian ka’n zawt kual chhin a, Farmers Commission-ah miharsa leh kut hnathawktute tana ruahman hi an bansan ta nge? Farmers Commission chu din a nih awm pawh ka hre si lova. Chung angte chu vawiinah hian han sawi chhuah ve leh pawh awmin ka hria.

Tin, a thusawi tho, nikuma a sawi, point 11 na-ah khan Ministry of Food Processing, Govt. of India atangin crore 60 sanction a ni a, Mega Footpark atan hian a biktakin crore 15 ruahman a ni a ti a. Vawiinah hian kha pawisa kha a awm ta lo em ni? Kan Governor hian thu a sawi mai mai nge? Kan Sorkar hian draft sak a inti mai mai nge? Thu belhchian dawlo in sawi tir nge? Engeni ka hre thiam lo kei chuan. Chuvang chuan, uluk taka kan ngaihtuah a ngaiin ka hria. Kan thusawiah hian kan ding tur a ni a, kan thil tih hi kan chiang tur a ni. Chutiang a nih loh chuan vawiinah hian kan Governor hian thu belhchian dawlo a sawi nge? Kan Sorkar zawk hian? tih pawh hriat a harsa a. Chutih lai chuan crore 60 sanction a nih thu leh a bikin hemi mega food park atana crore 15 dah a ni tih lai hian; vawiinah chuan MIFCO a enkawl tura ruahman, kan Sorkarin Corporation a din chuan, thla nga hlawh a la tawhlo a ni. He thu hi a dik em? Nikuma a thusawi leh vawiina a thusawi hi a inmil tawhlo a ni. Chuvang chuan, vawiinah hian lawm tur nge lawm loh tur tih hi hriat a harsa in ka hria. Chuvangin, kan Sorkar pawhin nguntaka ngaihtuah a ngai a ni. Ram roreltute hetah rorelna sangberah kan thu a, kan thusawi-ah hian kan ding tur niin ka hria a. Chung avang chuan vawiina kan Governor thusawi hi lawm tur nge lawm loh tur tih pawh a hriat loh. MIFCO mai a nilova, ZOHANDCO pawhin hlawh an la lo a ni. Eng Department leh Corporation dang eng ang hian nge hlawh la lo pawh kan hre lova. Chungte chu ruahmanna siam hi a pawimawhin ka hria a.

Tin, a rawn sawi point thenkhat-ah hi chuan High Court chungchangte a rawn sawi a, a tha viau a. Tin, hetah pawh hian Court Building hrang hrang sak turte a rawn sawi a, amaherawhchu vawiinah hian Law and Judicial chuan harsatna nasa tak an nei a ni. Centrally Sponsored Scheme an pe a, Matching Share 50% tur pawh tunah hian sum an nei lo a ni. Hmanniah Consultative Committee kan thu a, chutah pawh chuan kan sawi vek a ni. Kha kha anih lainn hetiang kan Governor in thu a sawi zel dawn a nih chuan pawm tur nge pawm loh tur tih pawh ka hre chiah lo a ni.

Tin, point 20 na - ah hian Mulberry chungchang thua hian “Acre 1500 ah hmalak mek a ni, 2009-2010 ah” a ti a. Ka bial chhungah chuan in 50 vel hectare 100 vel dawn lai hian a chi leh a enkawl dan a that tawkhloh avangin tunah hian an chhuahsan a ni. Berawtlang piah Zokhawsang tlang pangperah sawn, chutiang ang te chuan vawiinah hian harsatna a awm mek lai hian kan Governor hian thu belhchian dallo a sawi leh mai ang a, a tih theih tlat a ni. Khatiang laiah tepawh khan kan Sorkar tepawh hian tih dik te pawh hi a tha viau awm mang e aw tih te pawh ka rilruah chuan a awm a.

Tin, Youth Commission chungchangah pawh hian Civil Service Coaching hi 2009 June thla atangin tan a ni a rawn ti a. Hei hi tunhma-a kan sawi Lord Krishna, IAS Academy tih kha a la ni zel turah ka ngai a. Tah chuan a Website hi MYEMizoram.Net hi kan en a. Helaiyah hian a rawn tarlan avangin hetah hian write up tlem te chauh a awm a. Hemi hi kan print out a, hetah hian subject pali – Philosophy, Sociology, Geography leh Public Administration a ni a. General Studies-ah hian General English leh Essay chauh a awm a. Hetiang anih chuan tunah hian kan thalaite hmasawna tur atan hian ruahmanna a tlem a ni. Mi tamtakin IAS an exam thei dawn lo tih a chiang a.

Chutih rualin helaia hmalak chhoh zelna nikum lama a thusawiah khan Youth Commission hmalak chhohna atan hianin Infosys leh Wipro te hmalak tir tur atan ruahman an ni ang tih te a sawi a. Amaherawhchu, Website a tarlan zawng zawngah te hian pakhatmah a lang bawh silova. Chuvang chuan, kan thiltih chhoh reng rengah hian ruahmanna feltak kan neih tepawh a tha in ka hria a. Hun ka nei tlem tawh a, tawh mai se a tha awm e.

A tawp ber atan i ti tawh mai teh ang, Pu Speaker, sawitur phei zawng a tam hle mai a, point 4/5 chu a la awm a. Amaherawhchu, ka'n sawi duh point hnukung berah chuan 13th Finance Commission chungchang hi a ni. Hetah hian tunah khan ka hma ami khan a rawn sawi a, kum nga atan Rs. 8,8005.26 crores a ni a, 88.92% in a increase a ni tih a sawi a ni. Hemi lai hi nguntaka kan thlir a ngaiin ka hria, Sorkar tepawh hian a thlir ngun a ngaiin ka hria. Mipuite hi an in over estimate pah mai ang, sum leh pai tamtak ang maiin a lang ang tih a hlauhawmin ka hria. Helaiyah hian sum hi tam em em a nilo, 12th Finance Commission-ah khan a punna chu 83.84% a ni. Tunah hian 13th Finance Commission-ah hian 88.92 in a rawn pung ta a, 12th Finance Commission leh 13th Finance Commission-a a punna inkar hi chu 5.08% a ni. Chutiang ang chauh chu anih avangin pawisa hi a tam ta thut a nilo tih hi mipuite pawhin kan hriat a tul a ni. Kha khanin mipui tamtak a misguide theih dawn avangin

khatilaia a pun chhohna kalzel kha kan hriatthiamte pawh a pawimawhin ka hria a. Chuvang chuan, tuna Mizoram Sorkar hi chak ta lua leh chak ta em em lam nilovin, thil man rate sang thlir chuan tun atanga kum nga kal turah phei chuanin 5% kha a tam lemlo a ni tih kha ka sawi duh a. Chuvang chuan Pu Speaker, vawiinah hian kan Governor thusawi hi ennawn leh ngai khawpin ka hria a, uluk takin kan Sorkar pawhin an kalpui theih nan vawiinah hian lawmtaka pawm tur nge pawm loh tur tih hi ka chiang lo a ni, Pu Speaker, ka lawm e.

SPEAKER : Tunge sawi leh tur kan awm em ? Dr. R. Lalthangliana.

Dr. R. LALTHANGLIANA : Pu Speaker, ka lawm e. A hmasa berin lawmthu ka sawi duh a, kan Governor in nimin lamah thu a sawi a, kan chai chho mek a, nichin deuha kan hotupa Pu Duha han sawi ang khan, thil thenkhatah hi chuan Sorkar hmasa tih a lang nual a. Hmun tamtakah a lang tepawh ti ta ila a lawmawm hrim hrim in ka hria.

Hei, Youth Commission chungchang hmalak chhunzawm a ni tepawh hi lawmawm ka ti a. Tin, The Municipality chungchang a lang bawk a. Tin, Mizoram mamawh em em, Mizoram Fire & Emergency Service tih lenna tura Sorkar hmasa hmalak tawhna a Director post thar create tepawh kha a lawmawm a. Sorkar hmasa in ADB loan kan buaipui a, Voluntary Retirement Scheme (VRS) a tang leh Health Care atana kan dil te chhunzawm chhoh zel niin pawisa chumi atan pawh chuan hmuh anih thu te tarlan a ni a.

Tin, Aizawl-Lunglei-Thenzawl road kawngpui kal chho tha tak tunhnai maia kan zo thei tur te, Sorkar hmasain ngaihtuahna a hman kan chhunzawm chho te. Tin, Multi Modal Transport-ah pawh Zokhawthar te, Lunglei District lamah Kawrpuchhuah te pawh hmalak zawm turin thil a kal dawn niin ka hria a.

Tin, Sainik School pawh hi Sorkar hmasa lam khan ngaihtuahna a hman a, chuta tan chuan hei pawisa tepawh kan hmu thei dawn ta a. Chumi rual erawh chuan hei Mizoram District 8 a Thenzawl, Serchhip District-ah chauh kan neih Kendrya Vidhyalaya School kan tih, District 7 dangah sak chhunzawm mek a ni a. Sorkar hmasa khan thuitak a kalpui tawh a, kha achievement a lang lo hi ngaihthlak a hrehawm ka ti deuh hlek a, lang ve thei se chuan a tha mang e, hetiang achievement-ah hi chuan tih rilruah a awm a.

Tin, State Election Commission, Sorkar hmasain a din, tun Sorkar pawhin tangkai takin inthlan neuh neuh leh thildangah a hman tangkai chho zel dawn niin ka hria a. Hengte pawh hi a lawmawm a. Tin, RMSA (Rashtrya Madhevik Siksha Abhyan) kan tih Universalization of Secondary Education lama a sang lampang hmasawna tur atana hmalak tepawh chhunzawm chhoh zel a nih te kan han hmu bawk a, a lawmawm hle a ni.

Pu Speaker, kan Sorkar hi thla 15 a kal ta a, term khat hi thla 60 nita selangin, kum khatah thla 12 awmin, kum nga termah chuan thla 60 a lo ni ta a. A thla bi in chhut ila, a percent in 25% hun hu hman a ni ta a. Chutah chuan, achievement han lang ve turah hi chuan ka ngai deuh hlek a. A hmasa Sorkar in a tih chhunzawmna hi a lang tam a, a lawmawm rualin new initiative hi a awm tamlo deuh awm mang e ka ti deuh a ni.

Tin, kan Governor Speech-a langlo thenkhat pawimawh leh deuh ka neih chu - Hei, kan Lengpui Airport hi kan neih chhun a ni a, tlem deuh lai pawh khan khawchhiat kher lohah romei zing avang pawhin Flight cancel a tam hle a. Sorkar hmasa atanga kan buaipui em em mai chu, hei kan Instrumental Landing System (ILS) kha a ni a, peih mai tura ngaih a nih laiin kan muangchang deuh a, hei hi tun Speech-a langlo hi ka tarlang duh a. Kan Chief Minister pawhin a wind up nah han sawifiah se tha in ka ring a.

Tin, chhimlamin mut mawh hnar mawha kan lo neih, hun reitak atang tawhin, vawiina kan Member zahawmtak tak helaia thu tepawh hi a veitute an ni ve thin a. I dinglama thu te, Saitluk Airport kan han tihte hi a lang mang lova. Hei hi chu a fello deuh mang e ka ti a. Chutih laiin Kawmzawl Airfield tura hmalakna ang chi tepawh a lang lem lova. Tin, chhim lampang hi, hemi administration kan kalpui chungchangah hian tha zawk leh fel zawka a kal theihna tur atan Sorkar hmasa khan Commissioner in min awp sela, Southern Zone hi, tiin ruahmanna kha a siam a. Chu chu helai Speech-ah hian hmuh tur a awm lova. Tin, DIG Range, Home Department lam, Police lamah hian DIG tepawh kha dah a ni a. Tunah hian a mumal ta lo deuh ni te in kan han hria a. Heng tepawh hi a lang lo kha ka'n ngaimawh deuh hlek a.

Tin, kan VIP kan han tih, tuna kan Sorkar chelh tute hianin VIP hi tawngkamah chuan a mawi khawp mai a. 'Mirethei harsate kan VIP an ni' tih tawngkam hi a lang lian viau a. Chutih lai erawh chuan kan VIP te hi an khawngaihthlak viau mai a, thu mai nilo, a taka kan hmangaihna kan lantir hi a hunin ka hria. Tukin zing khan Pu Speaker, Lunglei atangin Telephone ka dawng a, Gas bur Cylinder pakhat cheng 800 a lei tur pawh kan hmu lo an ti a. LPG Cylinder black-a lei tur man to ber lai chu tunah hian Lunglei District chuan kan tawng ta ber mai. A hahthlak khawp mai, thil kan enchian deuh chu a tul a ni.

Tin, kar kalta khan Pu Speaker, Civil Hospital-ah damlo thenkhatte ka tlawh a, damlo pakhat chu an khawngaihthlak hle mai a. Thla khatah hian cheng 2000 pawh inhlawhfa chawpa hlawhchhuak theilo chhungkua an ni. An fanu chu tunah kum 20 bawr vel a ni a, a mit a del hlauh mai a, chumai nilo chuan, Hospital-ah reife a lo awm a, Doctor ten phaiah kal a ngai a ni an ti a, a lu hi zai darh vek a ngai a, a hautak em em mai a. 'Engtinngge kan tih ang' tiin min zawt a. 'Ka hrelo, tawngtai ringawt mai rawh u, tihngaihna ka hriatpui lo che u' ka ti a, a hahthlak a ni.

Kan Health Care Scheme te kha khawngaihtakin I ti nung leh ang u; khatih hunlai khan cheng nuai khatin Mizoram chung damlo harsate kan enkawl

a, cheng singkhat thawkchhuak lo kha, cheng nuai thum in ram pawn amite enkawl na tur kan siam a ni khan ka hria a. Nikum May thla khan Gazette-ah tepawh a chhuak tawh niin ka hria a. Kan ngawi rei lutuk deuhin ka hria a, hei hi a Sorkar lampang kan bei reng reng lova, mahse vawii nah hian mirethei VIP an ni e, kan ti a nih si chuan kan ngaihsak dawn lawm maw nile, Sorkar hi engeni a awmchhan kan tih chuan, miharsate kan tanpui hi kan tih tur a ni tlat. Chuvang chuan, vawii nah hian kan inngaihtuah chian a pawimawh in ka hria a. Buhfai harsa tih te, Power Supply harsa tihte hi chu sawi pawh ka tum chuang lo. Heng hi chu kawng dangah dah ta ila, thihna thleng mai thei tur harsatna hi chu a serious a ni. He House pawh hian kan ngaih pawimawh a tulin ka hria Pu Speaker, ka tarlang duh a ni.

Tin, tui chungchangah hian tawite ka sawi lawk duh chu kan PHE Minister pawhin min lo hriatsak se ka duh a. Kan veng lampangah khuan ka'n ti daih teh ang, kan tui hi bleaching rim hi a nam nasa thei mai a, tunhnaiah hian. Ka phone kual ve ringawt mai a, ka thiam dan danin, bleaching hi telh loh tur chu a ni miahlo a, kan telh thin a niang, tunhma pawh khan. Amaherawhchu, thiam dan dana zonal tank-ah te lo phul ve ngawt ang chite hi a lo awm palh a, a tam luat chuan kan taksa tan hian harsatna a siam thei niin ka ring a. Chuvang chuan, hei hi thal te a ni dawn a, kan PHE Minister hian khawngaihtakin en ran tha in ka hria a, ka tarlang leh duh a ni.

Pu Speaker, ka sawi leh duh chu Session hmasa khan zawhna House-a min chhan kher ngailo chi hi ka zawt deuh thin a. Unstarred Questions kan tih ang chi kha, entirman - BAFFACOS sum tepawh hi tunhma Sorkar hmasa khan a hman diklo a ni tih ang chite kha a tam a. Engemaw felhlel tepawh chu a lo awm ani maithei a. Heng hi kan tihchian a tha in ka hria. Engeni thil awmdan ti ten ka'n zawt nawk nawk a, a chhanna minrawn pe a, ka lawm khawp mai. Amaherawhchu, a chhanna hi a chang chuan han enchain hian, heta han sawi hi a nuamlo na a, a ho thei angreng deuh mang e, Hon'ble MLA te han chhan sak nan hi chuan, te ka han ti deuh a.

BAFFACOS sum hman dik loh awm nia sawi thin kha tunah hian Sorkar hian a dikloh dan chu a chhui chhuak tawh em? tih chhanna-ah chuanin 'BAFFACOS sum hman dik loh a awm nual a, chhuitir a la ni hranpa lo' a ti a. Nikum October thla-a zawh tawh kha a ni a. A dik lo kan tih kan tihte hi chu tupawh Sorkar hmasa-ah lo ni pawh nisela, a pawilo, a dik hi House-ah hian min hirih se tih hi ka duh hrim hrim. A diklo a awm chuan diklo ang khan kal sela, mahse a nihna inhriattir hi fum fe sela a tha a.

Aizawl Civil Hospital building sak thar chhawng khat/floor khat bo nia sawi thin kha tuna Sorkar hian a chhui chiang tawh em? tih tepawh kha ACB in a chhui a, an thil hmuh dan ang zuiin PWD in order chumi No.ni 30.3.2009 khan a tichhuak a, Engineer pakhat chhui tir turin a ti a. An chhui rei lutuk a, a bo kha min zawn tir mai sela a tha in ka hria. Building chhawngkhat bo zawn kha a har ka ring lo. Hriau bo anih erawh chuan a har ang a, khang kha chu harsa lo turah ka ngai a. Tiang te te kha Pu Speaker, (**SPEAKER** : Minute khat chauh hun a awm na a, minute nga ka pe ang che) Health Department chungchangah

pawh hian 'Mobile Unit motor hlui kha a hlui lei nia sawi kha a hlui a ni em?' tihte hi chu hetiang lo deuh hian min han chhang se tih ka duh deuh mawle. "Health Department in motor hlui a lei tih kha officiala proof a la nilova, enfiah mek a ni" a rei lutuk deuh tawh a, a hlui leh a thar chu darkar khat chhunga enzawh theih turte hi chu khatiang khan Pu Speaker, chak deuha han kalpui dan kha awm thei sela tih kha ka sawi mai a nia, Pu Speaker.

Engpawhnise, a tawp bera ka sawi duh chu Pu Speaker, hemi 13th Finance Commission chungchangah hianin Mizoram hi hmu tha viau ni anga kan han sawi hi a nihna lai chin pawh a awm a. Hemi an State Man Comparision of the Award, 12th Finance leh 13th Finance, Govt. of India atanga figure lo chhuakah hianin a hmu sang ber hi 12th Finance atanga 13th Finance-a an sanna hi Arunachal Pradesh a ni a, 158.22 % in a sang a, No. 1 India ram-ah a ni a, No. 2 Goa 153%, No. 3 Maharashtra 153%, Madhya Pradesh 151%, Haryana 142%, Assam 137%, Chhatisgarh 129.84%, Bihar 128%, Andra Pradesh 126%, Meghalaya 125%, Orissa 113%, Gujarat 110%, Kerala 105%, Jharkhan 102%, Manipur 97.48%, Jammu & Kashmir 93.67%, Mizoram State 20 zingah hian sawm pasarih (17) na kan ni a, 88.92% a ni. A lawmawm hrim hrim. Inthlanah pawh a titha ber State, inthlan hnuhnungah kha chuan kan nih ka ring a. Mahse, khalam pang result atang khan tangka hi min pe lo deuh emaw ni aw, ka ti deuh a. Tlem chuan Pu Speaker, kan ruling party te ka vui pui deuh a ni. A petu lampangin min rawn hmuhdan chungchangah hian.

Ka han sawi duh chu Forests hian an hmu tha viau mai a, ka enkawl tawh Department a ni a, kan Minister pawh ka congratulate duh a. 12th Finance Commission hnuai kallai staff te leh staff neuh neuh kan lakin ban angreng deuh kha chu pe kir leh teh u a, heti khawpin ram a kang nasa a, in ban renglo deuh khan inhmu tam a nia, diktak chuan a increase na hi a sang filawr khawp mai, Forests hi 584% in a sang a ni. Chuvangin, helaia rethei te te, harsa te te, ramhnuai kangmei veng leh Forests Guard te leh Office Staff thenkhat lakte hi chu kan ban lo thei in ka hria, lak belh ula, pawl kan ti reng reng lo, a tul pawh atulin ka hria tih hi ka sawi duh a ni.

A tawp berah chuan Pu Speaker, tukina kan han sawi nawk nawk ang khan a bikin Pu Duha nen khan kan han sawi a, tun tuma kan budget tlema kan han bangbo lutuk deuh hi kan vawikhat tawna kha a ni ve a, Nangpawh min hrethiam em em in ka hria a. Mizoram Sorkar hi a pawng ataka han dem ngawt thu phe chu kan awm miah chuang lo. A Govt. of India ti mai ila, Central Sorkar pawhin thil min final har lutuk hi chu a fello ve hrim hrim in ka hria a. Hengah hian harsatna a awm a. voted tur pawisa, vote thlak ti mai ila, kan vote ngeia, kan pass tur budget kan hre lo hi chu a fello ve hrim hrim in ka hria a. Tun hnuah hi chuan hetiang ang zawng hi chuan kal lo thei ila chu India ramah pawh hian a tha hrim hrim tih hi chu a chiangin ka hria a. Chuvang chuan, remchangah erawh chuan kan vote tak hman siloh, heta kan sawiho hman siloh ang chi, kan Plan Budget hi chu nakinah hun remchangah engemaw ti kawng zawng tala keini Hon'ble hotena kan han sawiho emaw, engemaw tia kan han chin leh dan hi chu Pu Speaker, remchang chu awm thei se tih hi helam pang chuan ngaihdan kan neiin ka hria a, chung chu ka sawi a ni, ka lawm e.

SPEAKER : Awle, kan sawiho tam. Sawmpakhatin a mover telin kan sawi ta a. Kan duhtawk thei dawn tawhin ka ring a, kan sawihona te lo duhtawk dawn tawh ilangin, Chief Minister zahawmtakin kan sawihona te rawn wind up sela a tha ang e.

PULAL THANHAWLA, HON'BLE CHIEF MINISTER : Pu Speaker, ka lawm e. Member zahawmtak takte rawn sawi dan spirit kha tha ka ti a, a lawmawm ka ti a. Positive deuh deuh a awm a, Governor khan kan Sorkar ina a hmalakna leh a tihur zawng zawng a rawn sawi lova. Rawn sawi se chuan darkar fe sawi a tling dawn a, a pawimawh zual ang deuh leh member zahawmtak te leh mipuite hriattur pawimawh awm zuala ngaihte a rawn sawi mai chauh a ni a, tlem te. Mahse, chuti chung pawhin sawi tham fe a awm hi a lawmawm hrim hrim a.

Tin, Member zahawmtak ten kumkhat emaw awrh chauh kan kal chhunga engkim mai ti thei tura min lo ngai te kha ropui ka ti a, a lawmawm ka ti a. An mi beiseina kan tlin lo erawh chu a hrehawm khawp mai. Amaherawhchu, kum nga chung tih tur kan nei a, kum sawm dang, kum nga dang belh lehah kan la ti leh zel dawn a, a term 3 na-ah pheih chuan Mizoram hi a sang hle tawh ang. Chutiang chuan hmachhawp kan hotuten an nei a, kum khat chhunga an duhzawng zawng leh tha an tih zawng zawng ti thei tura min lo ring hrim hrim pawh kha a lawmawm ve hrim hrim mai, Pu Speaker.

Nia, han sawitur tam tak a awm a, a hmasa in 13th Finance Commission Recommendation kha a tam uchuak a, a lawmawm e kan ti lova, vawiina kan dinhmuh leh kan phu ang tawkah chuan a lawmawm kan ti ve hrim hrim a. Chuvangin, Member zahawmtakte khan an rawn sawi chhuak a ni. Tin, sum hi tamtak kan dil lova, entirnan - tun current fiscal-a cheng vaibelchhe 100, NLUP atana tihte kha, kha aia tam min pek kha an duh a ni. Amaherawhchu, hei kan Agriculture Minister zahawmtak hian thla 3/4 lek a awm tawh a, lo hmang thei dawn pawh ni ila, kan hmang zo hman dawn lo reng reng a, chuan hman senloh tur leh hman theih loh tura invulh ang tawk tawk hi a tha lova, kuttling lova paipawn zeuh mai te hi min chin tir ve ang a, tihte a hlauh avangin kan dil zui lo a ni. Chutiang chu kan hotuten an ngaihdan leh an kalphung a ni a. Chuvangin, tuna kan han chantawh ang zel hi plan a ni emaw, 13th Finance Commission Recommendation a ni emaw, kan lawm tawh kha kan sawi a ni a, midangte aiin a uchuak kan ti lova. Tin, min petute lakah hian kan vui miah lo, vui pui pawh kan ngai lo Pu Speaker, vui lo na na na chu vui pui kan ngai lo a ni, chu chu kan hotute hriatah ka duh a.

Hei, miretheite kan VIP kan tih hian, mirethei zawng zawng, ka tawng tu huatthu suhah, zawmthawt vang te, thatchhiat vangte a rethei hetiang hi kan ti lo. Kawla nichhuak chhiara, a sur a sa hnuaiyah theihpatawp chhuah ve, mahse vanduai laklawh, rahbi tleu laklawh tanpui hlek a, lei rem rap ve mai tur awm ang chite hi kan VIP kan tihte hi Pu Speaker an ni. Henghote hi chu chhawmchhuah kan tum, leirem rah tir kan tum, khaw eng hmuh tir kan tum.

Vawiinah hian Zoram mipui ten engmah an la hmu lo anih chuan kan hunin a la daih lo mai chauh a ni. Kan hunin a daih hunah chuan an hmu dawn a ni.

Tin, kum kha leh chen kha rethei bakberhin an lo awm tawh hlawm a, Pu Speaker, Congress mi leh sa te ngat phe chu development zuang khan a zuan khum vek an ni a, an harsa em em hlawm a. Kum 2/1 chhunga han khai chhuah ngawt chi an nilo hrim hrim a ni, tuna an awmdan hi. Chutiang chu anih avangin kan Member zahawmtak tak ten min beiseina a san rualin, min beisei ang kha a tih theih loh a ni tih hi hria ila. Tin, Arunachal te khu kan intehkhin hranpa lova, tunah hian Chinese Aggression leh Chinese ho legime avangin India Sorkar tan hian a pawimawh ngawih ngawih tawh a. Chuvangin, khulai khu defence atangte, security point of view atangte, kawng tinrengin duhsak an ngai a. Chuvangin, India Sorkar hian nasa takin a develop phah a, hemi expansionist tendency pawh hi lo dalna tur a tan hma an lak a tul avangin kawng tinrengin pawisa a vur a, development-ah pawh a taka tanpui an ngai a ni.

Pu Speaker, Member zahawmtak Pu Lalduhawma khan Mizoram politics kalphung tur hrim hrim, general takin ka sawi dawn tia a rawn sawi kha a responsible hle mai a, a ngaihtuahna a puitling a, a duhna kha a tha a ni tihte keini ang duang pawhin kan lo hre ve thei a. Chuvangin, a lawmawm ka ti takzet a. Sorkar hmasa lo tih tawh nih te avanga han chhonzawm loh mai duhna rilru niawm taka lang ang chite leh phuba lakna niawm ang chite hi kan hotute hian tih loh hram hram an tum a.

Chuvangin, tunah pawh MNF Member zahawmtak pahnih chuan an lo hmalak tawhna te chhonzawmna hlir an rawn tih te kha kan lawm takzet a ni. Hetiang hi min hmuh dan dik tak anih chuan an chungah lawmthu ka sawi duh ani. Tin, keini ang hian thil thar ngaihtuahna rilru nei lova, anmahni hnathawh chhonzawm ta mai maiah min ngai anih pawhin a lawmawm kan ti tho Pu Speaker.

Tichuan Pu Speaker, Member zahawmtak Pu Lalduhawma rawn sawi kha a zahawm ka ti a. Hei, ringtu kan ni hi kan chhuang a, mahse ringtu kan nihna hi kan hman rimlo hle mai a, Mizoram ringtu te hian. Chuvangin, Biak inah leh Pulpit-ah chauh ringtu tha nilova, kan work place-a ringtu tha kan nih hi a pawimawh ber in ka hria. Chuvangin, Biak in chhungah ringtu tha tak, mahsela kan inhlawhfakna-ah, kan Sorkar hnathawhna-ah, politics kan beihna-ah, kan sumdawmna-ah ringtu kan nih theihngihl leh si ringtu kan ni ang tih hi a hlauhawm a. Chuvangin, kan zavai hian, fulltime Christian, full worker kan ni theilo anih pawhin full time Christian ni ilangin, tunai hian kan ram hi a nuam zawk daih ang tih ka ring.

Chuvangin, hemi an han sawi diat diatah pawh entirnan - hun hmasa lamah chuan Garden Colony tih a ni a, tichuan a hnu lawkah kan lo Sorkar ve a, Garden Colony kha tha kan ti a. Amaherawhchu, a aia tha, changtlung zawk kha a awm ang em tih kan hotuten an ngaihtuah a. NLUP hi a lo chhuak a ni. Kan hotute ngaihtuahna-ah chuan Garden Colony chhonzawmna ang deuh kha a ni.

Tichuan, kan hnuah Sorkar dang a lo kal leh a, NLUP te, Jhum control te a lo lang a. Tichuan, kan lo Sorkar leh a, khami kalzel kha a ni, NLUP kan tih te hi. Vawiiinah hian NLUP kan ti a, a tha mi tih hi kan hotu pawimawhte hi chuan an hmang ngai lova, changtlung zawkin kan ti. Hun hmasa-a kan operate dan kha a changtlung lo tih kan hria a. Tin, a thalo lai demerits te tam tak a awm a, kan failure atangin kan inzir harh ve deuh a, chuvangin changtlung zawkin kalpui ang kan ti a ni.

Tin, vawiiinah hian hotu tam berin a programme leh a policy neitu aia an lo hmanhmawh hi a lawmawm kan ti a. Kha khan min ti hmanhmawh ve ngei ang. Chuvangin, operate theih thuai pawh tum turah kan inngai a. Tin, a amount te hi keini chuan kan duhthusam kan sawi a, tunah hian vaibelchhe 2500 leh tlem kan Central Council of Minister hmaah a awm a ni. Tin, a tlai chhan hi tha an lo ti ve khawp mai a, Delhi lama kan Economist mithiam te khuan. Dr. Manmohan Singh te, 13th Finance Commission Chairman Vijay L. Kelkar te, Dr. Sanjiv Misra te, Prime Minister Council of Economic Advisers te, an Chairman ber C. Rangarajan, RBI Director to ni tawh Governor lo ni tawh. Tin, Finance Commission Chairman lo ni tawh te nen pawh kan inhmu a, 'A changtlung zawka siam kan duh a, Mizoram-ah a hlawhtlin phawt chuan India ramdangah pawh hman kan duh dawn a ni' tih thlengin min hrilh a ni. Chutiang chu a nih avangin tunah hian keini aiin mithiam zawk ten min uluk sak avangin vaibelchhe za kan neih pawh kha kan hmang lawk ta lo a ni. Tin, tangkai zawkah thildangah tangkai dang tho-ah a then then chu kan hmang a ni. Chutiang chuan NLUP hi a vannei dawn niin a lang a, Pathian malsawmna kan dawnna tur hnar a ni thei dawn niin kan hria a ni.

Tin, khatianga thil kal tawh kha kan chhunzawm chho zel niin kan inngai a, Bairabi Hydrel Project tepawh hi kan han Sorkar khan a lian deuhah khan a harsa deuh a, a te erawh chu kan ti zung zung mai a. Hengte pawh hi tamtak chuan kan hre lova, Chanchinbu hre awm taka inngai, hre miah silo tepawh hian an ziak an ziak tepawh hi pawika ti a. Mipui hrui dik lohna a ni thei a, kan hunlai zawng khan State power chhunga awm chu mega watt 3 chin chiah hi kan siam thei a ni. Mega watt 6 siam theihna turah pawh khan mega watt 3 kan ti a. Mega watt kan tih nghal chuan Central lamah chumi thleng, chumi thleng tih a ngai dawn a, kum 5/6/7 a tul dawn avangin kan power chhung ami kha kan kalpui zung zung a.

Tichuan, Non Conventional Powers and Energy Ministry atangin 75% grant kan hmu lehngal a. Chuvang chuan, a te lamah khan kan kal zung zung a ni tih hi hre lemlo, a lian tihna chang hre lova inpuhna hi a tam hle a. Kha kha thil awmdan a ni tih hre phawt ila.

Tin, thil a pung chho zel a, 25 mega watt chin hi an te tawh niin an sawi a. Tichuan, Bairabi Hydrel Project kha a lian a tha a, Multipurpose Project a ni a. Tin, Transport atan pawh a tha dawn tih hi kan hmu ve phak a. Chuvang chuan, tihpuitlin kan duh a. Amaherawhchu, Investigation kha thla 8 chhunga zawh a ni tih kha DP & AR-ah khan an lo ziak a, hmun hniah khan. Chungte avang nge ni clearance tul zawng zawng a hmuh theih dawn a ni, kan hunlai khan.

Tichuan, MNF Ministry khan an lo ti veleh a, Pu Laldenga hunlai khan an hlawhtling chuang lova, tichuan Ministry zawng zawng khan Central-ah an nawr a, an hlawhtling hleithei lo a ni. Mahse, a that si avangin, keini khan Power Minister kan ko chho a, NEEPCO kan investigate tir ang e a ti a. Hetiang lui lian hi chu alo berah kum 3/4 a duh a, Investigation tih nan hian a hmar atangin a lui mawng thlengin, furah eng angin nge a volume a tet, chu chuan sik leh sa leh ram leilung engtinng e a nghawng, Forests Area-ah chutiang khatiang tih kha tamtak a awm a ni, kan hre vek a. Chuvang chuan, kum 3/4 a duh a, thlariata han zawh chi a nilo a ni.

Tin, chutia kan failed tak vekah chuan NEEPCO kha an han tih tir a, mahse NEEPCO khan engagement dang an neih avangin an han ti lauh lauh a, mahse an tin san leh ta a. Tichuan, Central lamah kan hotuten nasa takin an nawr a, Brahmaputra Board kha Survey Investigation ti leh turin an ruat a, a tirah pheh chuan helaia kan hotute Hydel Project Expert inti te pawh khan an hmusit hle a, “Brahmaputra Board kan tih that tir leh dawn tihte chu inbumna mai mai a ni, Brahmaputra Board chu Central Sorkarin Brahmaputra tuilian dan nana Board a din mai mai a lawm’ an ti a. Mahse kan hotuten, a biktakin khatih laia kan Power Minister Pu C.L. Ruala, tuna kan MP zahawmtak nita hian nasa takin a bawhzui a. Tichuan, an han ti chho ta a, mahse kan hun chhungin Survey Investigation DPR kha an peih hman lova. Tichuan, 1998-a kan tlak tak hnuah khan coalition ministry a awmlai, MNF leh PC Sorkar a awmlai khan, khami hunah khan, hei chu inbumna mai mai a lawm titu kutah khan, kha DPR kha an la ta nghe nghe a. Chu chu a kal chho zel a ni tih hi he House zahawmtak hi ka hrih duh a. Tunah hian sum neih dan tepawh kan ngaihtuah a, mahse harsatna kan tawh chu a project cost ai khan compensation component kha a sang dawn a, chulai chu harsatna kan tawh lai chu a ni.

Amaherawhchu, a tul angin kan la nawr zel a, hun hmasa lamah khan clearance zawng zawng an lo peih tawh a ni. Chutiang chuan theih ang angin Sorkar hmasa thil tih tha hi kan bawhzui chho zel a ni tih kan sawi duh a.

Aizawl – Thenzawl – Lunglei road tepawh hi 1997-ah khan Technical Assistance hmuin bul kan hotuten an lo tan a, MNF Sorkarah chhunzawm chhoh a ni a, 2007 vela commission tawh tura ngaih kha ani a. Tunah hian Sorkar tharah chhunzawm chhoh a ni a, chutiang chu thil awmdan a ni.

Tin, phuba lak hi kan hotuten an tum lova, Pu Speaker, phuba reng reng la suh u, phuba chu keima lak tur a ni titu hi Pathian nung a ni, chuvangin keinin kan tum lo. Amaherawhchu, tunlai hian case eng engemaw a awm a, hei hi corruption dodaltu NGO te, SoSA te, PRISM te leh a dang pakhat a la awm a. Chungcho chuan FIR te an thehluat a, PIL te an thehluat a. Entirnan – Tuirial compensation te diklo taka lak a nih avang khan, Tuirial Hydel Project pawh a thuanawp ta kha ani a. Lo thuanawp lo se chuan tunah tepawh mombati han sem der vel pawh ngailo tur a ni a. Mahse, a thuanawp miau a, kan awmlah chhung khan. Chuvangin, mombati han sem der vel te a ngai ta a ni a.

Tichuan, chumi PIL chu tunah hian Guwahati High Court –ah tunah hian a awm a, PIL theh luttute chuan CBI chhui an phut a ni. Chu chu Court thu a ni a, kha kha lo chhuakin CBI khan lo chhui ta ang sela, keini hian ‘but’ kan nei miah lo a ni tih hi ka’n sawi duh hrim hrim a.

Chutiang chuan heng corruption dodal tute, theihpatawpa sum leh pai, tha leh zung senga rawn beitate kha tiang zawng khan an kal a ni. Chuvangin, ‘the law shall take its own course, we have nothing to say’ chu chu kan dinhmun a ni mai tih hi he House zahawmtak kaltlang hian Mizo mipuite ka hriattir duh a.

Amaherawhchu, thil tenau deuh, khang Sorkar hnathawkten an lo tih dik loh, engemaw Departmental proceedings draw loh theih loh te, ACB han chhuitir ve ngai te, chung ang tepawh chu kan hotute hian tih let an nei a. Amaherawhchu, a procedure hi a thui khawp mai a. Hei, chanchinbu tamtak chuan thil kalphung hre lo hi chuan sawi sawi ve mahse chhui tak tak ngamlo leh hrem tak tak ngamlo-ah min han chhuah a ni a, tunah chuan hrem theih tur in tumah hi kum khat chhung hian an la rawn chhawpchuak lo reng reng ani. Tin, keini hian kan hrem dawn lova, danin a hrem dawn a ni. He Sorkar hian tumah hrem kan tum lo, danin a hrem erawh chuan tih ngaihna kan hre tawhlo ang, keini chuan. Chutiang zawk chu kan kal dan a ni tih hi hria selangin. Tichuan, rorelna dik, rorelna tha, rorelna fel a awmna turin Zoram Christian te an tawngtai a, chumi chu a awm theihna tur atan erawh chuan helaia kan hotute hian an theihpatawpa an chhuah a, chu chu Pathian pawhin mal a sawm ang ka ring. Chutah chuan dan kha a lo kal ang a, danin a palthluk apiang kha chu an tlu rawp rawp mai dawn niawm tak a ni. Chu chu tuna Sorkar kalphung hi a ni.

Chungte avang chuan Ethics Committee tepawh hi kan din a, mi zahawmtak tak kan la khawm a, Meeting kan neih hmasak ber ni khan keini hi kan tel ve a ngai a, a dintu te kan ni a. Chuvang chuan, Terms of Reference te kan hrilh a ngai a, tichuan Terms of Reference te engkim kan hrilh vek a, hemi dawtah hi chuan kan tel lovin Chairman hovin in Committee theih tawh a ngai ang kan ti thlap a, mahselangin anni an inthlahrung deuh a, ziaka order thatak chhuah nilovin an hria a, chuvangin an inthlahrung ni ngei tur a ni a, a reh rei ta em mai tiin kan hotute hian khami Committee kha hei a thi angin a awm a, engmah in thawklo niawm in a awm a, hetiang chuan a dik dawn love, in ko teh ang an ti a. Tichuan, kan han ko a, kan telvena tur a ni lova, Pu Speaker, chuvangin keini kha chuan kan tih tur kan ti zo tawhah kan ngai a. Chairman hova a tul ang anga Committee thei tawh tura ngaih an ni. Mahse, an Committee tak loh avang khan kan han ko ta a, kan hotute thahnem ngaihna in. Chutah chuan Terms of Reference leh an kalphung tur te a hma-a kan sawi kha sawi nawn lehin tunah chuan anmahni a kal kha an tum ta a ni, a lawmawm khawp mai.

An hna ber tura kan ngaih chu mihring sawiselbo, felfai, thianghlim famkim kan awm lova. Chuvangin, helai kan hotu thute pawh hi corruption kan do zawng ti thin mah ilangin, hriat loh hlan pawhin lo chapo, corrupt thei kan nih avangin atul anga min veng a, min chhuahchhal a, min zilhhau a, thu kan

awih loh chuan min timualpho tur tepawhin kan beisei a ni. Chutiang chu Ethics Committee a lo din chhan leh a kalphung a ni a. An thawh tur thawk tan mai tura kan ngaih laiin a n lo thawh tak loh avangin kan hotute zawk hian engtizia nge maw nile tiin nimin piah lawkah khan Meeting kha an ko ta ani a, kan koh tur leh kan tel vena tur ani tawh lova, an hna kha thawk mai tawh tur zawk an ni tih kha ka'n sawi duh zawk a ni.

Chutiang chu thil awmdan anih avangin Pu Speaker, phuba lak leh mite han tan tumna a awm lova, dan erawh chu a awm a, dan hian a kalpui mai turah kan ngai a.

Tin, Serlui 'B' Project te pawh Pu Speaker, kan hun hmasa khan kan hluihlawn a ni. A chhan chu Pu Speaker, khatih lai khan production cost per unit kha Rs. 4.50 aain a tam dawn ani. Chuti anih chuan pawisa 90 emaw vela hralh leh anih avang khan keini ang Sorkar rethei tan chuan a harsa ang kan ti a. Chuvangin, kan abandoned a ni. Tichuan, Sorkar hmasa khan an chhunzawm leh a, hmanni khan a hmunah enfiah turin kan hotute nen kan kal a, kan zuk hmuhchhuah chu tunah hian cheng vaibelchhe sawmhnih pariat chuang company ho hnenah bat kan chhawm chho a. Chu chu kan pe thei rih lo che u anih pawhin Commission tur kan ti a, khawl pathum a awm a, pakhatmah an lo la commission theilo ani. Sum pek loh vang pawh nilovin, tunah hian tih chu an tinung thei a, eng erawh chu an pe chhuak thei rih lova, tiang chuan kan kal chho mek a.

Tin, thal a rei tawh a, Zoram lui tepawh hi kumdang aain a kang nasa tawh a. Chuti anih chuan tun thal chhung hian fur a lo thlen leh hma chuan a khawl pakhat tal kha lo commission thei selangin, an produce thei lo ang a tih hi kan hlauthawng deuh a, chutiang chu a ni. Tichuan, kan zawt chhin a, Engineer ho kha 'Enge production cost ni ang per unit' ka ti a. An Senior deuh pakhat P & E ami khan 'Ka pu, cheng nga leh duli vel a ni ang' a ti a, 'Ka awih lo, a ni thei lo' ka ti a. Hemi Grant tel lovin chutiang khatiang a ti a, chu chu a project cost vek a lawm ka ti a. Chutiang anih chuanin cheng sarih leh duli aain a tam ang, an ti ta a ni, a per unit cost kha. Chuvangin, lo peihfel pawh niselangin, kan chhi ngam ang em aw, tih kha ngaihtuah a ngai a. Tunah hianin Bairabi a Thermal Project pawh khu reitak a function tawh lova, tui kan han harsat takah hian India ram pumpuiah khua a thal avangin power min pe thei bik lova, kan thenawma a nei ngei ngei tepawh hian keini ai hian an harsa zawk a ni tih chu Chanchinbu-ah pawh in lo hmu tawh ang a. Chuvangin, helai Thermal Project hi tihnun dan awm selangin tiin kan hotuten theihpatawp an han chhuah a, pawisa harsa chungin vaibelchhe 3/4 deuh thaw sanction in thla 3 chu a daih thei mai thei a ni an ti a. Harsa taka kan awm ai chuanin insengso ang kan ti a. Tichuan, mega watt 20 pechhuak thei turah khan mega watt 10 tlinglo, mega watt 8 vel an pechhuak thei a ni, chutiang chu kan dinhmun a ni a. Helaiha keimahin local-a generation kan han tihpun hian, khulamah an harsat ve tho avangin Central grid atanga lokal kha an hmuh ve vek zel si avangin anrawn ti tlem lehzel a, chuvanga harsa kan ni.

Tuirial Hydel Project hi lo thuanawm lo se chuan tiang em em hian kan harsa lo tur Pu Speaker, chutiang chu vawiinah hian kan dinhmun tlangpui a ni a. Serlui 'B' tepawh hi Sorkar hmasa hmalakna chhonzawm duhlo min ti ang tih avangin harsa takin kan chhonzawm a. Chuvangin, leiba 28 crore vel zet chu kan rochung pang a nih chu!

Tin, mega foodpark te hi a lo awlai lo khawp mai a, kan Sorkar hma daih khan Food Processing Minister hian inthlan dawn vel atang tawh khan min pe daih tawh a ni. Vanneithlak takin kan Sorkar ta a, ani pawh arawn kir leh chiah a, a aia lian zawkin arawn awm a, tahchuan 65 crore plus 15 crore for abbattoire min pe ta a. Mega foodparks te hi India ramah pawh a la tam teh chiah lova. Mithiamte ruaiin tunah hian MIO buaipui hi phak chi tehchiam a nilova, Industry lam atangte pawhin peizawn a ngai dawn ta a, chutiang chuan a la kal chho map map a ni tih hi ka sawi duh a. Tin, MIFCO pawhin thla 4/5 emaw an hlawh lak loh leh mega foodpark hi inzawmna an neilo tih pawh hi lo hria ila. Chutiang chu mega foodpark chungchang a ni.

Tin, tui leh thildang dang harsate hi kan hria a, tunah hian Greater Aizawl Water Supply Phase-II lo tih thuanawp nilo se chuan tui kan harsa miahlo tur a ni a. Khu khu Falkawn-ah kan damdawiin Referral-ah 25% hi kal tur a ni a. A dang hi Aizawl West leh Aizawl North lam tan a ni a. Khitah Neihbawi-ah Zonal tank dahna tur tepawh ruahman sa vek a kan kalsan kha ani a. Amaherawhchu, kan awmlon hlanin a thuanawp ta a, Aizawl pumpuiah tui kan harsat phah hi a pawh hle a. Tichuan, tunah hian cheng vaibelchhe tamtak sengin khu khu kan harsat viau laiin, sum harsa hle mahse mipui harsatna kan hotuten an hriat avang in leiba deuh titih pawhin i ti nung hram hram ang, function theiin in siam teh ang tiin an bei ngat ngat reng a. Contractor kha chhawrzui tlak anih loh avangin leh a lakah khan keini chuan pawisa naia sen khat pawh kan lak ve loh avangin Minister in a ban ngam a ni. Ban ngam lohna chhan tur kan nei ve loa, chuvang chuan kan ban a ni.

Tichuan, tunah hian contractor la tawh lovin, Department in a theih ang ang hi tih kan tum a, sum harsa avangin a chak thei lova. Tunah hian tlem azawng kan in pek belh leh a, tiang chuan mipui harsatna kan hotuten an hriat avangin theihpatawp chhuahin function tir an tum a ni.

Tin, Lengpui thlawhna tum hmun a Instrumental Landing System te hi kan hun hmasa khan kan lo ruahman tawh a, kum sawm chhung khan a ding thei lova. Kan luh veleh khan, a tuk maiah khan Govenor nen kan sawi dun a, cheng vaibelchhe 2 chuang sanction a ni a. Tichuan, an install puitlin tawh hnu pawhin Civil Aviation Directorate in an rawn approve kher a ngai a, an rawn test a, engemaw lo vuah sual te an nei a, chuvang chuan duh angin an ti rang thei ta lova. Kan innawr reng a, chutiang chuan kan kalpui a ni tih pawh ka sawi duh a.

Tin, Website hi kan Department hrang hrang te hian an feed thalo hle a, khawi atang pawhin tute emaw rawn lut duh ta se, hmuh tur tehchiam awmlon hi a tam a. Heng ang zawngah pawh hian tang turin kan in nawr nasa a ni. Chutiang chuan a theih ang angin kan hotuten tan an la a, mahse a lo awngrawp

na te a rei tawh a, thil kalphung a dik lohna te hi a rei tawh a. Chuvang chuan, duh angin thil a kal chak theilo a ni tih hi min hriatpui turin member zahawmtakte ka duh a.

Tin, Health Care Scheme hi kan Sorkar hma pawh khan kan manifesto-ah tepawh kan ziaik a, a pawimawhna pawh kan hria a. Chuvangin, Health Care System hi tun aia changtlung leh tha zawkin kan ti ang kan ti a, kalpui kan tum ang kan ti a. Tichuan, Health Minister zahawmtakin an en vel a, a lo tenghneng angreng a, kan hriattlan tawh ang khan. Tunah hian pawisa awmsa anga ngaihte pawh kha, keini hian kan khawihchet loh vaibelchhe 10/20 lai te kha a awm ta daih mai a. A thara han dah leh zung zung turin sum duh angin a awm thei rih lova. Tin, a kalphung tha zawkte ngaihtuah a ngai a, engatinge Insurance Company te hi keimahni hian va hmang tangkai zawk tura an sum leh pai kha kan va hmanpui tur a nih laiin, kan suma an sumdawn ang ? Engtinge tha zawkin kan ngaihtuah ang ? tihte kha ngaihtuah a tul avangin, changtlung zawka kal theihna turin ngaihtuah a ni a. Labour Ministry-ah hian BPL family te tan khatiang te kha a awm a, cheng singhni h singthum vel, Old Age Pension tan tepawh, chung ang te pawh chu tunah hian kan hotuten han clap together vel dan te ngaihtuahin an kal chho a ni. Chutiang chuan duh angin a tlan chak thei lova, hei hi kan tum reng a. Tin, sum ilo buaisa reng tepawh hi engtia chinfel phawt tur nge niang tih tepawh kan ngaihtuah a ni.

Chutiang zel chuan hei, Winery kan tihte pawh hi company lian tak tak tepawhin an rawn ngaihven a, rawn lak an duh a. Amaherawhchu, a lo din chhuah dan leh Sorkarin a lo kalpui dan hi a lo tenghneng deuh a. Sumte kha nuai sawm telin an lo inpe a, Inpek dan te kha khawia sum nge ? Enganga pek nge ? Commission nge ? tih tepawh kha a lo chiang lo a. Puk nge grant ? tih tepawh kha alo chiang lova, grant angin han kalpui dawn ang ilangin keini chuan sum kan harsa sa hrim hrim a. Amaherawhchu, an notings velah khan, puk a niin thla thum chhunga pek tur tihte kha a awm ang lawi bawk si a. Tin, a society tepawh chutiang chu an ni a. Tin, Financial Institution atangte in sum an lo la a. Tiang chuan, tu company-ah pawh han handover dawn ta ila reputed firm tepawh an awm a. USA based firm tepawhin min rawn approach a, chutiang chuan kalpui an duh a ni. Mahse, a liability kha tunge la ta ang tih tepawh kha sawifel fe tham a lo awm ta a. Chutiang chu anih avangin a harsa khawp mai. Amaherawhchu, chung ang zawng zawng chu kalpui kan tum a.

Tin, Venus Bamboo Plant te pawh kan han enchhin a, mithiamten an sawi dan chuan a bamboo plant ai mah mahin wood plant a lo ni zawk a lawm te an ti nghe nghe a. A chhan chu, a major machinery kha thing buatsaihna tur a lo ni daih mai a. Chutiang chi te chu tunah hian function tir leh tur pawhin siam that a ngai a. Tin, K.K. Shah nuai 50 an lo pek ringawt ang chite leh nuai 200 lai an lo pek ringawt mai te kha engtia tih tur nge niang tih te keini ang tan chuan leh Sorkar sum harsa tan chuan kan thin chhuah theih bawk siloh chuan a harsa khawp mai a. Chuvangin, chinfel tur hi a tam em em mai ani. Chutiang chu anih avangin duh angin Pu Speaker, a kal chak theih lova. Amaherawhchu, kan hotute hian a nachang an hria a, a tum tur ani tih an hria a. A buai a tam avangin a buai chinfel hmasak loh chuan a buai zual ang tih a

hlauhawm baw k si a. Chung lai chu kumkhat chung mai chuan kan ngaihtlak tawh ang khan, working session a lo tlem baw k si a, chuvangin tih a harsa a ni tih tepawh hi min hriatpui ka duh a. Health Care a ni emaw, khang ang zawng zawng kha a hma aia tha zawk leh Sorkar sum pawh hek lo deuh zawka tih tum a ni. Amaherawhchu, duh angin a hmanhmawh theih loh a, keini Sorkar ang taka awma hi kan hmanhmawh a, mahselangin inchhuihpilh niau nuau chung a kal theih a ni silo tih te kha kan hriat a tha.

Tin, sawlamah chhimlamah thlawhna tumhmun chungchangte hi a reh ta daih a, Governor Speech-ah hian tih te a awm a. Nia, kan hriat zawng zawng leh kan thil tih tum zawng zawng kha sawilan a senglo ani kan tih tawh kha. Saitlukkawn te kha kan han bawhzui a, Airport Authority of India atangin an top Engineer 2/3 kan chah chhuak a. Va thawn phei kan tum a, mahse kawng pawh a lo la tlang miah lova, mahse a area te hmuh an duh avangin Air in Survey te an va nei a. That chu a that khat dawn hi an ti a.

Tin, 13th Finance Commission-ah pawh kan sawi ri na in, concept paper pawh a lo la awm hranpa lova, DPR pawh. Khatiang lo kha chuan consider ngaihna a awm ta lova. Mahse, tunah hian kalpui tlang kan duh avangin leh sawta, chhimtawpa Multi Kaladan Transport Project te nena inlaichin tha thei tur anih avangin Planning Commission-ah te a hranpa in kan dil chho mek a. DPR tha zawk, changtlung zawka prepare turin tunah hian kan mithiamte kal an tum a. Mahselangin, kawng a lo tlang tha lova, chungte chu han chilh hmasak phawt a ngaih avangin duh angin kan kal chak theilo a ni.

Chumi hma chuan chhim lamah a pawimawh si avangin Kawmzawl saw tlem azawnga han zauh deuh hret a, han tih sei hret in, hemi North East Shuttle Thlawhna te chi tal te a tum thei mai lawm ni ? tiin en a ni a. Chutiang atan chuan buatsaihin sum kan neih loh avangin NEC-ah te dil mek a ni a. Chutiang chuan kan hotuten ngaihtuahna chaktakin an kalpui tho a ni tih erawh chu hria ilangin.

Tin, Helicopter service hi neih tha kan ti a, District pawimawh deuh zual te lui lama inkalpawh harsa deuh te inkal pawhna turin tunah hian Pawan Hans Company te nen kan inbia a. Anni hi Home Ministry, Central Sorkar undertaking an ni a. Chuvangin, anmahni zawk hian helaia kan operate dan tur engkim kan chhui a, a root map te kan siam fel chuan Home Ministry-a Central subsidy hi chu keimahni kuta dahin min pe a. Chutiang chuan tunah hian kan indawr mek a. Aizawl, Lunglei, Saiha, Champhai, khatiang chi tur khan kan hotuten tunah hian an buatsaih a, Central-ah a awm mek a ni.

Tin, Opposition kan nih laia kan hotuten an sawi thin ang hi a tul ang ang chu kan bawhzui na meuh a, BAFFACOS chungchangte kha engatinge in chhui ngam lo em ni ? ti zawngin min cho dawn anih chuanin kan ngam na meuh mai Pu Speaker. Amaherawhchu, keinin CBI emaw chhuitir ta ringawt ilangin phuba lak tum min tih dawn avangin kan hotute hi an ngawichawi a ni. An muangchang a ni. Amaherawhchu, 'Engatinge in chhui loh, chhui rawh u' in tih chuan CBI te hi general consent pek kan tum a, Mizoram an lo luh theih nan

hian an chhui na meuh ang. Amaherawhchu, keinin khatianga kan tih chuan, kan ti lo chung pawhin phuba lak tum anga min puh si avangin keini kut atanga kal tir hi kan duh loh avangin kan muang mai mai a ni, chutiang chu a ni. Amaherawhchu, a incho zawnga khatianga kan inbei dawn a nih chuan kan chhui tir ngam na meuh mai tih erawh chu ka sawi duh a.

Tin, khatiang bawk khan hun hmasa lama kan sawi Suangpuilawn kidnapped drama te kha kidnapped drama a ni tih kha chu Mizo mipuite hi kan Chiang a. Amaherawhchu, tunah hian han kalpui vak ngaihna a awm lohna chhan chu Sorkar hmasa khan Enquiry Commission a siam a, he House zahawmtaka Member te meuh kha a chhuitu commission kha an ni a. Khangho finding kha kan pawm ve mai loh chuan Rotekawla sepa ang mai kha an ni ang tih a hlauhawm avangin khami finding leh recommendation kha kan pawm avangin kan ekcheh thutpui mai mai ani. Inchona chi-ah kan ngailo.

Rev. Chanchinmawia thih thute pawh hi Mizo mipui chu kan Chiang a lawm Pu Speaker, kohhran hotute hlei hlei hi an Chiangin ka hria. Mahse, Sorkar hmasain CBI ka chhuitir ve e an ti a, an vannei nge an vanduai ka hre lova, an report Mizoram kan hriat hma karhnih khatah khan khatihlaia an hotupa khan CBI tepawh hi an rintlak tak tak loh, lei theih tho an ni a, a lo ti a. A hnu karhnih khat a report lo thlengah khan amah in that a ni a rawn ti ta daih si a. Chuvangin, khami case han reopen leh tur hian fimkhur a ngai a, kan hotute rilruah hian a la thi miah lo. Khatiang kha he ramah hian chhui chhuaha a awm a nih loh chuan Mizote hi nakin zelah pawh him kan awmlo ang tih a hlauhawm a. Chuvangin, chhui chhuah a tha a. Tin, kan kohhran hruaitu lu berte hetiang an Arte thih mai mai thei dawn anih chuan Mizo hnam tan pawh a mualpho thlak a, chuvangin, a thup theih dan engtingge la awm ang tih hi chu kan hotute rilruah hian a awm ani.

Mahse, Suangpuilawn kidnap drama ang bawk khan enquiry SIT te kha chu kan hrethiam mai a. State hmanruate anih avangin an finding tur pawh kha SIT an chhuitir, order an siam atang khan a conclusion tur kha chu kan hre sa a, mi pangngai chin chuan. CBI te erawh kha chu kan lo rin tehlu nen, mahse khatihlaia kan hotupa ber khan 'Lei theih an ni a, anni pawh hi an rinawm tak tak lo' a ti a. A sawi ang ngei khan a rawn chhuah zalen ta vel mai mai bawk si a. Chuvangin, han bawhzui leh tur chuan ngaihtuah hle a ngai tawh a. Keini ang thluak hi chu a vir buai hle a ni. Mahse, reh ral tir mai loh chu a tha a ni tih hi kan hotuten an hria in ka hria. A cho a in chona tur chiah chuan ka ngai hranpa lo, chutiang chu a ni a, Pu Speaker.

A tlangpuiin vawiinah hian kan hotute hnenah lawmthu sawitur tam tak ka nei a, Aizawl West I bialtu MLA zahawmtak Pu Duha sawi phei kha chu zahawm ka ti khawp mai a. Khata tang khan Mizoram Politician inti te zawng zawng hian insiam thatna tur te, ngaihtuahna thar kan neihna tur te a awmin ka hria a. Vawiinah hian keini ringtute hi chu kan politics leh kan Christianna leh hemi khawvel piah lama kan thlarau nun thleng hian a inthil tlang vek a ni tih hriatna nung nen hian kan kal a ngai a. Vawiin hian a hmingin roreltute kan ni a, roreltute chu Pathian ruat an ni tih kan hria a. Tin, ringtu kan intih chuan a

ruattu duh ang zawnga kal tura insiam tur kan ni tih hi kan hria a, chaklo chung pawhin. Amaherawhchu, chak lohna avangte in tawngtaipui kan ngai a, Mizoram mipui tamtakin min tawngtaipui a ni tih kan hriatin a lawmawm kan tih rualin a thlamuan thlak kan ti a, min tawngtai sak zel tur pawhin tunah hian kan ngen tak meuh a. Chutiang chuan kan ram politics hi kan siamthat a tul a ni tih hi kan hotute hian an hre ve a ni. Chuvangin, Bible thu angin 'Rorelna dik chu lui angin luang sela, felna chu luipui kang ngailo angin luang rawh se' tia invawn nun reng kan tum bakah 'A chhe lai siam tha tu ni ang che' tih hian kan thiam ang angin kan infuih a ni.

Chuvangin, vawiiinah hian a hminga roreltu leh mipui rawngbawltu kan nihna-ah hian kan mawhphurhna hikan mihringpui Mizote-ah hian a tawp mai lova, amah min fun tu Pathian nungah hian a tawp ani tih ka hria a ni. Mahse, chuti chungin tisual thei, kal diklo thei, Petek thei kan nih avangin intawngtaipui chung a kan kal hi a pawimawh a. Thil diklo tepawh hi intimualpho leh inkher kherek zawng nilova siamthat duhna thinlung nena House-a member zahawmtak takte hi min dawm turin ka ngen a ni, ka lawm e.

SPEAKER : Tunah chuan a Motion neitu Pu John Siamkunga sawm ila, sawitul a tih angte sawiin, adopt rawn dil nghal sela a tha ang e, ilo sawm ang.

PU JOHN SIAMKUNGA : Pu Speaker, ka lawm e. Sawitu kan thahnem a, kan tel tam angreng a, a lawmawmin ka hria a. Tin, kan sawina tlangpuiah khan ka lo chhiar danah chuan positive response kan pe hlawmin ka hria a, a lawmawm tak meuh a. Tin, kan House Leader zahawmtakin a rawn wind up a, a sawikim hle tawh a. Chuvangin, sawitur em em awmin ka hre lova. Chuvangin, Pu Speaker, kan Governor zahawmtak thusawi kha, khami chungchangah khan lawmthu sawina Motion ka rawn pulut a, he ka Motion hi he House zahawmtak hian min pawmpui a, min pass pui turin ka rawn dil e.

SPEAKER : Governor thusawi chungchanga lawmthu sawina Motion of Thanks – 'that the Member of the Mizoram Legislative Assembly assembled in this Session are deeply grateful to the Governor for the addressed which he has been pleased to deliver to the Assembly on the 17th March, 2010' a saptawng chu a ni mai a. Kan hrethiam vek turah ngai ilangin. Kan sawiho ta a, adopt remti apiangin 'remti' ti ru le. Remtilo kan awm em ? Awmlo maw ? A lawmawm e. Awle, Governor thusawi chungchanga lawmthu sawina, Motion of Thanks chu House in lungual takin a adopt ta a ni.

Awle, vawiiina kan business chu kan zo ta a, naktuk ni 19.3.2010 (Zirtawpni) zing dar 10:30 ah kan thukhawm leh dawn nia.

Sitting is adjourned. 3:50 PM.